



Kollila ottan Shokku Tura Kiyu Mathaafadhan Leh

(Torrot, tanaw ottan allitippatesh, erkama kollinatat, erkama harikaminat, tanaw ottan talatenne lallet)



Tobhiya fedheraletanne Dhimokirasawet
Rippappilikket Timirt Minissiteret



Man Heke Kollilat T/P/P/K/M



Kollila ottan Shokku Tura Kiyu Mathaafadhan Leh

(Torrot, tanaw ottan allitippateshy erksmyu, erkama kollinatat,
erkama harikaminat, tanaw ottan talatenne lallet)

Dhikkisamippayanne orri paahilat

Appa Hawas H/Yesus
Appa Mateme Alemayew
Inikot Maikelech Kidhey
Appa all Amenit
Appa Dhagnachew Meles
Inikot Nethanet Ayen
Appa Mulugeta gabisa
Inikot Yedhit Meket
Appa Mesifin tefer
Appa Dhebere Abidhisa
Appa Abera Mehar

Orr mathaafa se furiy

K/s Wonitimakegn kassahun
K/s tinnshu kannitussa

Orr shoyadhi

K/sKasgn karamu
K/sTatelle Taraq



Tobhiyya Fedherralettanne Ripaapilikket
Kollila Minisitertat



Man Heke Kollilat T/P/P/K/M

Ayyippila

Dhikkissa mathaafa sedhi iyyani kodhashet inu qariqqar yallemi banik, UNISEF, SEVE THE CHILDREN , RIGHT TO PLEY, ADV, KTOB MEROPLATEN UNIVERISITY AND BENISHANIGUL GUMUZ B/K/ MENIGISIT BIRO NACHEW. Ayyippilayinne mahhadhot hemibhamadhiy mana lekenne orri lek hin kollilan shakket koyyas qariqqarissa lek dhasam. sen TIMIRIT MINISITER ayyippilayin dhan.

© Tobhiyya Fedherralettanne Ripaapilikket

Kollila Minisitertat

Parri allihattot 2010



Tobhiyya Fedherralettanne Ripaapilikket

Kollila Minisitertat

ISBN: 978-99944-2-860-1

Kalt	vi
Mathaafa Torrotat	vii
Mathaafa tanaw se ottan patesh erkawisamiyyu.....	27
Hellipa Erkama kollinattat	59
Mathaafa Erkama Harka Minat.....	93
Maathafa Tanaw Se ottan Talli Erkawissamiyyu	115
Maathafa laalletat	139

Kalt

Mathaafa seqqale mathaafa leh shokohuman akkan.Iyyano mathaafa torrottat ,mathaafa tanaw ottan pattesh erkawssamiyu ,erkama kollilat ,tanaw ottan tall erkawissamiyonne mathaafa lalletat kidha.Mathaafadhayin mathaafadha kollisappayat erkama qara nakashissas pana akkaniyon ull hayyamen.

Kollila ottan Shokku Tura Kiyu Mathaafadhan Leh



Mathaafa Torrotat



Inakkatta

Kalt	x
Torrot Dhihassa 1: Mashay Uffunusisa	1
Torrot Dhihassa 2: Hussadhu Uffunissisa	1
Torrot Dhihassa 3: Mashay lushata	2
Torrot Dhihassa 4: Taapayya lakk.....	3
Torrot Dhihassa 5: Apeppenne chemal	4
Torrot Dhihassa 6: Tanaw paahnaytisa.....	5
Torrot Dhihassa 7: Orriqqudhop qapama pinnanittat.....	5
Torrot Dhihassa 8: Inkot se ch'alitonne qayittadh	6
Torrot Dhihassa 9: Horret talatenne medhadhu.....	7
Torrot Dhihassa 10: Torrot man kollila heka happittamu.....	8
Torrot Dhihassa 11 Akkanadhan kiyyat qappanne kiyyat dhap	9
Torrot Dhihassa 12: Akkani bhaqqi dheiy por ulli dhekata amihekiyam.....	10
Torrot Dhihassa 13: Tanaw heke hellen.....	11
Torrot Dhihassa 14: Korisina hkimishat	12
Torrot Dhihassa 15: Tallan hllipat tuffi.....	13
Torrot Dhihassa 16: pullalise karattu hossaniyu	13
Torrot Dhihassa 17: Inikkot attuwattat	14
Torrot Dhihassa 18: Oppi ittanawiyan worraqqata sorroma.....	15
Torrot Dhihassa 19: dhatoyenne mashdhi lushata	16
Torrot Dhihassa 20: Kirrot tuffan	16
Torrot Dhihassa 21: kayalInne qayyitadhi.....	17
Torrot Dhihassa 22ya thiqqyonne katadhi	18
Torrot Dhihassa 23: Erkama lashi lashat	19
Torrot Dhihassa 24: korrisina inkkoshawot.....	20
Torrot Dhihassa 25: Dhihayyima maniqqarat.....	21
Torrot Dhihassa 26: Ayinu eppayit kiy.....	22
Torrot Dhihassa 27: Ohhama lehadhatenne paradhat	22
Torrot Dhihassa 28: Ferredha nallamppayt	23
Torrot Dhihassa 29: Ilukkalittet serom tinat.....	24

Kalt

Hin mathafa torotat medha ishamamminu toroset qappe. Torosseteno tappan qalli qoqqotta qapi se iyya kolliyyan qar qminishu kodhan dhakkassata, kollisamppayit torose illelu kana ukkana kulles kassata torose qale orr, mehadha, horrethawhawkisho, ikkhumi uffinananes kaninine.

Torose ishama turesh torose uffinatta fawssiniyy qunidha lellatenne hayyissot ishama uffinattadhu ishake. Ssekana torose nas kannenne lakkos illele. Torot se iannappapan shoke nasane it ishamen ushiyyen kana kasiyyadhan torose illa sohhadhi kassadho. qari padhawan kollilan iyya heppil kollen olle kaffumussisan medhan kassiyi kasadhu. Eti hellipa akkadhen medhan torot orripananishu etti qaffinadhane ishaminan hellipa idhayy.

Mathaffa seqqalle kasiyyadha ishamat enne korissina ulli hayyam. Hin kasiyyadha ishamatenne korissina hirrayimas dhehattan iyyani oppi ullale qapatta fadhen kanissa fottinan.

Tappa 1^{ya}



Torrot Dhihassa 1: Mashay Uffunusisa

Medha awi meti shaki ashan qar mashadhi uffusinisu dhakkayyina. Mahawu fathuma. paraw 7. Mahi appaw ippirriham. Inikkoshihu soffiy. Allawadha 2 qap. Iyyano dhawdhenne appidhilla kidhasham. Anittu hossaniyu musset. Animassimasuniy orri hollissaniyu ett akkiyyo. Siran monittu animassimasun. Annitu qari hittiniyu tollay.

Kassiyadha ishama:

1. Appa fathumanne inkkot fathum mahadhadhu ayyino?
2. Fathumat paradhi meqqa?
3. Fathumat maniyya hossan? qari hittinishu maniyya?
4. Fathumat allawadha meqqi qaffit? ayyinonne ayyinu kidhasham ?

Korrissina

Medha fathumat ashann mashadhi iuffinayttit akkitennem. iqqinitt pa? medha innano mahayne, inkkoshayinne appayin shokke mahi lemonnat imashi orissattan fotta in fayussin. Hin in massimassuniyyanne qar hittinishan ishama fotta in fadhussin.

Tappa 2^{ya}



Torrot Dhihassa 2: Hussadhu Uffunissisa

Medhdha metti shaki awi hussadhi ashan qar uffinussinittu dhakkayin.

Mahhawot fathum annitu hussi anittu uqqalli kalanniyu innissi kidhasham porrisse inu ulli tanawikkinu ich'y kidhenne nakkuli pallidhi inamimassimasuniyu. Allitashayinu qalle qoyyir manikkottat kiyya. Hellipa ottotate mannikkose kelas tanawat name massimasun. Manattinu man ayyittat massikkotettanne saniqqa qyyira sorromamen.

Kassiyadha ishamat:

1. Hussi fathum ayyinu kidhasham?
2. Mane ker fathum mana illa sorromam?
3. Man ker fathum massikkotettanne saniqqa moqqalle sorromam?

Korrissina

Medhdha fathumat ashan koti ollo hussadhi uffinaytissadhi heakkittenem. Iqqinit pa? medha inano hussayinne manayyin lashimit imashi orissata in fadhussin.

Tappa 3^{ya}



Torrot Dhihassa 3: Mashay lushata

Medhdhannet awi otti awi allimass kidhamishu kayyishet thurriy otti lushata mashadhet dhakkayina. Thurriy olle manni kollila shokku tura kiyu tala olli kollikinu kattoyu illa allimass kidhasham. Allimasset mani kollilattep anisho minishadhi ch'qqani mashadhi fillattan porrissadhi kakattan anni. Allimass minittadhi haqqani samunnan lashiminy ch'iqqanishu inidhodhanne sinodhi lashimin iyyan mill. Mashadhenno fillat kana op mashi hidhaniyyan hidhanine. Ettikkel dhikin illodhi rikkan. Dhama kana kapadhi shukkan. Kodhono allimasset illodhu lashimit iyyan att. Uqqaras ottanit illodhi tala dhama ulli hattiy kinatta dhiniyyan malla bhaqqi illat ami qappiyyanem. Allimass lashi min immillit. Semalla thuruyyenne katodhu dhikin hossan. Lashaka kollissamppayytet otti heke mashay lushata kollinisho hakkas allimasset inidhodhan sinodhu ch'qqan, mashayyn ch'qqata fillan, illa rikkattan, heke allimasset dhikin somomittan kitti ollo ishamisho allimasset ollo mssimassite.

Kassiyadha ishamat:

1. Allimass mashadhi ashan qar qappan?
2. Kollissamppayytet otti allimassesi mana kitt?
3. Allimass mashadhi lushata mehadhan maniyyanne maniyya?

Korrissina

Semala medhdha issomi kodhas lashi min mashayin, inidhon, sinonch'iqqattan mashayin lusha in fayussin.

Tappa 4^{ya}



Torrot Dhihassa 4: Taapayya lakk

Medhdha awi tapaya lakk kiyu torosset dhakayin. Tapaya shoku merridhanne tapaya shoku iqqan kiyyan. Tapaya se meridhi dhirrashi illa kalani. Tapaya se qan kaatamalle kallan. Hellipa kaashana kodh malla tapayase qan met mamoshay kassatas dhirrashilop an. Tapayaseqqani helipani iyyat pae kules tapayase merridhi dhikin massimas'kaffitaw anitu hehossaniyo hellushale kiy pak anidhot dhete'kidhan massimasunitan qedhadhi.

Tapaya se merridhi lashaka ettikel shakarrikidhi ollo hay ollo qunidha meawiy tapayase qanas ippohi. Tapayase qan massimasunitan kalase iyyat kattamale kalaniyu qapattan taapayyasse meridhdhe dhirrashiillaha kalaniyu erkama name tashiniy akka alli shamadhi. Sekana kules taappayyadhan lakk olli kattamap sohadhen kattamalep kallene kules tapayase merridhdhe panaleshi meppiratawa akkaniyyanne foqqawa kakkani akkani allishamadhi. Ch'appunita leki dhakaya uffinatadhiy mala nass makkenat pip kidha nawsa qari pee.

Tapayase merridhdhe kattamase kanale kalatta kappa hussawop kali kidhi hedhik kidhe Tapaya se merridhdhe katamali kallata kappa manawop kalli kidhi hedhika. Tapaya qaan tapaya kaattama se merridhdhe hembhi annitu taappayya hek kattamat kodhi malla ketheret illi kaalata hure attet tapaya heke dhirashat kodhit mala kalat hekattama kalattas herrakate'llashi min akkani awishiya kollot hellipa qoch'es ami ihattiyomo hekkodhu male kollottanne uffinatot hedhika'ikkidhi ollo porrissales dhay dhatan tapayase merridhi ott dhayattes ayyipissadhi ollo ane.

Kassiyadha ishamat:

1. Taapayya se dhirrashshe illa kalaniyu katamapp ane kules maniyyanne maniya akki?
2. Taapayya se katamalle kalaniyu dhirashillop ane kules maniyyanne maniya akki?
3. Tapayase hek kattamat tapayase hek dhirashattes hayanniyo maniya ikkidhi?
4. Tapayase hek katama tapayase hek dhirashates hayaniyo maniya ikkodh?

Korrissina

Semmala medha helipa mitt akkan awishiyya kollot hellipa qoch's rakkattot ami allihatiam,
Akkani qim uffinatass kokata fawossin.

Tappa 5^{ya}



Torrot Dhihassa 5: Apeppenne chemal

Medhdha awi 'apeppenne chemal' kiyyu torose dhakayina.

Apeppenne chemal medha hussi shokkoha olli kalaniy. Kata orri hossaniy. Hellipan iyya man kollilate mittatiyanne hellipa hayisoshadhote panollet olli tanawen, panollet tanaweni kana orri qariqqarani erkama mani talat olli erkani. lashishaka hellipani iya tanawiyanaale panolletin pappaqqit. Hellipaneet hedhi pappaqqiye olli kidhan olli ch'iadhen. Hellippanete apeppenne chemali appadha paiyen illo orrimina alli qappen chemallenne apepp min olli ch'ien kassadhen kana hellipa tanawattenne mehadha nayyiqqata, kaama, qepa, shokke pattaseno fotiyyan sedhi uffinata in fayussin kidhan arrarissen. Chemallenne apepp sekkana katumadhu hiradhen, ami olli ch'ia heuppanem.

Kassiyadha ishamat:

1. Chemalenne apepep maniyane maniyya?
2. Chemalenne apepep manaminan olli ch'in?
3. Chemalenne apepep ashan olli arraramen?

Korrissina

Helipa tanawate nayqqata, kama, qepa shoke pattanne seminan tanawishane olli ch'iot ammiffawosiniyam.

Tappa 6^{ya}



Torrot Dhihassa 6: Tanaw paahnaytisa

Medha awi ‘apepepenne chema’l kishu torose ittoran dhihassa 5 qara qaroran dha kassana umina hirani torot seqqale akkanise iyya akkiniyyan panayyitissan tanawin kidhan hin arrikannet kiyy kanas qattini.

- “Apepepenne chemal” kishu torot imash orrissananes qari orra isham,
- Torrose qara kiyy akkanise akkaniyu kassatan reehinani kodh,
- Paahnat haw kishon medhdha mah qar koyya (apeppa,chemale,appa apepepene inkkot chemel)
- Apepepenne chemal panayittissan panollet dhattannene torose panayittissan tanawinani kodh.
- Hirran panayyittissa tanawa medhan tanawadhy tara tanawssisa.

Tappa 7^{ya}



Torrot Dhihassa 7: Orriqqudhop qapama pinnanittat

Medhdha awi “orriqqudhop qapa pinanittat” kishu torose dhakkayina.karim,kkaalitta,nne sepa akkani se iyya akken orrimittas qalli qotta ollo dhamas hema sohadhen.Oll kiyyattan kattani turri qassadhenollo ikkayen.Olli sennadhu mittas orrimittas qalli qotas orriqqudhop laen.karrimot pinanit set dhihhasan hirren sekkana sep kidhot lek anayu qedhan,manamalla shokkiyoti otti naffadhussit malla,Ilakkiyot dham hek murrali kodhi malla,hallipattiyot osse anittu irramppayt kodhi malla kidhi. Ishama sehiran in illa kassiy sohhashinnu kiyyadho ottayinno qari padhawn sohani dhamin ikidh.

Iyyano hin tura huramalle lakoss karima turiqqattas hemma sohan kino orrimittass qalli qottatas olli seni.Senusadhu mittas orrimittas erkan ollo katanit hemin. hekodhu malle orrimittas qalli qottanin sekkodhadhiyye kules sekkana ami oll hema sohaninam katumayyino all hattin ikkidhen.muttayyittas karimasseteno qap seti senan ikkum orrimittas qalliqqottan dhamen,olli kalattadhono hirradhene.

Kassiyadha ishama:

1. Pinanan hema oll orr hekkanadho? Mana kidhen oll sennen?
2. Ottanishadhu tala oll senadhitoti manasse?
3. Ottanishadhu tala oll senadhitadhu ashani furiyyen?

Korrissina

Oll senadhitot ishaman furisanenne oll kiyata illa orriserikisanne orr qara dhakay fawosin.

Tappa 8^{ya}**Torrot Dhihassa 8: Inkot se ch'alitonne qayittadh**

Medhdha awi lam inikkose ch'allitonne qayittadhi' kiyu torrose dhakayina. Inikose ch'allitonne qayittadhi lashi shak shaka kattama pattesh hayissaniyan. Setteseno qayittadhu appase keppedhe makkenay kiyu appase keppedh hellipan iyat katamalli aniyo makkenalles lamippa inakkan qayittadhu mani 5nne medhay 4 olli kodhan 9 kodhen ollo anen. Ullas lashi mulottas awodhi mittaten dhahhen manadhu manadhopp anninan. Inikkosse ch'allitonne qayittadhi appasse keppedho dhikiyen ayyipissadhen. Inikkosse ch'alitonne kattadhi makkenaset orrise ukkappeshi kiyu lam faritta, hhareta, kaniketta, haissottas kodhan. mehadha qar feattaseno haret qarar feani. qayit heke ch'alittu erkamodhu shakarikkissas mehadhdha akkan haw haw kiyu qari feas sorroman.

Kassiyadha ishamat:

1. Innkkosse ch'alitonne qayittadhe manas katama patesh anen?
2. Innkkosse ch'alitonne qayittadhe katama pateshi maniyen anen?
3. Innkkosse ch'alitonne qayittadhe katama pateshi aniyane name meqqi kodhen?
4. Innkkosse ch'alittu husadhe kappesh orr kiyu akkan fea feaniyan maniyen?
5. Medhan hussayin kappesh fea feas akkan maniyenne maniya. Ahop anitten uffittan?

Korrissina

Medhdha heakittenm akkani pahhayanne awishiya fea op uqqar feiyan qum husayin mittas erkawssata fottitanan.

Tappa 9^{ya}



Torrot Dhihassa 9: Horret talatenne medhadhu

Medhdha awi 'horret talatenne medhadhu' kiyyu torosset dhakayin. Kollampayyit appidhu kidhashamiyu kiy. Iashi shaka kollisampaytteshadhu appidhes seppi kitt kassat. Manayine horret tall maniyanne maniya kiy? Appidheno manayno atturet, hera, harret, fart, kaman, horim qaffina ikkidh. Lekkusodhu meqqa ikkit . aturet shakanne medhadhi lak, hharret affur, okkat heni, horrim lak, qaffina ikkidh. Appadhu seqqim dhihasodhu dhikkin uffitta ikkit. Sep kaninisho appadhu hemassimas. kollisampayittetano kassanani horrese akkiniy qalli qapan iakkitt 'medhdha intu kassanayn toyyan hin ila horret tal kodh ani lela'heikkitt. medhdhan kassanan akkiyane dhikiyen massimasen. Aman iyya kapa kiyyanep ikkodhen. Shokku shokku errop ellan horrese harrik qapattan mahadhodhu ilelan. Kassanan qarra hin akkaniyy horret tal kassana dhihan lekkusodhu ishamen. Kollisampaytteshadhono medhdha qim kodhadhu horret tal mahadhu leladhu dhikkitt massimasit. Kollampaya illa kayishi appidh kodhitt shhara kollisampayittet set kassiy shoku kassat. Hin horret tal medhodhu mana kidhasham? kkit kassat. Kollisampayittetano'ssahhari seqqit kassiy dhik kassat. 'kkit ollo horret tali medhodhi mahhadhu hinep kiyyane kit ollo ishama hirrit.

- Medhdha atturet gnawaya kidham,
- Medhdha heera kuttikkuta kidham,
- Medhdha haaret okka kidhm,
- Medhdha heelemat honno?a kidham,
- Medhdha okkattetat okka kidham,

Se malla horret tal akkan lekes fadhusin dhiky lushsha he ikkit kidham.

Kassiyadha ishamat:

1. Kollisampaytteshadhu appidhu mana kit kassat?
2. Manayine appidhe horet tal meq kiy?
3. Kollisampayttadhu kassana ashan kiyy iakkiiy?
4. Katta appidhu kollisampaytt maniya kidhi ollo kasadhi?
5. Kollisampayttet medhdha horet tal mahadhodhu manane maniya kidhdham?

Korrissina

Medhdha horret tal dhamas, erkamas, lushayim ot iyya fadhusiyeen mala dhamodhu idhata inu fadhussine.

Tappa 10^{ya}



Torrot Dhihassa 10: Torrot man kollila heka happittamu

Medha awi ot man kollila heke happittamu dhakkayin. Happitamot met par 6 hellipan iyyat dhallaniyo rakosse iyya qar pa? it minnan por poresh lemay anitan. Happitamot inikkot happittamu man hkkimet haw haw kiyop ianit naaf kidhdhano hakkimesseteno erop ellashisaseno am heffottitem. Happittamu hellipa mitt ettikel ettikel hayyani harrat manadhu kapas laissan medha hussay man kollilatep anniyanne ‘annitu manas man kollilatep anittadhin?’ kidhi ollo qapan. Lashakka inkkoshay kassan. Parreshadhe ettikel inkkoshay qumise kollinattatep happittamu ippat kakakat hussadhu kapeshe man kollila sekiyu ianit. Mam kollilatt paite man kollila qarran sinkkit kodh ot happittamos kollila fadhanne ashan qar kollissa fottinan kassat. Kollissampayttano happittamu man kollilatep idheayt inkkoshay ayyipissadhi happittamu mani kollilate mahny thaffaminu kodhiy kana kuller meetinet iyyat uqqara aninu man kollilate por iyyat ul ollanonne por porep seya fotinu akkani offamiyunne tekkat akkan fayussiniyu dhatas oll ishamadhen. Happitamot hiniyyat isseseinnu akkanni offamiyu awshiyya tekkat akkattan katoyolle mani kollilatep dhi. Man kollilateeno akkaniseoffamiyas tillitili soromman akka iyyat hinu seyani kollila kolla hirre.

Kassiyadha ishama:

1. Happittamu seiyu ashanase?
2. Happittamu medha mani kollilatep anniyyane mana kidhi ollo qapadhi?
3. Inkkot happittamonne sinikkot man kollilatep maniya qarash olli ishameen?
4. Mani kollila happittamos maniyyane maniyya idhikkiyyen?

Korrissina

Mmedhdha rakkotte happittamop kishu qari pait katodhu mani kollila tala hassadhos mani kollilat ollanan por porep anninan akkani offamiyyanne hin iyya ittanawiiyyan otti iyya fadhussiniyu akkatta fottinanes qariqqara iffawssin.

Tappa 11^{ya}



Torrot Dhihassa 11 Akkanadhan kiyat qappanne kiyat dhap

Medha awi torose hussayinu kappeshi kishu kisho akkanadha kiyat qappanne kiyat dhap kishu dhakayin.

Llashi shaka kollisamppayt hakkos pare otti kollilat pori mani kollila kappeshi kiyu porise oppi ulli hayyssaniyyan ikkumi kiyos ikkit. kollisampayitteshadhu hin itt kit dhakkayan hakkossenne kattay dhikkiyen massimassen. Hellippas akkani shoyyattate ettikkelayytan hayyen hakkossenne kayishay mani kollilatep aneni. Ssekkana kollisampaytadhu olle por opp ulli haysaniyyanep anen. Hellipani iyya paene akkan nami massimasuniyanne inidhas toyossini qoraya, dhakkala, hussa, rakkaka, shatta, akken. Hin iyya akkeni illa dhikkiyen massimassen. Hakkossenne kattay 'hin inu akkaniiy dhahen maniya kidhasham'? kidhen ollo kollisampayittadhu kassadhen. kollisampayttano'hin in akkaniiy kinat qappanne kinat dhap kidhashaman por lakess qottami. kinat pinanitta, qorayya, hanippira kidhasham. Hin kiyat dhap dhakkala, haqqa, shatta, hussa, ottota kidhashami'heikkidhe. Kollisampayttadhono hin arriqqudhat kiyy namass dhikin fadhussin semalla lushatta in fadhussin.'hikkidhe. hakkossen attas qunidha, rakkaka, pullala, annanekkataw qedhatta fottinam?'ssetep kidhi ollo fiqqatta kassadhi. kollisampayttano' qunidhanne rakkaka poha ollo qedhadha pullaladha ami qurot fayusiniyam qorayya lusha inffadhusin'heikkidhi. sekkana hakkossenne kattay qunidh 10nne rakaka 10 pohadhen.ukkana kuller shoyyatadhu kayissisan mani kollilattep mittaten kidhasham.

Kassiyadha ishama:

1. Hakosenne katay kolisampaytadhos olle shoyata anene mana aken?
2. Akan kiyat qap hikane?hin kiyat dhape ?
3. Qoraya smanas lusha fayosit?
4. Hakkosene katay por shoyatat maniya qapan man kollilatp mitaten? manase?

5. Kkinat qap namas manas fadhosi niyap inkkodh?
6. Kkinat dhap manas infadhosi n?

Korrissina

Mmedh akkitenem husayin kapesh kinat qapanne dhap namas fadhosi yen lusha infadhosi n.

Tappa 12^{ya}



Torrot Dhihassa 12: Akkani bhaqqi dheiy por ulli dhekata amihekiyam

Medha awi akkani bhaqqi dheiy por ulli dhekattat kiyu toroset dhakayn.

Cherrimmettanne katoy porawop dheani mani awshittap anen. Iyyan porrinat lekit kawop annittan pulliqqanitta, hasha, poriselakkatnayıqqadhi cherrimmettas fadhusin. Medha harikkayin ch'iqqata malle dhama dhamene kuller kappi medhat qottanne karidhi qalles kalattasenne medha bhaqqissas kodhi.

Tayonnane lemoy mani awshittadh p aneni. mani appit tala dhamani nayıqqadhenne hassiladha akken. Ttayonnati sinoy qapadhi kapat folunit ani nayqqadhe hekkidhi. kattayanni iyy ch'iqqa, ushuqqanne, millissa, hirren.

Cherrimethassilanne ulli ulafelladheni ollo passadhen'. Amirakothe kishammittatin'kidhen'kkere tayoni lashaka ushuqqase allidhinan kidhen ishamadhen."

Tayyonanne lemey katoy olle manise somapp aneni ollo toyen amani inot iyyan som manayyinono issom. "Hhelli pami t hekkodhu malle immili lashimin kodhinu ushuqqa milla fawssin. semalle cherrimawa qallesi mittatinan hekkit inikkot tayyon.

Kere tayyoni medha pillano lemodhu manadhu se iyya ulla kalaniyyan ushuqqan cherimawa potta dhappinani kodhi. pori se oppi ulla kalaniyyan sanaffet laki ushuqqadhiniyo haka akkananes medha kenidha fellanani.

Kassiyadha ishama:

1. Cherim, hasiladhanne firaniy manni ker tayonap manas issenen?
2. Cherrimawa karidhi name qallep ashani kali?
3. Cherm, hasiladhanne firaniy manni tayoni manas alli dhiyeni ollo feladhen?

Korrissina

Mannanonne hussayinu hellipa mitti lushino anneno harikkadhanu samuna ch'iqqano cherimettanne hassiladha ammi kiyyananem.innono nami dhik kodhin.

Tappa 13^{ya}



Torrot Dhihassa 13: Tanaw heke hellen

Medha awi tanawse tanawssamiyu hekke hellen dhakkayin.

Hellenet lashimit medha olle tanawa hossan. Hellenet tanaw panollet lukkatenne fellanita hayillet hossan. kollisamppaytadhi hellen atti name qim hekit ollo kokkit. hekodhu malle hellen tanawisho ami iss hellushatem. lashishaka hayyilet felit malla hesunikkit. lukket pitot heqqepit. minishadhenne harrikadhi ukkeli rikamen. sinnadhaanne hibhadhidhiki pat kodhen. mmashadheno husi pat kodhi. hekodhu malle inndhadhi ammi akkani hekodhenem. Hellenet hakka dhinitos tanawse itt hossanishu panollet lukkahhehat. lukket helleneno laku laku dhinat ollo hellenet tanawse hirrat.

Kassiyadha ishama:

1. Torosinet hekket manate?
2. Ihellen kokinishu ayyino?mana ikkit ?
3. Hellenet hellippa lekke panollet lukka it tanawa dhinishu maniyase?
4. Ddhakinishadhi ashan kishu illeshi dhidhissat?
5. Etti illushatta tanawadhito ashani kodhit?

Korrissina

Medha heakkitenem hettittanawikishane dhikiy illushadha. Hetti illushatta dhitane dhakkinnittadhan qaras rakkot dhakayissamanin.harrikadh

Tappa 14^{ya}



Torrot Dhihassa 14: Korisina hkimishat

Medha awi ot korisina hkimetat torot dhakayn.

Llash shakka taytot man kollilatesh dhet man talas tanwisho tharimuset akkit .Ilakkos tharimuset qahit ollo dhinasanisho qorichi kodhi mala likimalle folle. Elli mana mana kin kit?ollo qorich se kap kot. Ch'aways ollatap kodhit kana kules kardhadhi dhikkin bhaqqodh.Inkkoshadhe shaker kit ollo man akimetatep inanit.

Hhkimish toyy kana kules mses qorich fadosisamadhiyy kodhi ishakk. Inkkoshadhi olle mariyyadh kana dhinusa idhayy. Inkkoshadhes medha por iyya paadhniyyan hayya fadhosi koris. Mtaytas taytot lakiyyas lemadh hyen fikkadha male qapatanne kap koyya dhinitu koris.

Kassiyadha ishama:

1. Taytot man kollilatsh mittat kana mana kot?
2. Taytot akkan se it akkit mana kot?
3. Inkot taytu manas man akkimetatp inanit?
4. Taytot tharimuset se akkit kules makk mana koyy iffadhosiinayy? manas?

Korrissina

Medha mehadhan lama hyyn fiqqadh malle qapatanne kap koyy amiffayosinym.

Tappa 15^{ya}



Torrot Dhihassa 15: Tallan hllipat tuffi

Medha awi tala hallipat tuffi toroset dhakkayin. hellipa ollote talla halipat tuffi kiyy. Iyyano ch'awayy tuuffi, ottanitishi tuffi, ikkan tuffi, kiyya. Ttallayin haqqi patesh kalan. haqqi patti tarripa fadhen ollo oyy dhama fadhen. Ttillitili kellel kakura kiyy.

Llhashishaka orriketinnet tilitili qareshi tarippa fadhi. kakurot ikkidhe ayyinu tilitil qar tarippine dhamihhina ikkidhi. Orriketinet anidhamadhiyye annikkasaw anniqqarel ch'ala ikkidhi. kakurraseteno tarippe ikkidhi. Orrikese ottanittishi tilitil qar tarippiyyo kakurotinnet ayinu tarippine ikkidhi. Oriketin ottanitishi anidhamadhiyye annikasw ikkan dheine ikkidhi kakurotin awo taripi ikkidhi.

Ssekkana orrikesin annikkasadhu kodhiyu tarippa hir kakurotin ayino tilittil qar tariptu dhamihina ikkidhi. orriketin kani inito kasaw qar qappadho ikkidhi. Orrikesin kani kassayen torri ollo kakurase madhi kakurotin haqqi illop allipei. lakiyyas poriseilop ami hedhehadhem. Orrikawan hallipat tufeno oyyise dhaman quhen tiffetanoppat.

Kassiyadha ishama:

1. Orrikkaya meqqi kiyy? ayyinu ayyinu kidhashm?
2. Tillitili kelani ayyinu kiyy?
3. Kkakurrot talan ikkumi tarippinan fadhi meqqa? kakurot orrikawan lak ikkum tarippinan fadhi maniyap in kiyyan?

Korrissina

Medha akkani erkassa turreshi irranitteshi kiy toyyan rakoti kela passata fayussin shokke iuffinatta fadhussin.



Torrot Dhihassa 16: pullalise karattu hossaniyu

Medha awi pullalise karattu hossaniyu toroset dhakayin. Kkarattoti met qim. Ettikkel ettikkel sohattan chikkignet ukkin. Chikkignese kappeshi gnagna, mich'anne karottet kiyy. Kkawinellanne monitu sira ukkappeshi kiyy. pullalise illa karatoti kawinela hossan.

Lashishaka karatot haqqi ukkisa anne pullali kawinelaset sira hussapi kiyyu qaffinat. Iyyano dhapiy aqqi ukkiy naffi kidhano ami dhina effottitem dhikiy dhappissan por chikkinetatep annita allidhiy.Appayyeno immot pullali sehosatat heupi haqqi leki itt hosattadhinishu mala hellipa roppi taripa fadhusin. Irrattet quradhiyye hushinita. Appay por chikkignetatep anne kuller pullalatinet qumi turratep ulli orrit. karato shakarri kidhe hoye heikkidhi karatono massimasunittan haqqise ukkisa hir pullalaseteno pullala hirite.

Kassiyadha ishama:

1. Iyyan dhama fadhusiny chikignet karatu maniyanne maniya?
2. Ppullali karatu manas issete kani?
3. Ppullalisse karatu hosaniyu siradhu maniyanne maniya?
4. Kkaratu maniyas dhappiy?
5. Appa karatu mana kidhi ollo koris?

Korrissina

Medha etti irrattet quradhiyane dhikkiyan erkadhene heriy kani akkata fottinan.irratet qura dhitan qari orra erkadhane ohayyita dhi.

Tappa 16^{ya}



Torrot Dhihassa 17: Inikkot attuwattat

I kidhn hemibhamishu inikoshak kiyy inikkosin medha lehi hayit medhodhu dhahen panat haw haw kishu qappan.Itti medhodhu reehas ami rakanisham. Iyano LU, LI, LE, LO, Kidhasham. Lakkadhon pitoti qaras akkila haw haw kiyy qapan. LA, LI, Kidhasham hembham.Inikkoshidhu dhikin reehishi.Iyyayilla name shoku reehadhi kidhi qapata uffit.Mmedhodhu dhahadhon orrimittas hossan. Inikkawa attuwattat dhahen iyya medhodhu reehiyyan kiyy.

Kassiyadha ishama:

1. Torose illa inikkot attuwat ayyino?
2. Attuwat I medhodhi ashani reehi?
3. Dhinidhi missikkit qaras medha heki attuwati I orrame?
4. Dhinidhi pitot qaras medhani hek attuwat I orrame?

Korrissina

Medha attuwat I sette kodhamalle sagnet attuwat dhahenet akkila naffi qaffinadhan kidhano dhikiyya qali qapadha.

Tappa 17^{ya}



Torrot Dhihassa 18: Oppi ittanawiyān worraqqata sorroma

Medha awi oppi ittanawiyān worraqqata erkata kiyu toroset dhakayin.

Kkitona kata mani kolliladhi illa met kodhi kamiyyos kidhashm kamiyyos tanawi hossan. Uuqqari padhawan robhila worraqqata erkata fot. Robhilase erkatanani erelli hap iyyati ollo haya qara anitta hirr. kittonanne katodhu kamiyossola tanawan dhikiyyen massimasen. Robhilla worraqqata sorroman qinich'a hidhan iffellinan akka massimasen. kamiyyos worraqqata qalli qepissan qidha sorrom ollo katooyaseno kolliyy.

Kassiyadha ishama:

1. Tanaw hossaniyu kayishi kitton ayinno?
2. Ttanaw se ker kittan tanawiyān ayyinu kidhasham?
3. Kkere kitton tanawiyān mehadhan ayinu kidhasham?

Korrissina

Kkere kamiyossenne kere kitton tanawisedhi hellipamit tanawse tanw. Inano kamiyossenne qumi kittonap worraqqata sorroma akkani oppi ittanawiyān erkadha.

Tappa 19^{ya}



Torrot Dhihassa 19: dhatoyenne mashdhi lushata

Medha awi torose dhatonanne mashadhi lushata kishu dhakayin.

Inkkot dhaton mahadhi kitton mani kollilatep hellipa mit anisho pihass dhamanne haqqi qappan. Dhamadhano hellipa harrikadhi ch'iqqan ikkom dhamittos koris. Dhama dhiti kidhi bhaqqani qapamat. Dhatoni korisina inkkoshadhi dhakayyan harrikadhi ch'iqqan ollo dhama dhama. Haqqi somano ukki. Eti kayyisito mehadhani harikka ch'iqqata muttayita kela mehadhodhu porisa kellas mehadhodhu hayyatan talop kali. Inkkot dhaton inashiyu iqqit hellippodhi illas dhamadhamn dhakinitayten idhikat kodhit.

Kassiyadha ishama:

1. Inkkot dhattoni dhatonat mani kollilatep anisho maniyya qappissis?
2. Dhatton dhama dhama tureshi maniyya koyy?
3. Inkkot dhatton maniyya kit korissi?
4. Dhakkinitayinos akkani fadhussinyu maniyya?

Korrissina

Medha dhakkinitadhos dhamanne haqqi fadhusin. Hekkodhu malle innono dhattonat dhama dhaman dhakkinitayinu lushata in fadhussin.

Tappa 21^{ya}



Torrot Dhihassa 20: Kirrot tuffan

Medha awi otti kirrot tuffan torose dhakayin. lashaka tuffan ami tala hekkisham. kirot hayyilet tufi. medhodhano dhikiyen tuffen. Dhama fadhatas allitopi annit. Ami dheto hemmittatemu. Medhani halippat inkkoshadhu lushiyane kules ettekat. sep kidhen lalatta hireen.

Inikkoshayino hedhi hessanikino,
 Mannas hatte ullidhat kodha hinitta,
 Inikkoye shakkari kidhi inu dheye,
 Tuffanano amihekkishamo hettuffine.
 Inikkoshayinu hehossanine,
 Shakkari kidhi dheye hess kanina.

Hellipa leke qari orra lalladhen. Inikkoshadheno dheya ami heffottitem. Inikkoshaynu lushino kidhen allitashi tawen. Harratadhu patan haqqi hidham akken lahat kidhen tyoyene kules panashadhu qumi kawattatep iakkiyen. Anittu uqqalep kalahina attuessin pohi kitt sepporat korrisina inikkoshadhi dhakkayit . Inikkoshidhu aqqi akkat mala kaladhiya henayqqa hekit ami hekkorisitemu. Atturat atti ami hedhakayitemu. sekana haqqat it kap tarripe kules heppoyt. Inkkoshidhu por sekashi poyishadhu dhakayit ollo felit. Shakkari kit ollo meset haqqila qet. korisina dhakaya dhittan hedhapit. Kirrawan korisina dhakkayes hekka tanawi idhat.

Kassiyadha ishama:

1. Kirawa hallippat manadhu tala iyya sohadhen maniya akkadhen?
2. Inikkoshidhu kappopi dhehate kirawan mana kidhen laladhe?
3. Korrissina inikkoshadhu dhakaya dhit kirot hekkanite?
4. Inikkot kirottadha kirose poratenne seromat hekka tanawi it idhat maniyyase?

Korrissina

Medha heakkitenem korisina lemanat korissina lemani dhakaya rakkot kela illushanitan.

Tappa 22^{ya}



Torrot Dhihassa 21: kayalInne qayyatadhi

Medha awe ott inkose kayalInne qayyatadhi anidhtane hosintan kalatadhu dhakyyin.

Inkose kayalanne qayyatadh por shokko yayyp kiyane olln kalan. Inkkose kayalInne qayyatadhi etikel hayiyan ullidhat erkama illa mittatiyann orri akkiyane kules ashani peaten ashan nakkayitene kidhan kalashadhon massimas. Awdhem lashi hayyissotate inkkose kayal punit harrisan qayyatadhi hembhi. Otti erkamodhottes otti medhadhotess ishamiyyan. Awppila

inikkose karich'u punit harrit qayittadhi olle ukkiyane nam bhaqqodhi etti kinadho ollen anni kassan.sseni inikkose kayal hellipa lekkes annidhotan massimasunnitan qayyitadhi olle kaladhen.

Kassiyadha ishama:

1. Manne inikkose kayal hussadhi ayinu kidhasham?
2. Inikkose kayalanne qayittadhi meqqa?
3. Inikkose kayalanne qayyitadhi hellipa ashani kisho orri aki?
4. Inikkose kayalanne qayittadhi hellipa hayissottate maniya erkan?
5. Inikkose kayal manas massimas?

Korrissina

Medha heakkitenem innano qayitayinessenne kattonas dhikkattan anidhottanne massimasunnitan kalatta in fadhusin.

Tappa 23^{ya}



Torrot Dhihassa 22ya thiqqyonne katadhi

Medha awi thiqqayonne katadhi hussadhu kappeshi qoraya lushadhu fotadhu dhakkayina.

Mmani ker thiqqayo qoraya hallipat kiyy. lema thiqqayu qorayanet haqqi ukkissas hussi ukkap naqqas korrissen. Thiqqayono korrissina setten haqqanne hussi ukkap soroma hirt.Ssetten qorayanet hossat. Lashishaka thiqqayonne thiwa, thayitu olli kiyyatan tanawa fadhite.ollo manadhep idhet. sekkana qorayan itt hossanishu ukkeli laeni ollo tanawa hirren. Thiqqayot qorayani manaynu pata kiyy malla somommen lemaw haqqane hussi ukkap sorrom kidhan somommen. Qorraya mani dhihassenne qorrichi qassissattas fadhussin.inanno qumawop qorraya lushani ikkit ollo korrisit. kattodhano qume thiqqayop haqqane hussi qoyirri kap soroman qorayotti somomi. lema thiqqayonne orri ukkappeshi kiyy dhikkiyen ayyipissadhen.

Kassiyadha ishama:

1. Thiqqayot qorayan mandh pata kiyas mana koy?
2. Thiqqayu katodhas many lelit?
3. Thiqqayu katodhos qoraya husadhu kapsh kiyy akkan kapikoyan husadhos akkan iyya dhanyy maniya?

Korrissina

Inano medha qumi thiqqayop hussayyini kappeshi qorayani kiyy akkani kap soroman qorrayn ikkumi kaninanessenne akkani fadhusiniyanes kodhi. semala ukapi sosoroma.

Tappa 24^{va}**Torrot Dhihassa 23: Erkama lashi lashat**

Tawassanne thawaq ettikkelane kalap ullidhatanne awodhi mana akka kodhi uffinanitan dhakayn. lashi shaka tawassanne thawaqqi lakki toyattas mani kollila heke kallotep annen. ulli paene kules ottani tallop lumen. Medhani ottani tala kiyy ullas laen. kollismpayittadhu ettikkelanne kalap ullidhatane awodhi mana kidha medhannet kollisale kiyy. Tawassanne thawaqqi lelisse dhakkayene kules massimasen. Medha kollisamppaytेशadhu kollinisho ettikkel peott illa hayani mint ch'iqqatan ch'olat ch'olawan taffitara qedhatan haka pihates kollila kollitan hellipayin heti keli kidhasham. pihha kana hakka ullidhattates kallap kidhasham. Awodhi kidhikinu nammat hellipa alli peaniyo kidha. Tawassanne thawaqqi hin iyya dhakkayenne kollisamppayttadhu olle massimasadhu ollo manadhop mittaten.

Kassiyadha ishama:

1. Torose inat dhakkayitten otti manat isham?
2. Medhayin tinai kappop toyya ani ayyino?
3. Medhani tinai paiyene kules ottan hekkane kallinan?
4. Ettikkel manane maniya kodhi?
5. Ettikelanne kalap kodhisho maniya akki?
6. Aodhi qale mana koy?
7. Pporrinattanne awodhi kodhito maniyya akkan?

Korrissina

Medha innat ettikkel, kalap, ullidhat, awodhi hellipan hinnettep kiyu uffinata in fadhussin. Dhikkiya orrikkela uffinadha.

Tappa 25^{ya}



Torrot Dhihassa 24: korrissina inkkoshawot

Medha awi korisina inkkoshawot kiyu toroset dhakayin.

Apperashet kollamppaytet hek tur qatat. hellipa leke orat akkani qara kasaniyyane intu olladho korissina inkkoshawot fadhe. settep kidhi ollo inkkoshadhu kapa korissina qedhan. lashaka appi apparashi kessumummas dheillo apperashi nanayissa hembhi. Hhyilletan tashe inittu harikkayit uwat kelop kalliye ollo harrikayit anippat mich'iriye. Hhellipaneette apparashet akkani inkkoshidhi korissit mashi orr. Mettot akkani anittu helelliyonne akkani atti uffinata fottitu namat dhakkinittayit qappanine heno dhakkinitnamat i qapadhn. sekkana appiyyadhi setep ikkidhi kannu korissina inkkoshadhet mashi orr shakkarikit ollo inkkoshadhi lelaanit. tonikku mettot heikkitt. ittillo inikko annitu fadhamalle dhakkinittaw qappadhen kidhi mana kodhay. Inkkoshidhi mettot missithirreta iyya hedhi qapani he qappadhen kidhi naffeno shakarri kidhi ollo appayittene ani leli hekit ollo korisit.

Kassiyadha ishama:

1. Apparashi maniya kodhan uffinashat? manas ?
2. Inikkot apparashi mana kit ollo apparashi korissit?
3. Apparashet Manama kitte inkkoshaw anolle ch'iin ki?

Korrissina

Dhakinishayin se uwat uwissant ayyinono kodho hekketayin qapatas ami fadhusinisham. hekodhu malleayinono hekeshayin qappadho kollismpaytani lela.

Tappa 26^{ya}



Torrot Dhihassa 25: Dhihayima maniqqarat

Awī torose dhihayimi maniqqar kishu dhakkayin.

Appeppenē katay hellipa hayissoshadhote iyyani hussadhu kappeshi kiyy qoraya toyan hellipa lekkes taripin. Iashaka appeppenē kumalu mani kerre kallikalop kallin panollet qapattanttanaw hiren panolesse olli dhadhaniyane kules panolettinet dhihayim maniqqar peit. panollesse qedhas hellipani iyya felliyane anikkas appap kalikkalot nasay errashi dhakashisan inas lele. Kidhan medha nahiy iyyalo ikkidhene amiinotti nayyiqqininnamo heno qariqqarin ikkidhen. Anikkasadhu ikkidhe panollesseteno annayu in qedhina amni hellipayines akkani innat anniqqarriqqarinttan kidhan dhihayim maniqqarisse iakkin ker appapano ayyippissatan panollesse qedhattan pori tanawatep anen.

Kassiyadha ishama:

1. Appappanne kallikalu mane kissimop maniyas kalen?
2. Manne anikkas appapp nassay sohashissan maniya kidhi?
3. Dhihayim se mani kissimu qara kiyu manane maniya?
4. Dhihayim maniqqar dhahen kasana leki qapu hekkane?
5. Dhihayimi maniqqar hekkane qurama kay?
6. Dhihayimi maniqqar dhamot manas fadhusini?
7. Annikkas appap dhihayimi mani qale maniya akkani?

Korrissina

Medha dhihayimi mani qar namas fadhusin semalla dhihayimi maniqqar lusha in fadhussin.

Tappa 27^{ya}



Torrot Dhihassa 26: Ayinu eppayit kiy

Hhellipa shakanidho qillalayitanne orrayit ollen hussi shoko illi kalan. Lashaka kules lakadhon dhama fadhattas murrallep anne. Orrayyit hemanet iya dhamitu akkata malle manadhep mittat. Hayyilet itt tuffit malla pana itt dhama ulli akkanitu fadhat. para tuffet toino qillalayit dhama kidh hedhika kit ollo qapat. Ashan akka qapinitu qapat. Qillalayt hakka hema illa mittatishos manadhi kelli dhekadhon kit qapat. Qillayit qoraya qar tori ollo dhamoy kayisiy ollo kaliyo kules hakkat manay koyollo sepp kidhi ullup. Manawo manawo mana hetaye lashimit anitu hembhyo yehanikisha. qilla layit hin ishama orrayt tali kodhit ollo dhakkasan orayt manat hembhamiyo ye kine kidhan ollo ye kite. passampayt qilalayt orrayt ukkela kinattadhi uffinadhe kules aynu eppayt kiya kidhan alliffelat orrayit mani qahissan toysho kules ami qillalayt hekiyam orayt dhapet manadhep kalit.

Kassiyadha ishama:

1. Oryit man oppanu kelas dhekat?manas?
2. Qilalayt hembhamat manap inikinan?
3. Qilalayt hembha male kalit kidhi mana qaripayO?
4. Orayt manas qilalayt hembhiyo ye kidh?
5. Kkilalayt epaytayt fadhadhu kit ayinose?manas epayitayt fadhadhu ikit?

Korrissina

Qqalli qappatan passampayt kodht dhakinishayinos hedhik. mashay hossatan hepili qar kalot amihedhikam.

Tappa 28^{ya}



Torrot Dhihassa 27: Ohhama lehadhatenne paradhat

Medha awi ohhama lehadhatenne paradha toroset dhakayin. kumayshanne kuttalu lashishaka laki se opp karita kiyyan hussadhu qali laeni tanawiyane dhamayit nayqqi nayiq hellippanet kiyu dhamadhen. Ropp dheahinapp kiyyane hekkidhi ollo isham. kuttalot aman otti

se it ponatt malla malle atti dhamat malle ikkidhi. Ukkana kulles ropat awitame lek heikkidhi kumayishas. kumayishano ami heuppam kidhan kollisamppayteshayinu qara kasan hekkidhi. pare ettikel kollisampayittet kuttan illelan hellipa ottoti kidhot pona. Hellipa ropi kidhot kashana ikkidhan kuttalos lelit iyyano mittatilanet massimassan kollisampayttadhu ayyipissadhen ollo mani ottanadhottep kalen.

Kassiyadha ishama:

1. Kumayishanne kuttalu nakkullales lann otti manatti tanawen?
2. Kkumayishanne kuttalu kollisamppautteshadhu kuttan qara kassiy manat kassadhen?
3. KKollisamppayittet kuttan kumayishanne kuttalu kassadhene mittatila manat dhat?
4. Pponi hellipa manatte?
5. Kkashana hellippa manatte?

Korrissina

Hhellippa reehan uwwa hellipa olle aniy uwwatta fawssin.

Tappa 29^{va}



Torrot Dhihassa 28: Ferredha nallamppayt

Ferredha nallamppayit dhamot hossan. Inikkoshay olle kinattan porise unit kisho kappeshi kalan. Musset, gnagna, pullal, attara,

Hhekkodhu malle inikkoshiyi lappani itt hellipamitt idhanishu minit lappate. Ch'ollattas minit lappat pihass dhaniqqari lappat hettotas minit lappat idhan. sekkana hin iyyat dhamiyu inayiqqadhen. hekkodhu malle sagno inikkoshay kenidha dhekkadhi ollo pori unittatep ani musset dham. Makkisagno gnagna rope pullali hamusse lappa arrippe attara medha feredhase nallolayt affa quhep inkiyyanim.

Qidhame musset, gnagna lak, pullali hallipat kawinella, lappa affur attara, heni dhaman hellipayni feredhse nallolyt panolletap qalli fukkam. Fira pushimattan qoyyiri kellas lai ollo poyya hir. Inikkoshayeno imadhi poyyiyo qari pait laha qedhan haqqi idhat haka peanos ikkembhi qappat. sanippata feredha hinet hewoyyawu lappani inkkoshiy idhat ukkela hattissa malle ushiy.

Kassiyadha ishama:

1. Nalampayt feredha inkoshay kenidha dhekadh por unitatp an manase?
2. Nalampayt feredh sagno mana dham? makisagno?
3. Nalampayt feredha qitame maniya dham?
4. Nalampayt feredha qoyir keli ladhi poyiyu manase?
5. Nalampayt feredha weyaw awitame ?ashan weyaw?

Korrissina

Medha lashi tappat uffinatanne lashale innat uffinata fayishandhamani haw haw kiyi dhamane hekkodhu malle fiqqata lama malle sohattadhiya.

Tappa 30^{ya}**Torrot Dhihassa 29: Ilukkalittet serom tinat**

Llashingaka lukkalittese tinat romat ulli shokkale kappa yei akkit. orri itt kapa kiyano hera, attura, mashat, hotta hekekkapat, ikkumisseinosani qariqqaritanne hekkitt kassat.

Hherot ami heqqarriqqarinam hikkidhi atturreta mashata ami heqqariqqarinam heikkidhen itt ollo ami rakkot hekkisham rope aniropu malle annayo seinni anidhehu malle. Hhellippa roppat paekku hellipa oyyanatte ani qariqqarintane hekkitt ottadhi ollo oyat. Llukkalittetinet'ppalla dhikkissas aniqqariqqarittane hikkitt iyya hittiyeen. lukkalittetinet kappase yyoqqas aniqqariqqarittane hekkitt. Iyyallo hittiyeen. lukkalittetinet' laqqot laqqas ani qariqqarittan hekkitt. Iyyalo hittiyeen. lukkalittetinet laqqot dhamas ani qariqqarittan kitt. Iyyallo heqqariqqarina ikkidhen. Ami name aniqqariqqarinu ami fadhikkiyam kidhannami erkata dhiy dhama dhiyo hekkitt lukkalittesin tinat' Ch'achutta hallipat hekkoyu olle dhamina' setep kitt ollo ch'chuttodhi olle dhanite.

Kassiyadha ishama:

1. Llukkalitesin tinat romat rop ani ropu itt kit manasse? rop kodhadhiyo kitte?
2. Llukkalittese rom tinat ototi dhikkatenne haya ani kodhu malle kit manse?
3. Innat kata lukkalittese rom kodhiteni kidhi mana kodhaten?

Korrissina

Medha hayya haw haw kiyu fadhikkinop erkamanne hellipa qumi iyyat qappopi kodhiyo rakoti dheya fottas uffinatta fayussin.

Inakkatta

Kalt	30
Tanaw Dhihhasa 1: Dhakkinit turra kishu mahi sorroma.....	31
Tanaw Dhihhasa 2: Tanaw horetat.....	31
Tanaw Dhihhasa 3: dhakinittadha qappata.....	32
Torrot Dhihhasa 4: horrett dhehssasenne sekkasa	33
Tanaw Dhihhasa 5: dhihhasan shokkohumi sorroma	33
Tanaw Dhihhasa 6: Ich'ay kidhe ich'ay kidhe	35
Tanaw Dhihhasa 7: Tikkisit kittep.....	35
Tanaw Dhihhasa 9: horet panayitissa tanawa	36
Torrot Dhihhasa 9: Kare shoke sagno makkisagno	37
Tanaw Dhihhasa 10: pannollet kannikkalicha	38
Tanaw Dhihhasa 11: Paanollet arrippat	39
Tanaw Dhihhasa 12: Haleqqayit kan qat	40
Tanaw Dhihhasa 13: dhinidhadha.....	41
Tanaw Dhihhasa 14: Ekkala lushata tanawa dhawriy.....	41
Tanaw Dhihhasa 15-qunadha orrikembhop qapam.....	42
Tanaw Dhihhasa 16 tanaw sirat.....	44
Tanaw Dhihhasa 17: Tanaw arrimayittat	45
Tanaw Dhihhasa 18: Harrika ohhan paanollet qedhata	46
Tanaw Dhihhasa 19: 'ssita pusha'	46
Tanaw Dhihhasa 20: Arrimayit qapissisa	47
Tanaw Dhihhasa 21: qapata erkasa	48
Tanaw Dhihhasa 22: Qenich'la	49
Tanaw Dhihhasa 23: rakkot mittatissa	50
Tanaw Dhihhasa 24 pana ali haya.....	51
Tanaw Dhihhasa 25: laki nayyiqqiniy	52
Tanaw Dhihhasa 26: oppawa rom, kawinela, ch'aykidh	53
Tanaw Dhihhasa 27: qumach'aw kan qatta	54
Tanaw Dhihhasa 28 hipoot	55
Tanaw Dhihhasa 29: Qorrich akkata¼akkimata¼	55
Tanaw Dhihhasa 30 olli qapa lushatat	56
Tanaw Dhihhasa 30: erkama lash ayyan okkat	58

Kalt

Medha hehhik qarel tanawani kolli. Mathaaffa se qalle tanawadha haw haw kiyy dhehhadhi. Tanawadhanetteno tappa qale hellipa ottani tala qappise iyya kollen qimissa kodhamale pana kollilattenne dhakkinittadhu nassanne kalattan qapan kaninani qariqqariyo.

Turriqqatass medha pori iyya ulli tanawiiyyan idhikkanne iykkayu kodhay ishake. sekkana qumi se itt fottashat mittas medha dhahenes tanaw tanawadhu qappadho. Medhan dhakkinitt illa rakkot qap ett kinnadhane reehani tanawse ikkumi tanawinnani qariqqari. Hheriyy i qappan, shoyyatanne qumise iyya fotteni mittas tanawinani kodhani iyyano dhaet tanawissettet ikkumi idhakkayissamananes koyye.

Mathaaffa se qalle kassiyadha ishamattenne qap mutayittat dhehhadhe. kassiyadha olli ishamayenne qap muttayitta hirrayimas dhehhadhen kodhene qumi itt fadhussit minnas ierkawssata fadhussin.

Tappa 1^{ya}



Tanaw Dhihassa 1: Dhakkinit turra kishu mahi sorroma

Medha paki shimir ellashissan medha shakkanadhu turi ellashissan dhakkinitadhan turi qat haw haw kiy hembhiyo medhanet dhakkinitadhan dhahhen iyyat hembhi qapanani. (panattas: laapa, inidha, sina, illa, arrap, skk...) Laapa kidho sina qapadho turi qatampayt medhani sina qappadhi tanawse illa allisohadhenku tanawse shokkos kallinani. Hhakka muttaytates name olladhi pushampayt kodhin.

Kassiyadha ishama:

1. Tanawatin ashani kiy? manas?
2. Tanawse illa maniyya uffinatten?
3. Tanawse tanawasi manane maniyya kodha fadhussin?
4. Dhakinittadhan turi qat kodhi maniyyanne maniya kodhayen?

Muttaytta:

Dhakinittadhan turi qat mhhadhadhu dhikkini reehinanenne achachadhan dhakkasatan erkasot hedhikk.



Tanaw Dhihassa 2: Tanaw horetat

“Tanaw horetat” kiyyu tanaw se tanawosisan hin arikkamet kiy kaniqqatani.

1. Ppori tanaw fadhosiniyu fadha;
2. Medhan 6 shokkene seqqarel halla kodha;
3. Hhoret hlippat pahisan (panattas:- herra, atturet, lukkala)
4. Medhas horre se haw haw kishu lella. qumi se fottashamit mittas horee se orri mitti kayyisisa.
5. Hhini arikkamet kiyy akkissan, kollissan ikkum tanawinani kodhi,
 - Hhorrese medha mini kayt dhekkani qappata iyya fadhussin,
 - Medha inidhodhu akka qimbhinani kassata,

- Medha pori nas qoch'en tanawinanne indhodhu qimbhinani nas horretat dhakashissan seinnani kodhi,
- Medha nas horet seidhassam olle harka qappanannen orrikembhop idheinnani kodhi.

Hhe qappadhen

- Medha nasise horretat dhakashissan orri akkinani kodhi.

Kassiyadha ishama:

1. Tanawat ashani kiy?manas ?
2. Tanaw se illa mana uffinaten?
3. Hillippa tanawate nasi horrtat ashan qari reeha fotitan?
4. Nasi horret sedhi se turash dhakkay uffitanem?
5. Tanaw se tanawas maniyya maniyya erkata fadhosin?

Muttaytta:

- Nnasadha heka horret dhikkiso dhakkasatan nasi horret shakki reehot hadhikka.

Tappa 2^{ya}



Tanaw Dhihassa 3: dhakinittadha qappata

“Dhakinittadha qappata” kiyu tanawse tanawssisan hin arrikanet kiy kani qaten.

1. Dhakinittadhani holima qudhel kiy erkussisan medha kassiyadha kassanne dhakinittadha mahhadhu hembhinani kodhi. (panattas;sina ,kappa ,inidha ,lappa,skk.)
2. Medhan hasodhi turop dhehassan dhakinittadhan hollima qudhel kiy akkissan hembhinani kodhi. Medha pilanno qari orra tanawinani kollinani kodhi.
3. Amanni dhakinittadhan hollima qudhel kiyani erkawssatan medha ishama.

4. Medha dhahhen ellashissan dhakkinittadha mahhadhu hembhinanne erkawssanani kodhi. Dhakkinittadha dhikkini akkissa pushimadhi medhani tanawse pat kodhani tanawse toyyinanne tanaw pilate tanawinani kodhi. Muttayita qara medhan hat tanawseten pushamppayt kodhin.

Kassiyadha ishama:

1. Tanawin ashan kiy? manas?
2. Tanaw se illa maniyya uffinaten? Dhakkinitadhan holima qudhel kiyy ayyino?
3. Tanaw se tanwas mana koyya innffawosin?

Muttaytta:

- Dhakkinittadha hollima qudhel kiy mahi dhikkini reeha fotinanenne achachadhan dhakkasatan erkaman fawosinyy erkanan



Torrot Dhihassa 4: horrett dhehssasenne sekkasa

“Hhorret dhehssasenne sekkasa” kkiyyu tanaw se tanawosisas arikanet kiyy kaniqqata .

- Medha horret haw haw kishone halla halla qotan horret dhehssasenne sekkasa tanaw se tanawosisan kidhan medhaa ishami.
- Medha horese iyya uppan hen pahissananes kodhi. (panattas; hhera , aturrat, hellema , ttalanne okkat)
- Hhorese lelanittale shoku pahissan nassi ashani kiyu iyya hembhiyonne kani arriniyu medhayila shoku nas horeaet dhallashininani kodhi. (panattas; kirrot hembhass wrrr kidha, kkani arrissas, kff, kff, kff kidha)
- Hiran medha horresse iya pahissadhen halla erkkassannee nasi dhehaniyu dhakayiyane dhehananne nas sekanniyu dhakkayiyane sekanani koyyan tanawse tanawssisa.

Kassiyadha ishama:

1. Tanawatin ashani kiy? manas?
2. Hhoret tali heppili innat uffitan dhehssasenne sekkasasi nas dhakkashiniyu ayyino?

Muttaytta:

- Hhoret nas dhehhasasenne sekkassasi dhakkashisan dhehhasasenne sekkassasi fotayyen.



Tanaw Dhihassa 5: dhihassan shokkohumi sorroma

“Dhihassan shokkoumi sorrom”kiyu tanawse tanawssisan hin arrikanet kiy kani qata;

- “Dhihassan shokkohumi sorroma”kiyu tanawssisan ishame.
- Medha dhaeni shimirrap laininani kodhi.
- Medha dhahen mashi mashadhos “ashanas kishani? Ashani kishani?” olli kidhan shimirap mittatinani kodhi.
- Dhihassani 1-9 kiyy qale shoku hembhan medha dhihassani hemibham harikkolle qappan shokohumi umman erkaninani kodhi.
- Shokoumi pattan medha tanaw pattani kodhinan hekodhu malle hellippa tanaw illate medhani sohhadhi kallinani.
- Orri panattani dhihassa pil hembhan medha shokkohumi erkaninani kodhi.
- Tanaw sedhi qari orrinani tanawinani kodhi.

Kassiyadha ishama:t

3. Tanawattin ashani kiy? manas?
4. Tanawse illa maniya uffinatten?
5. Tanawseti pushas maniyanne mani in fadhussin?

Muttaytta:

Dhihassa 1-9 reeha ,achachadhani dhakkayan shakkari kidhan erkama erkata.

Tappa 4^{ya}



Tanaw Dhihassa 6: Ich'ay kidhe ich'ay kidhe

Medha dhahen shimiri ellinani kodhani ich'ay kidhe ich'ay kidhe kiyu tanawse tanawssisan:- Tanaw panassettet kodha fayussiniyu kollismppayit ich'ay kidhe ich'ay kidhe kiyyo medha shimirri se qappatan fellinani. kawinel kawinela kiyu lainnani, irromi kiyu ellinani, achachadhayin orri kayissisa dhiy tanaw pattani kodhinan. Tanawseni anninan.

Kassiyadha ishama:

1. Tanawatin ashan kiyy? manas?
2. Ich'ay kidhe ich'ay kidhe kiyyane mana koyinan? kawinela kawinela kiyyane mana koyinan? Irrom kiyyane mana koyinan?
3. Tanaw se illa mana uffinaten?
4. Tanaw se tanawosisas mana mana koten?
5. Achachadha lushatan manas fadhosi inppanan?

Muttaytta:

Akkan shokku dhikkin erkakas achachadha kaniqqat fawosin.

Tappa 5^{ya}



Tanaw Dhihassa 7: Tikkisit kittep

“Tikkisit kittep” kiyu tanawse tanawssissan arrikanet kiy kani qaten;

1. “Tikkisit kittep kiyu tanawi name massimasuniyu tanawa hini” kidhot.
2. Medha akkanne dhakkaya fottinani medha dhaheni paki shimirrat ellinani kodhi.
3. Tannawsen “Tikkisit kittep” kidhe erkamani inat erkkanishan in ishamiyo it erkkanittan. Tikkisit kidha malle ayyinono inkidho erkatta amiffadhusiniyam. Achadha name serikkissadhiy tanaw patani kodhin.

- **Ppanat 1:-** Tikksit hekkite sinayini qapa kidhashamiyyane medha heppili akka malle sinodhu qappinani.
 - **Ppanat 2:-** Inidhoni qapadha kiyyane tikksit achachi dhattadhit malla medha hepilli akka malle inidhodhu qapa ami fadhusinisham. Medhani sinodhu qapadhi tanaw pati kodhani lainani.
4. Ssemittas achachadha haw haw kiy (panattas, mashi qapata, lappit qapata, hashit qapata, skk...dhattani muttayita qara medhan hat pushamippaya kodhinani.

Kassiyadha ishama:

1. Tanawin ashani kiy?mans ?
2. Mettin tanawse pushi maniya kodhi ippushi? Medhani ukkela hat iya pushimadhen maniya kodha dhiyen?
3. Tanawse illa mana uffinatten?
4. Tanawsedhi pushas maniyanne maniya erkata fadhussin?

Muttaytta:

Achachi dhakkassatanne erkasa fadhussisot hedhika.

Tappa 7^{ya}



Tanaw Dhihassa 9: horet panayitissa tanawa

“Horet panayitissa tanawa” kiyu tanawise tanawississan hin arrikkonet kiy kani qaten.

- Otti koannatattenne anittonadhi medha uffinayittisa
- Medhashokushokkotadhoannitonahekakoannattatpanayitissanmashadhumashadhu tanawinani kodhi
- Medha henne henn qotan sekkussa ch’awayes anittona kohanattaten orri ekkanani kodhi
- Medha turi qata paiy pushamppayt kodhin
- Ppinanit pilliteno panayittissan tanawissisa

Kassiyadha ishama:


1. Tanawatinet ashan kiy? manas?
2. Tanawse illa maniya uffinatten?
3. Tanawse ippushas maniya maniya fadhusin?

Muttaytta:

Tanaw haw haw kiyu tanawussisan dhakinittadhon qiminanne seinnan kanisot fahussiniya.

Tappa 8^{ya}**Torrot Dhihassa 9: Kare shoke sagno makkisagno**

Medha allitop sohashiten kana medha hala hala tanawinanes hussi qaras qidhadhan arrikanet kiy erkanani kodhi. Ssekana medha shakanidhu hirrayima kodhan tur qatas rakkaka tinai turi tura hiran por sathinnet tallas hapa, rakka hinet sathinet qalle kishu toran kassana qali iqqata malle haka uminnates paa. lakkiya qara turri rurra happani ukkana kules ikkanat happanne akka minitti minattes anitta fotayen hin lakiya pati dhapa malle name ushiyi pushamppayit kodhin. Nami kassanali iqqadhenne rakakkot hapamiyo porise qari tarip etti kodho tanawappayit hinet ippushimadhi kodhan medhapil hirrinani.



Kassiyadha ishama:

1. Tanawatin ashan kiyy ?manas ?
2. Tanaw se qallem maniyya uffinaten ?
3. Tanaw set pushas maniya maniya koyya inffawosin?

Muttaytta:

Tanaw haw haw kiyyu tanawan dhakkintadha qimisanne seseyya kanininan fawosin.

Tappa 9^{ya}



Tanaw Dhihassa 10: pannollet kannikkalicha

“Paannollet kannikkalicha” kiyyu tanawse tanawsissan hin arrikanet kiy kani qaten:

1. Minit shoku minna kassanani tur qatiy akkila koy. Minit pil qara kassanani hemuttayitat akiila qar koy.
2. Medhdha 3-6 hala qot
3. Hala shoku shokottaye kassana erkkaninanne kassanani pahi kana orrikani qattan ellinani kodhi.
4. Hala halas hallitanne paanollet iqqot.
5. Medhdha shoku shokottadhu paanolletanne halitan erkawssanani ierkawsata illel.
6. Tanawin malla fadhosiyy halitan paanollet lhan kanikkalichan kassana muttaytta qari paisan mittatisan kodhayy ishami,erkama akkiyyen. Medhdha panollet se dhikkin dhawiiyanes korisi. Ukkana medhdhan hiryyu mese tura kiyyu paanollet se por hirayyima kassanatep inndhyay kodhay uffinata fadhosin.
7. Tanawse iyyat ushiyu medhdha dhaahen tanawane kayissiyane.

Kassiyadha ishama:

1. Tanawin ashani kiy?manas?
2. Tanawset pushas maniya kodha fayussin?
3. Tanawini ihhurisam shoke hurrisatadhin) manas?
4. Dhakinishayinu qimitu maniyas inu fadhusin)?
5. Dhakkint qint qaffinatas maniyya manyya koyya fadhosin?

Muttaytta:

Tanaw haw haw kiyu tanawssisan dhakinittadha qimissanne seya fottinani fadhusin.



Tanaw Dhihassa 11: Paanollet arrippat

“Paanollet arrippat”kiyu tanawi se tanawissisan hin arrikanet kiy kani qat:

1. Medhdha haalan orr 6-10 qal qot.
2. Halla shokku shokotayen shimir erkaninan illel.Halla shoku shokotaye lukettal pahissan pitoti missikitap qappu kayishay olle lukkay orrikkebhop qapas illeli.Sen ottanishadhu tala paanollet tarripadhinitos koly.
3. Medhdhan halale kiy dhahhen harikodhu itturashi pahissan harikkodhu orrikel tarripinine kap arripat panayitinani illeli.
4. Shimiradhan shokk shokko qale panollet hayyeniY
5. Kan qatissan erkama akkiyen.
6. Shimir tanaw paanollet luket medhdha kell ikkumi taripitu kodhan paanoletinet ottanit luka talan akka tarippitu kodha.
7. Por meetin luket ul ellashyy ila sesessa dhiyono tanaw arrip tanawssisan lukay kell tarripitos potase ilas kodhadhe toye.
8. Medhdhan paanollet lukodhu kel taripit harrikadhu shokkohan akka kodhinani kodhi.
9. Medhdhan panollet lakiya luka kelli ittaripit minishadhu ikkaneshi mittatissan akka tanawinanes koly.
10. Paanolletinet hellipa lake luka keli taripito medhani tanaw awishit hirren.

Kassiyadha ishama:

1. Tanaw harik qale dhakinittadha nayiqqi hekkane?
2. Paanolleset lukkan kell taripisho hass ashan kiyu in dhakayissamadhe?
3. Paanolleset lukka kellan it ittaripines mana kodha fadhussin)

Muttaytta:

Tanawadha haw haw kiy tanawssisan qimussa dhakinittadhatenne shakari kidha kanisot hedhika.

Tappa 10^{ya}



Tanaw Dhihassa 12: Haleqqayit kan qat

“Halleqqayit kani qat” kiyu tanawse tanawssisan sekkanet kan qata.

- Medha shimir akka ellinani kodh
- Oottanit medha tala ishoku sinikkit kodhan seana dhakint haw haw kishu (panattas, erra, laha ,erannellahha, tala, allita, tura, kana, skk...
- Medha pil iyy toyyan hellipa orropi kiyani hin iyya achachamen erkaninani kodhi.
- Achachi se mittas leladha reeha dhiniyyane medhani pat dhap tanw pateshi kodhinan.
- Muttayitas medhani hat tanw settes pushampaya kodhinani.
- Tanaw se qari oran tanawan dhinidhanne laishet leladhan uffinanni qariqqar.

Kassiyadha ishama:

1. Tanawin ashan kiy?manas?
2. Tanawse illa maniya uffinaten?
3. Tanawset pushas maniya kodha in fadhussin?

Muttaytta:

Dhindhi laishet ladhat uffinanni muttayta dhay. (ppanatas;qqara, laha, elle, hate, qale, allita, turra, kana, skk...

Tappa 12^{ya}



Tanaw Dhihassa 13: dhinidhadha

“Dhinidhadha”kiyu tanawse tanawssisan hin arrikanet kiy kani qaten.

1. Medha porise iyya ull tanawiyān qale poradhu dhikkissan minishadhu por kollisampayittatep mittatinani ellinani kodhi.
2. Mehdhdha dhinidhadhany kiy akkissa fottadhon ishakkas kassiyadha kassadhu.Hineno pitot, missikit turranne kana kidha.
3. Hin arrikanet kiy ishaman erkata akkinan.
 - Medha dhinidhi dhattan dhinidhise idhasam mittas aninani. $\frac{1}{4}$ panatas;ppitotap ani, itturashi ani, skk... $\frac{1}{4}$
 - yem $\frac{1}{4}$ E $\frac{1}{4}$ dhinidhi se seyāt ohha malle iyyano dhinidhise lelanit mittas seinan.
4. 4.dhindhi dhikin kolane kana seya erkama akkinani kodhi. panattas, pitotap torra, missikittap torra ,ikkanat mittata ,itturashi sohi.

Kassiyadha ishama:

1. Tanaw illelam dhinidhi isetteb ishakkinan maniya koten.)
2. Manayine man kollilatesh dhinidhi hekkan qaras kinatayi ishama fotinitanem)
3. Dhinidhi uffinatot manas fadhosi)

Muttaytta:

Dhinidhadha ishakkanne hiraymane paissa uffinatot fadhosin.

Tappa 13^{ya}



Tanaw Dhihassa 14: Ekkala lushata tanawa dhawriy

“Ekkala tanaw lushata dhawriy” kiyu tanawse tanawssisan hin arrikanet kiy kani qatane tanawssinin.

1. Kassanadha kassan akkani akkaniyu soroma.
2. Medhdha 3-6 hala qali qotta ,

3. Kkassanani hirrayma kana medha orrikkani qatan ellinani kodhi.
4. Haladhani illa shoku shoko tur tura sekkussa 5-10 qara mehadhan dhindhi 3 qap ulli haya.
5. Halla shoku shokotadhu mehadha tanawat thawillanne panollet dhata .
6. Qudhinayin arrikkamet kiy ishamani erkadhen akkiyen:-
 - Ekkala lushata tanawa thawila qaras panollet hayyan aninnani helipa idhay.
 - Thawila tanawaten hayani medha shoku shokotadho thawilase hekalla lushattan uqqar aninnani kodhi.
 - Ekkala panollet lushatan panollet harrika lakken it uqqar hayissat thawilase qapata.
 - Turriqqatas medha hala shoku shoko illa turtura pori mehadha dhindhi 3 qap mittatan pori hirrayimatep kassanani iqqaninnani anani kodhi.
 - Ppanollet thawilase qara porise it ulli peitte medhan tanawse tanawinani hellipa idhay.
 - Shokohi tanawssisan thawilla qara panollesse hayat idhatani kassanani hirrayima qari pait medhan namise taragna kodhi taeippiy.
7. Medha et hassi akkadthane kana iss lushan.

Kassiyadha ishamat

1. Ekkala panollet lushata anittot hurissaniyanem?manas?
2. Ekkala lushatani erkamani erkawssamiy hekkiyanem?
3. Ekkala lushata annitot manas fadhussin?

Muttaytta:

Dhakinittadhayn pitotanne dhikkit shokkoum olli qapan ekkala lushatot hedhika.



Tanaw Dhihassa 15-qunadha orrikembhop qapam

Qunadhan orrikembhop qappam tanawse kiyu tanawssissan orrikani qatisa lushata tanawssiya.

1. Medha 3-6 hala uttashissan hirayim kasana qar qata kodhossisa.
2. Halladhas porrissa iyy pat kiyu 4 heppili lam akkani haw haw kiy innakkodhi porrissa shokohi idhaya.ppori kembha sekatan porrissadhan alli haya.
3. Iyya kolleni kana sekanet erkadhen akkiyeni;

- Hhaladhas metise hirrayimi qara kiyu hirrayimashi por porissatep fellin.
 - Medhan quna kap paiyyane porrissase mehadha haw haw kiy qappu mehadhan uttala sohashissan porrisa pillalep qunidhadhan naqqa.
 - Ersaset dhahhen porisa pill galles kallisa kodhin / seno shakkr kidha erkasaminan.
 - Erkaman ushadhu kollisamppayitdhu ishako metin akkani hikket porissa qali qappan porisse hirrayimatep kassana fellanitta mimittatu.
 - kassana qara kinattan messa lushiyu harika qappan. Messe harika qapasham tarayen felannita anittan mehadhan turiqatas erkama medha orrikkembhop qapan por halattep mittatin.
4. Tanawat ushinu Halladhan illa orri dhahhayen seseyadhu ushiyane por kassanadhottep mitattiyan kodhinan.

Qalli qapadhen

Medha shakkari kidhan porissa shokalle leladha haw haw kiy reehan por haw kiyu qunadha ayyinattadhu mittas naqqa fotinani kodhi.

Kassiyadha ishama:

1. Mehadhdha shakkarikidha reehanne orriqqudhop qappas hurissaniyanem?
2. Setturesh mehadha kollilat ierrikanishan ashan reeha hayishan?
3. Turrash mehadha mani kollilat shakkarikidhan reehassenne hayas maniya koy?

Muttaytta:

Akkani haw haw kiyu nassadhu reehan het fano issete it akkata qariqqar.

Tappa 14^{ya}



Tanaw Dhihhasa 16 tanaw sirat

“Tanaw sirat” kiyu tanawse tanawssisas hin arrikanet kiy kani qat.

1. Medha hala 3-6 qali qotten.
2. Hhala shoku shokottaye orrikani qatan mittay ottanit nakkul mittatinu ellinani kodhi
3. Turriqqata saliffetat qara medhani kiy sira mahi koyyat dhattan turiqqatas irromllakiyyas monitu halippatiyyas kawinela affuriyyas ch’ay kidh heniyas puritukanettap kiyanne lehiya thachetap kiy idhaye.
4. Ottanit shimiri qaras panollet tinnat haya.
5. Hin arrikanet ishaman erkata akkissa.
 - Sira haw haw kiy hembhan panas sira hekadhu hemibhen irrom medhan shimir kapeshe kiy por haladhotep hakka mittatinanes pitotesh missikittap felinan. Irrom feliyu medha pil haladhu illa laki lake harika olli qapan mashadhu qarel orri qa qapatan pore ottanit shimirattep ianiyu pana tilitil erkaninani.
 - Fellamppayittano tilitili se soromami kelan tarippan shimir ottanitay se hayam mehadhan qapata iy fayussin.
 - Mehadhdhan halase tur qapadhi eriy akkanani. Tanawatini ushiyo hala shoku heriyse iyat fadhiyu ett paiyo. Sseno heriyndhasamiyu kollisamppayittan kodhin panattas 10 kodha fotin heri hinet.

Kassiyadha ishama:

1. Hellippa tanawate dhakinittadhu dhindhi haw haw kiyos ohan seiyane inu hurrisaniyanep in kodhim? maniyane maniya?
2. Seturreshi dhindhi haw haw kiyop seyan maniya kotten uffitan?
3. Dhakinittayin dhindhidi haw haw kiyop dhikin seissas maniyya kodha in fadhussin?

Muttaytta:

Dhakiinittadhan pittotane missikkit shokohumi erkkussissas ekkala lushata errikatas fadhussin.

Tappa 15^{ya}



Tanaw Dhihassa 17: Tanaw arrimayyittat

1. Fellanitta tanawas pori nakkulap kiyu dhikkissa.
2. Medhas tanw kani arrissat helay illeli.
3. Arrimayit qappama panayittissan tanawan medha hossunitan 1-2 medha pahhiya.
4. Hhin arrikanet kiy kollissas erkassa ollo akkissa.
 - Medhan arrimayyit qapam heppil kani arrisa qappatan qappas ekkaninan Tanwppayan fotten mittas felan medhani arrimayyt qap passatap kodhen.Ý
 - Medha panollet akkissan ,ppanolletinet por qorich tali kodhay kolliyy.Ý
 - Medhan arrimayyit qap het qapaniyo het panollet qapadho bha qisseten ami qappamiyam.Ssekkidhot qorichat namat arrimayyittan bha qonines mittatin kidha.
 - Paanollet orri pil qedhata malle ollashissot fottiyani etti lekki leko hellipa hens it kidha.Ý
 - Tanawamppayit shoku panollese qapa malle harikkoy pat etti qapashamo halasse arrimayit qappam olle lahaaman medha pil olle qappama fottin.
5. Tanaw arrimayyit panayittissa tanawan medha pilli pahissan tanawse qarrora tanwa fottinan.

Kassiyadha ishama:

1. Hellipa tanawate bhaqqi set qapashamines mana koten?
2. Qorrich heqqedhatten heuffitanem?manas qedhaten?
3. Itturrashi bhaqqi haw haw kiyon in qapamines maniya koyyittan?

Muttaytta:

Qqorrichat bhqqi haw haw kiyu dhinini.

Tappa 16^{ya}



Tanaw Dhihassa 18: Harrika ohan paanollet qedhata

‘Harriki ohan paanollet qedha ‘tanawse tanawinani kodhan pittotanne missikkit hashit olli erkkassadhonne seyadhu kanininani qariqqar. Medha lehi leha kodhan hala sorromen. Hhala shoku shoko medhani kiy shimir soroman medha shakkaniddhu otanishadhu tali ellan mhahadhu hembhan paanollet idhanit. Medhan mahadhu hembham panallesse qedhanini mittatin. paanollet medhan it tura peit tanaw pattan kodhin medhani hat pushappaya tanawat kodhinani.

Kassiyadha ishama:

1. Tanaw settes hemmassimassenem?manas?
2. Tanaw se illa maniyyanne maniya uffinatten?
3. Tanawse tanawan dhakkinittadha hekkani qim?

Muttaytta:

Tanawadha haw haw kiyy tanawa erkkatot qimussa heka harikkattes fadhussinine.

Tappa 17^{ya}



Tanaw Dhihassa 19: ‘ssita pusha’

‘Sita pusha’ kiy tanawse tanawssissan dhakinittadha hekka medha akka qiminani kodha. Tanawse tanawississas hini kanet kani qatta tanawssisa hira.

1. Por tanawse kan ill akkila kodha.
2. Medha shoku shokos harika qaras kach’ura hidhamiy dhaye ku koniffadhu kana kisheshadhu qales kach’uranet otani allit pattanssenidhedheran koyan kallininani kodhi.
3. Kach’urayn sitta medhanet kodhay illeli.
4. Hhin arrikkamet kiyy ishaman erkkasa akkiy.

- Tanawatn mala fadhussiy sittan lek orrippil qedhas fottit mittas akka qedhitos fote.
 - Medha sittodhu iqqedhaminnes iqqara mittatissa fadhussin. Hekkodhu malle sittodhu harrikadhon i qappinanesne medha pil sittodhu qedhattas kiyane harrikodhu dhawan dhwrren.
 - Medha shakkanidhu sittoyi qedhamen heppil seqqedh sitta poray tali heppil hayot fottashamin.
5. Sittoy pushussissan hala ushiy pushimappayt kodhin.

Kassiyadha ishama:

1. Tanawatin ashan kiy?manas ?
2. Sitta qedhas ullani sitta hekkoyy lushata lakkayen orrqallis ashan erkasa fotinan?
3. Dhakkintayyin iqqim kodhintos maniya maniya koyya uffitan ?
4. Iturash dhikkin qiminas maniyya koyya fayyosin?

Muttaytta:

Tanaw sedhen medha dhakkintadhon ikaqqiminan sesyya dhakkint haw haw kiy tanaws tanawitan fadhosin.

Tappa 20^{va}



Tanaw Dhihassa 20: Arrimayit qapissisa

Arrimayit qapissisa kiyu tanawse tanawssisa koyyan hass arrimayyitat akkinani kodhi. Tanawse tanawssisas arrikanet kiy kani qaten.

1. Medhan 6-8 hala qottanne halla shoku shokottaye shimirran ellinani kodhi.
2. Medhanet nas akkila hekka arrimayittat hembhinnani kassadhu. panattas, ashiyot, pessay qottat, qayot, pqwwa, tashot, skk...¼
3. Mmedha shoku shokkotadho shoku hase hekke akkila arrimayittat qedhanu kodhani akkil heki shokkot tanawinani kodhi.
4. Hhalla shoku shoku met shokku hassayen pahissamani medhan pahissames hassayen dhata.
5. Arrikanet kiy hirran erkama akkissa.

- Panollet arrimayit akkin.Mmet hossadhi tanawse hirriyu panolles errel happan akkillanet hembhin.
- Panolletin happanite mesin akkilanet hembhi patteshi medha dhaen por tanawatte qali pullipulaminnan. Medhayin panollesse happanit akka iyyat fot minnas shakkari kidhan heppil qedhan.
- Mettin panollese qappadhi kana ellin. Medha dhahen porisettes ellinan. Medhan arrimayit qap messe dhehadhi lakos panollet qaas fotin.Tanawwappayan panolet dhawa fottinani fotinani holimakkanet it. Mmetin hap qai kana mese qaam kana attuwat K akkatan hembhanitta kodhin. Hekkodhu malle hapa hapan messe dhap attuwat K qedhan.
- Medha shoku shoko tanaw tanawssissan arrimayit kiyu lel ierkkawssam attuwat hembhas fotinani.
- Happanita awippila hembhanitta namat kodhin.

Kassiyadha ishama:

1. Akkila arrimayyat maniya?
2. Setturan name shoku arrimayit qappamay ashan reehi?
3. Bhaqqi arrimayit bhaqqi pillole manani reeham?

Muttaytta:

Bhaqqadha haw haw kiy shoke nas pessattatenne akkila qalli qappatan muttayita dhata.

Tappa 20^{ya}



Tanaw Dhihassa 21: qapata erkasa

Qidha harikkatenne hellukat ashwa qaras mattam ataman qappata erkasan kollinani hin arrikanet qani qatan hettanawen.

1. Shat dhikkissa.
2. Shat kan qattan qidhadha harikkatenne hellukat kani qatan erkasan akkissa.ppanatas harik, lluka .)
3. Erkaman akkilat qale muttayitas qapata mana akka dheinos medhan kassadha.

4. Akken mitas tara tara medha dhahen arrikanet kani qatan qappatasedhi erkaninani kodhi.
5. Orri panattan qappata erkasa hussadhu kapesesh akkanise kiyu erkussiy.

Kassiyadha ishama:

1. Tanwin ashan kiy?
2. Qpatta se inat erkatene ashan kiy?
3. Erkama qappatase hossatenem?manas?

Muttaytta:

Akkan dhikkin orrikani dhikkissa hayyan isete akka fottinan erkama harrikaminat kaninani muttayita idhay.

Tappa 21^{ya}



Tanaw Dhihassa 22: Qenich'la

“Oolli dhadhata'kiyu tanawse tanawussan erkama indhatenne hehharikkat ikkum kaninani kodhi. Tanawun tanawssissas hin arrikanet kiy kani qatan tanwssiy.

Kkollisamppayt medhan allitop sohashit kana lak lak kodhan kodhinani kodhi. Qenich'ela henen halippat tanawssissan ithan name shoku hirrinu kodhan ikkum tanawinani kodhi.

- **Tanaw 1ya:** rakkaka henale shoku herel hapan rakka hinet hellipani iyat happame harrikan rakkaka se affur shoku shoko hussi qaras shakkar kidhan qedhan rakkakase happami hussi qara sohhata male errel happa. Se errel happam happamamale hatu hussi qappadho shoke rakkakase hussale kiyu qedhamamale hatu tanawappayitinet ippushimadhi kodhin. Tanawse lakiyyat tanawappayit lakiyyat hirrin.
- **Tanaw 2ya:** Tanawse iya kollen rakakka shokohi errel happanne hussi qar pea malle rakakkadha affur hussale kiy hellipa shakadhohan helippa pila lam heppil lak sohashissanne hayya qarras rakkakase happa.
- **Tanaw 3ya:** Tanawsen rakkaka shoku errel happanne hussalepp pea malle hussale kiy rakkakase affur helippa shokohani pullipullan orrikanas helippa halippata tanawse ippushi kodhinan.

Kassiyadha ishama:

1. Tanaw se hosatenem?manas ?
2. Tanaw se illa maniyya ishakiten?
3. Tanaw se tanawosisas maniyya maniyya kotten?

Muttaytta:

Qqenich'ela' tanawa indhanne harkkat olli erkkasadhu qimin.se malla medha tanaw seti hellipa mit katodhu olli tanawa iyya fadhosin.



Tanaw Dhihassa 23: rakkot mittatisa

Tanawse rakkot mittatisa kiyu tanawssisan medha tanawadha haw haw kiy tanawiyane rakkotini kodhishu mittatisas fotinani tanaw kollisa. Tanawsedhi tanawssissas arrikanet kiy kani qattan tanawssiy.

1. Wadhot 15 sekkussa kassana lak hussiqqar dhikiy .
2. kassana shakanidhu hirrayma shokkot muttayita kidhan mahi ikoyyen.
3. Medhanet hala 4-6qqali qotta.Ý
4. Hhalla shoku shokottaye kassana hirrayima kana orrikkani qatinani illeli.
5. Arrikanet akkila idhay.
 - Ottanit kasana lak tala poriset haqqi kakkura inakkodhi kidha.
 - Halladha shoku shoko haqqise qappata malle taripa fadhussin.
 - Hhaqqi setarippas panashoko it worraqqatadha qura shoke lapa qali iqqatane it.
 - Hhallale nami shoku haqqiset qappadhi kidhi hallotinet dhahen ikkanat mittatan haqqise hirayimas awshumas hirrinan.
6. Halladhan lak helippa shokkohas tanawse hirrinani kodhi.
7. Tanawse hallase dheto dhikiy pushamppayit kodhin.

Kassiyadha ishama:

1. Tanawin ashan kiy? manas?
2. Tanaw illa maniyya uffinaten?
3. Tanaw se tanawas maniyya maniyya kotten?
4. Rakkot mittatisas helippa mitti iyya hllippa mit inu qariqqariy maniyyac?

Muttaytta:

Haqqi tarripas pana makkenat tarripikkno, tanawikkino rakkot inu qaarras dhakkasman qali qapatanne ihhlisa tarripa inu fadhosiin.

Tappa 23^{ya}



Tanaw Dhihhasa 24 pana ali haya

Ppana alli haya tanawse tanawssisas hin arrikanet kiyy kani qat.

1. Medha dhahen chokket tinat idhattan kassana shoku ippahi kassanaa kodhadhiy hussi qaras kassinan kodhi. Kkassanani kassas kanussa dhakinittadhu mittas kodhin akkilani akkiniyyano toya.
2. Arrikanet kiy ishama.
 - Kkassanani iya kassen pana hekke lukkat akkin
 - Hheppil hussi qara kiy dhahhen pana akin.
3. 1(5 medha fadhiy panammekkena qale tanawinani shoke offinani kassadhu. Ý
4. Medha dhahhen porradhu pana lukka qara pahinani ellinani kodhi.
5. Mmet shokkos pana luka qaras panollet idhay.
 - Tanawatinet shakket kinattat panayttissas kodhay medha lele.
6. Arrikanet kiy ishaman erkama akkiy.
 - Tanawin malla fadhusiy medha dhahen pana hekki lukkat heppil seyan anninani kodhi.
 - (Qum iyya fotten mittas panollet happinanenne qappinan koya iyya fadhus
7. Medha makkenani qappaniyo makkenanne met erkamodu ohhinani.
8. Tanawse helipa 5-15 tanawssisan ottanittilas panolletanne makkenadha padhwan medha hassadhu tanawa fadhinu akkani hurrisaney erkata faussin.

Kassiyadha ishama:

- Makkena qappashanite mana hedhkkysamadhi?
- Ppana makkena kasata malle pana lukat anittot manas fadhosiin) katotolle kodhan hellipa tanawisho rakkot panakkella ashan illushatta fotint?

Muttaytta:

Ppana kappa tanawa rakkotas koyy . se malla medha achachadha tirraffketat serikkisa fawosin.



Tanaw Dhihassa 25: laki nayyiqqiniy

Tanawse laki nayyiqqiniy kiyu tanawsissas arrikanet kiy kani qaten.

1. Medha laki nayyiqqiniy kidhot maniya maniya kodhi kasadhu.
2. Llaki nayyiqqiniy kidhot hashadha opp ulli lekkiniyyan qale tiqqa kappa laki qarash orri happyy kidha kolliy.Ý
3. Tanaw sedhen medha hossaniy laki nayyiqqiniy akkissan tanawnani kodhi.
4. Medhani hat 5-8 hala qot.
5. Ppori tanawate heli minna palittet shoku shoko hala shoku shoku qottan hayyan halla shoku shoko pat pallitetat ellinani kodhi.
6. Llaki nayyiqqinyu medha shoku shokotadhu akkan hashi inakkodh idhaye.
7. Hin arrikanet kiy kollissan erkadhu akkiy.
 - Lakki ett akkane nakkuli tanaw qale qali annitan hashi naqqa.
 - Medhan hat fotteni mittas hashi orriqqudhop qappan Halladha palittawa qales innaka fadhusin. Hellipa shakkanadho hashi set qappa fadhussin.Ý
 - Tanaw ushiyu hashi dhahen palittet qales orriqqudhop qapa ushiyo.

Kassiyadha ishama:

- Hhashi por por illas naqqiane mana indhakkaysaman?
- Hhusayinu kappeshi lak qaras hashinaqqiyy orriqqudhop qapot mans fadhosiyy?
- Hhusayinu kappesh lak lushasenne somomisas shokk shkokutayno mana koyya fadhosin)

Muttaytta:

Hhshadha por por hapot lak nayqqin semalla lushata qappat inuffawosin.

Tappa 24^{ya}**Tanaw Dhihassa 26: oppawa rom, kawinela, ch'aykidh**

Oppawa rom, oppawa kawinela, oppawa ch'aykidh, tawussissas arrikkonet kiy kan qaten.

1. Medha nakkullali tanawssissan por hekkadhu qaffinanani kodhi.
2. Arrikkonet kiy ishamani erkata akkiy.
 - Oppawa rom ,oppawakawinella, oppawach'aykidhi, kidhan hembhi.
 - Irron kidhot elli kidha shakkari kidhan seya ellashissa.
 - Kkawinela kodhot laku annita.
 - Ich'ay kidhi kidhot an kidha.panattas;ssayikkila qara ,mmakkenalle ,orripili olle orrishoma malle anita.
 - Oppawase hirramiyu akka achachaminos medha seyaseturashi shoke ella lushatta erkanani kodhi.
3. Hellipa qoch'es sira hembhan tanaw tanawinani kollisa.

Kassiyadha ishama:

- Oppawadha hembhamiyane lakkos anittanne ella rakkot in qari heppaittem?manas?
- Setturan oppawayin heuuffitanem? aha?
- Turrashi oppawayn ashan qari rakkot iqqara lushata qali qappata fotinu uffinata inu fadhusin.

Muttaytta:

Ppanalle rakkot tirraffikkettat mittatissas oppawa qaras akkila serrikisot fadhussini.



Tanaw Dhihhasa 27: qumach'aw kan qatta

'Qumach'aw kan qatta'kiyu tanawse tanawissisan hek pittot shoke hemissikit seseyadhu kollinan kodhas hin arikanet kiy kan qatten.

1. Medhdha lak lak qall qott
2. Lakkadhan illa shokkiyadhu turiqqata erkamat tanawussisan tanwse hirrinnan kodhi.
3. Shoku shokotadhu lakk illa heppil kayyishay kanni qattinu kodhinos tanawse hirrina.
4. Qunnidhan arrikannet kiy kan arrissan iakkiy.
 - Lell se an kiyu kiyyane dhahhen qedhamippaya sina hekkadhu sekkussa pakkadhon turiqqatamipayittadhu harik pittot koyyas hekkan.
 - Turiqamipayodhu harik missikit erel sohhashissanne lahhat lekkashissan man ottan talla dhinidhi se iyya pahhissadhen harikkodhu seseinnan.
 - Ellashiya kiyan dhahen kan qattampaya turiqqatampayittadhu erkamay ohhankattadhu hark missikit tur qattin.
5. Taqqiqa shokonne shoke taqqiqa lakken reehayitet anen ella ikkidh.
6. Hellipa dhahen medha kattodhu akka toya kidhadhu ishak.

Kassiyadha ishama:

1. Hellipa tanawate dhinidhi hawikiyop seseissan harika kattadhu kani qattishane mana in dhakayissamadh?
2. Setturan porr missikittatepanne pittotap seseissan maniya koya uffitan?
3. Pittotanne missikit seseissa fittayin kanissas maniya koyitan?

Tappa 26^{ya}



Tanaw Dhihassa 28 hipoot

Medha allitop sohashisa kana lak lake koyyan tara taran kassiy hippottat; kinan heppil lam mittatila hippayit? kinani tanawinani kodhi.ppanatas.

Hipoo:

Qunidhadhale shoku annayu

Qari hattam ollo dhamami

Muttap kiy

Iqqalle haqqi lek qap

Annitu ayyino?

Mittatila: purritukkanet

Hippo?

Dhihayim manniqqara shoku anayu

Dhakkinishiyu wassiwasu sittoyu ch'ai kidh anayu

Annitu ayyino?

Mittatila: karrotet

Tappa 28^{ya}



Tanaw Dhihassa 29: Qorrich akkata $\frac{1}{4}$ akkimata $\frac{1}{4}$

Qorich akkata kiyu tanawse tanawssissan hellipa rakottate iqqara mittatissas fottinanenne kanininan hin arrikanet kiy kani qaten.

1. Medhan 6-10 hala qot.
2. Halla shoku shokotaye medha shimir erkanani kodhi.
3. Halla shoku shokottaye panayittisa hek hakkimettat medhan tanawiy pahissa.
4. Hakkimet shoku shokkotayes panollet dhata.
5. Medha paqqi hikket akkiniy akkila hembhinani kodhi.
6. Hin arrikanet kiy ishaman erkadhu akkiy.
 - Ppanollessinet por bhaqqi qorich talop kal.

- Medhan hat medha bhaqqi qapam panayittissan tanawiyane kodhi.
- Medhani bhaqqi qapam hussi qaras kilippalodhon ellinan.
- ‘hakkimish’ medhan shoku shokkotadhos dhinidhi pittoteshi missikitap ‘qorich’hhapin.
- ‘qorichset’ medhan qap errop ellinan.
- ‘qorichattin’ metin et suniko kilippalan anni.Heppil panollet pittotanne misskit qapu kilippinan.

Kassiyadha ishama:

1. Hellipa tanawate panolletin peitte mana in dhakkayissamadhi?
2. Sseturan rakkot qar pait euffitanem? Rakkot illa dhinissasi maniya kotten?
3. Nami shoku rakkot qari pait issete it qariqqarissa akkatadhiyo mana kodhin?

Muttaytta:

Bhaqi dhahen name qar painiyo akkimattanne qorich achacham mittas dhikkin qedhata fadhussin.

Tappa 29^{ya}



Tanaw Dhihassa 30 olli qapa lushatat

‘Olli qapa lushatat’ kiyu tanawse tanawssissan otti olli qapata lushatmedha akka qappananes kodhan arrikanet kiy kani qaten.

1. Chokketan kassana akkanyy kassa.
2. Medha 4 - 6 halla qota.
3. Medha kassanan kani illinan ishami.
4. Hhala shoku shoku tura 5 -10 sekussa illushata 4 por panayittiniy thuqqa lahass kasi.
5. Mmashay Immehadhan opp issi lushaniyyan akkiniy kassana 5 dhikkisa.
6. Medha shoku shokottadhu opp mashay issi lushaniyan mehadhan mahhadhodhu ishaminanne erkaninani kodhi.Panattas;illa rikkaniyyan.
7. Thuqqa shoku shokottadho qale mashay illushata mehadhan kassana haya.
8. Hhi arrikanet kiy ishaman erkay ollo akkiy.

- Erkama lushata shoku hala hala illa hembhamiyo medha shoku shoko erkamanettes mehadha fadhussiniy thuqqa shakkari kidhan fellinani isham.Panattas harrika ch'iqqata kiyyane samuna porise ulli hayammesh fela.
 - Ppore thuqqat laha porise kassami painiyane lukkadhu shoku kalissan helipa henettes harrikodhu ch'iqqadhen ,illodhu rikkadhen,skk...ppanayitiye.
 - Ssekkana pori hirayimatep mittatan kanel kaniqqatan erkamani hirramiyas tara lushadhen.
9. Erikaman mashay lushata erkawssamiy.
- illa rikkata
 - Mmashi fillata
 - Dhakinit ch'iqqata
 - Quppaliya ch'iqqata
 - Harrika ch'iqqata

Kassiyadha ishama:

1. Erkaman lushatat inat lashimin erkanishan manane maniyya kodhayen?
2. Hhin ellet thaffam erkkama thennat erkassane manamala fadhussiyyen mana?
3. illon lashi meqqas ch'iq?
4. Harrikkayin ch'iqqishan awittame?

Muttaytta:

Mashay illushata thenas fadhussin.

Tappa 32^{ya}



Tanaw Dhihhasa 30: erkama lash ayyan okkat

Lashi ayani okkate erkamani erkkawssamiy fadhussiyen tanaw panayittissan tanawinani kodhi. Hellippayinalle erkamani erkkawssamiy reehinani kodhi.

1. Lashi ayyani okkate uwawani uwshamiy lalet dhikkissa.
2. Hellipa ayyani okkate manayine erkaman erkkawssamiy medha kata ottanadhotes ishaminani kodhi.
3. Hhala 5-6 medhan kiyyan erkussiy.
4. Hhalladhon ayyani okka shoku pahissan lashi ayyan okkate mana erkawssamiy panayittissa tanawinani kodhi

Erkama Kollila Heka ottan Shokku Tura Kiy

 Hellipa Erkama kollinattat



Inakkatta

Kalt	63
Erkama dhihassa 1: Mashay uffinossisa	64
Erkama dhihassa 2: 1-9 dhihassan dhihussisa	64
Erkama dhihassa 3: dhihassa 1-9 kiy dhihassa dhihussisa	65
Erkama dhihassa 4: dhi 1-9 kiy dhihassan leli hemibha.....	65
Erkama dhihassa 5: dhihassanne dhihamiyu kaffumussisa	65
Erkama dhihassa 6: irrissaset qapattanne ierikkawssata	66
Erkama dhihassa 7: qunidhinawa dhihassat orrikemibhop qa qapa	66
Erkama dhihassa 8: haladha illa kokuma erkasa	66
Erkama dhihassa 9: dhihassan iyya dhakkayen thffen.....	67
Erkama dhihassa 10: mashay qariqqara	67
Erkama dhihassa 11: Dhihassan qar kelawi inakka	68
Erkama dhihassa 12: Orri qarriqqaranne qar kala.....	68
Erkama dhihassa 13: Akkanadha feat.....	69
Erkama dhihassa 14: Dhihassan kassana kassa	69
Erkama dhihassa 15: sanittippawane kodhashet	71
Erkama dhihassa 16: siffilala ekkaladhon orrikani qatissa	73
Erkama dhihassa 17: mehadha sira reeha.....	73
Erkama dhihassa 18: mahi akkanattenne malla fadhussiyen ishama.....	73
Erkama dhihassa 19: attuwat reeha	74
Erkama dhihassa 20: Kaffumanne orrikani qattisa	75
Erkama dhihassa 21: Orriqqudhop qapa erkassa	75
Erkama dhihassa 22: Ekkala erikassa.....	76
Erkama dhihassa 23: Siira dhikkisa.....	76
Erkama dhihassa 24: Orrikemibhp qappam olli ekkasa	76
Erkama dhihassa 25: Shoqqadha dhehissa	77
Erkama dhihassa 26: mehadha kanusodhu mittas olli ekkasa.....	77
Erkama dhihassa 27: leladha reehane nappapa.....	78
Erkama dhihassa 28: hayissot ishama erkussisa.....	78
Erkama dhihassa 29: Akkani urriqqiyap kiyyanne dhakap kiy hekkasa	79
Erkama dhihassa 30: Kanussa ekasa	79

Erkama dhihassa 31: karrittawa orrikemibhop qa qapa	80
Erkama dhihassa 32: Dhinidhadhanne sekkusa reeha	80
Erkama dhihassa 33: husadha uffinata	81
Erkama dhihassa 34: mehadha hurissumodhu mittas ekkassa	81
Erkama dhihassa 35: harikkanne innidha olli kiyyatadhu kanissa	82
Erkama dhihassa 36: Akkanadha qappanadhu mittas orrikani qatiy	82
Erkama dhihassa 37: attuwattadha, leladhane hayyisot ishama thaffa	83
Erkama dhihassa 38: Dhindhi reeha	83
Erkama dhihassa 39: rakkot tirraffiket kella mashay lushata	84
Erkama dhihassa 40: horrese rakkot dheishonne settitinat keela ilushata	84
Erkama dhihassa 41: Rakkot erashi nam qar painishu	84
Erkama dhihassa 42: Worraqqata Ch'irriffan Erkata	85
Erkama dhihassa 43: mehadha porradhu reeha	86
Erkama dhihassa 44: Reehayyitet fadhane panayittisa	86
Erkama dhihassa 46: Erkamani lashi lashan erkawssamiy	88
Erkama dhihassa 47: Akkani nam qar paiy ishama	88
Erkama dhihassa 48: lashi tappat	89
Erkama dhihassa 49: Dhihayim mani qar lusha	89
Erkama dhihassa 50: Dhama dhama	90
Erkama dhihassa 51: Erkama medhat orriqqudhop qapa	91
Erkama dhihassa 52: Dhihassa lashat	91
Erkama dhihassa 53: Hellipa dhamate serikissama fadhussiny halit illushattat	92

Kalt

Maathafa seqqale erkama Halladha iyya haw haw dhikkissamen. Hin dhikkisamale erkamanet uqqari padhawan medha et qoch'l qoch'ane lashaka erkama shoku mathaffa kollamppaya erkaninnans korissam. Mathaffa kollamippaya qara achachadhan kiyy kani qattan Kollamppaya achachi set dhikin erkassadhu shoyyadhu. Achachi sekkani qatas hin rakkissiyas shoyyatanne qariqqarissa haw kiyu ikkodhi. hin kollinasse shet kodhiy uffinatta qarel attuwat, leladhanne dhihassa reehanne thaffan, kassana roppan harikkodhu furissananne dhikin toyan kollila kollas qariqqare.

Mathaffa seqqale erkamayin erkassas pana fottosiniy ullas hayamen. panayin hirayyimas dhehadhen kodhen mala qumise itffadhussit mittas kanissan erkawssata fottinan.

Tappa 1^{ya}



Erkama dhihassa 1: Mashay uffinossisa

Medha tara taran errop ellan torose qara dhattodhi mashadhi iuffinayyitittep innano kata ottanayines mashayin iuffinayyitissan hin arrikkonet kiy kani qata.

- Medha kinashadhon shoku shoko kata ottanadhottes turi ellinani kodhi.
- Medhanne dhattodhi torot dhakkayen mittas mashadhu uffinayttinan kokiy.
- Medha mahsadhu uffinayttininanes medha shakkanidhu dhikkinani dhakkayyinani kodhi.
- Ssemittas medha dhahen shoku shoko mashadhu uffinayttinan helippa idhay.

Hhe qapadhen:

Medha mashadhu uffinayittiniyyane mahi hekkadhonne he appadhot ,pparadhu ,orrise manadhu tala kiy mahhadhadhu dhaen ,iyya hossaniyyanne qari hitiniyyan shoku shoko isshamadhu ishakin.



Erkama dhihassa 2: 1-9 dhihassan dhihussisa

Dhihassa 1-9 kiy nassan hembhinani aeeikkanet kiy kani qaten.

- Dhihassa 1-9 kiy nass kanenn shoku shoku hembha,
- Medha dhihassan hemibham kani qatan nassadhu sohhashissan shokkohuman hemibhinani kodhi,
- Medha dhihassan nassan qari orrinani hellashissa male medhasi hossunittan panayyitissa dhihinani kodhi,
- Ppanasse orropi kiyyon medha hala 4-6 qottan shoku shoko dhihassa dhihinani kodhi,



Erkamadhassas 3: dhihassas 1-9 kiy dhihassadhihussisa

Dhihassas 1-9 kiy dhihassas dhihinnan hin arrikanet kiy kan qaten.

- Dhihassas 1-9 kiy dhihassas kodhiy mehadha panattas; qumach'a hekkodhon, qoriqqet shoke.
- Mmehadhan dhihassas lelani shoku shokottadho orrikani qatissa hemibhan medha qarorinan hemibhinani kodhi,
- Medha dhihassas qari orrinani dhihussiyen kana ottanit medha tala hassadhon pana orrop kiyyon dhihinani kodhi,
- Anittona orropi kiyyan medha hala 4-6 qptan shoku shoko dhihinani kodhi,



Erkama dhihassas 4: dhi 1-9 kiy dhihassan leli hemibha

Dhihassas 1-9 kiy dhihinnan nes hin arrikanet kiy kani qaten.

- Dhihassas 1-9 kiy dhihassan karittet dhihassas qapu dhikkissa,
- Dhihassas karittetat medha dhahen toyiyyane porisset raha,
- Dhihassas 1-9 kiy dhihassan qoraya dherran nas kaneni shoku shoko hemibha,
- Medha dhihassan hemibham kani qatani nassadhu kanissan shokkohuman hemibhinani kodhi,
- Medha dhihassas qari orran lelan dhihussiyen kana medha ottanishadhu tala medha hosadhi idheyyan paana orrop kiyon dhihussinani kodhi,

Tappa 3^{ya}



Erkama dhihassas 5: dhihassanne dhihamiyu kaffumussisa

Dhihassas 1-20 kiy dhihassas qorikketan shoke akkani orrop kiyyan orrikani qatissa dhihassan dhihamiyu olle kaffumussiniyyanne dhihinnan nes hin arrikanet kiy kani qaten.

- Medhan hala 4-6 la ashiyy.
- Hhalladhon dhihassas 1-20 kiy dhihassas karittet quqqurammenne dhihassanne dhihamiyu akkan panattas qoriqqawa lek, rakkakadha, qunidha qoyirrat skk...dhave.
- Medha hala kodhan dhihassas dhihamiyu akkan olle kaffumussinanne dhihinani kodhi.



Erkama dhihassa 6: irrissaset qapattanne ierikkawssata

Irrissaset qapattanne ierikkawssata kollinani kodhan dhihassa 1-20 kiy dhihassan ropinanes hin arrikanet kiy kani qaten.

- Medha dhahhen irrissaset akka qappananes kodhossissa
- Qappatana irrissaset iakkissan dhihassa 1-20 kiy dhihassa qalle dhihassa shoku salatta qaras chokketan roppa akkiy
- Medha dhahhendhihassa 1-20 kiy kassana illa sohattamale roppan kollinani kodhi.



Erkamadhihassa7:qunidhinawadhihassatorrikemibhop qa qapa

Qunidhawa dhikkissam dhihassa 1-10 kiy orrikemibhop qa qapan thaffa kollinani hin arrikanet kiy shoku shoko kani qaten.

- Dhihassa 1-20 kiy qunidhinatanne dhikkissa
- Medha dhahhen irrissaset qappinani kodhi
- Qunidhanat dhikkissan dhihassa 1-20 kiy qale shoku salatta qaras chokketan orrikemibhop qappan thaffa akkisa
- Medha dhahhen qunidhanat dhikkissamen dhihassa 1-20 kiy kassana illa sohata male orrikemibhop qa qappinanne thaffinani kodhi.

Tappa 5^{ya}



Erkama dhihassa 8: haladha illa kokuma erkasa

Medha hala halan shimir erkasan lainani kodhi.'tanawse iyya hossaniyyanes'ishamanani hala qari kadhayit kodhi pahissan dhikin dhakkayinani ,erkanani kollinani kodhas hin arrikanet kiy shoku shoko kani qaten.

- Medha hala 4-6 shimir soroman lainani kodhi
- Medha ottanishadhu illa kadhayit pahinani kodhi
- Tanawse medha hossaniyyan panattas dhedhekkata ,marreppeshaw heakkitenem pahissani otti tanaw se tanawssissa mana mala hossadhen ishaminani kodhi.
- Medha dhikkinani dhakkassananenne kokuma erkanani fotossiy



Erkama dhihassa 9: dhihassan iyya dhakkayen thffen

Dhihassa 1-20 kiy leli iyya dhakkayen medha qari orran thaffinani kodhas arrikanet kiy shoku shoko kani qaten.

- Medha hosadhi dheyyan sallata qaras dhihassa olle ishaman thaffinani kodhi,
- Medha dhahhen irrissaset qappinani kodhi,
- Dhihassa 1-20 kiy dhihassan shoku shoko lelan ishaman thaffinani kodhi,



Erkama dhihassa 10: mashay qariqqara

Medha halani shimir soroman lainnani kodhan 'otti mashay iqqariqqarattenne malla fadhusiy 'medha ishamattan ishakkadhu kanininanes in arrikanet kiy shoku shoko kani qaten.

- Medha ottani tala erkama lashat erkaniyyane hinneno harikkodhu ch'iqqata, minittadhu ch'iqqaniyyane, mashadhu ch'iqqaniyyane, uwashadhu uwaniyyane, hopodhu koyyaniyyane, kassanani dhamodhu dhamiyyane akkiniy hanayyilas rahene.
- Erkama lashi erkaniyyan fptossiniy mehhadha kollilat ottani talip idheyyan medha shoku shoko mashay qariqqarin mani kollilattes kollinani kodhi/ashnikkulittet, silima, kawat, illa rikkaniyyan,
- Otti mashay qariqqara fadhosit medha kollisa,
- Erkama medha mashadu qariqqarinan fotinan / harik ch'iqqata, uwat uwata, hoppa koyata, dhama dhama, utta hakka, mashi fillata skk.../mashadhu akka erkkaninanes kodhosisan kokiy,
- Medha mashi fillatanne ch'iqqata ashanikulitetan ottan talas akka kollinan kodhi,
- Mashadu fotan iyya erkawisaniyan erkama haw haw kiy shamosisan uffinat idhatan/ qapuis, panatin dhhasa.

Tappa 6^{ya}



Erkama dhihassa 11: Dhihassan qar kelawi inakka

Medhan dhihassan qar kelawi inakkan thaffinan kollinani kodhas hin arrikanet kiy shoku shoko kani qatten.

- Mathaffa kollilat qale dhihassan qari kelawi inakkan akkiniy tarikkafa haw haw kiyu dhikkissa panattas arrikanet tarikkafase kiyu akin.
- Medha dhihassani qar kelawi inakkani thaffa kollinani kodhi.
- Orri panattan tarikkafa haw haw kiyu inakkan dhihassa 1-20 kiy thafa kollinani kodhi.

1		3		5
	7			10
11		13		15
		18		20

Tappa 7^{ya}



Erkama dhihassa 12: Orri qarriqqaranne qar kala

Medha namat ashani qar rakatta qariqqara fottashaminu ishamananne kata ottanadho-tes dhehaninani kodhaas arrikanet kiy shoku shoko kani qatinani kodhi.

- Medha hallani 4-6 lainnani kodhi
- Nammat ashan qari kalimanne qar qarriqqarama fottashaminu medhas lelinani kodhas panattas; name otta, akkaninkiyatadhiy qappat, tollanit, erkama lekissa skk... qarri kalimatta fotinu, namat rakkaniyo qariqqaran, hin iyat qappu qara iqqottan rakkot nam ishakkan skk.. qarriqqara fottashamin.
- Halladha shakkanidhu medha namat ashan qar qar kalimatta fottinu hala shoku lam ashan qar qarriqqarama fottinu ishamanani kodhi.
- Medha qudhinawan mani ottani tal iyya katodhu olle ishamadhen dhehanani kodhi.
- Muttayittas dhakkiniittadhan uwat pat dhekkam hekadhu akka kodhenne lemodhonne hakkimishi pateshi name pil akka ne qappata fottadhinu settep kidhan name ikkomiyu etti kinadho lemas shoke kollisampayittas ishama fottinani kollissan muttayita idhay.

Tappa 8^{ya}



Erkama dhihassa 13: Akkanadha feat

Medha akkanadha feat qum fawosit mittas qotinanēs koyas arikkānet kiy shokku shoko kaniqqatīnan kodhi.




- Medha hala hala uttashisa,
- Ott akkanadha feat ishama humi ishama,
- Akkanadha feaf kassanadha dhikkisam panatas kamiyyot, roobhilanne papura, karet, farit, kaniket, kalli, harey skk...hhalla halla dhata,
- Woraqqatadha medha hllipat A-hhayya, Y-hhusi, P-hhaqqi woraqqatadha iyya thaffamen halladh dhatta
- Medha akkanadha feat kassanadha quram qumise it fayussit mittas qottinani kodhi,
- Akkanadha featti annitona panayittissan awishiyyanne pahaya kidhan qottinnani kodhi,



Erkama dhihassa 14: Dhihassan kassana kassa

Medha dhihassan orrikemibhop qappan kassana qapi dhaniy kassinani kodhas hin arrikanet kiy shoku shoko kani qaten.

- kassana dhihassa dhikkissam medha idhattan,
- Medha dhihassa kapa qunidhinawayin orrikemibhop qa qapan kassana kassinani kodhi,
- Irrissasawa dhattan sirra haw haw kiy kassanani medha kassensira roppinani kodhi,




Tappa ^{ya}



Erkama dhihassa 15: sanittippawane kodhashet

Medha sanittippawanne kodhashet hala hala dhattan tinael por kanep orrikan qattinani kodhas hin arrikanet kiy shoku shoko kani qatten.

- Ssanittippawanne kodhashet hin arrikanet kiy panayittiy,
- Heka 5 ,10, 25, ne 50 sanittippawa qumissetep heke 1 ,5 ,10 ,50, ne 100 kodhashet dhehassan reehinani kodhi,
- Ssanittippawanne kodhashet hin orrikani qattadhiy medhas hala halan qottan tinael por kanep orrikani qattinani hayinani kodhi.





Tappa 13^{ya}



Erkama dhihassa 16: siffilala ekkaladhon orrikani qatissa

siffilala ekkala haw haw qapi medha dhattan ekkaladhon orrikkani qatissa kodhan hin arrikanet kiy shoku shoko kani qatan erkussiy.

- siffilala ekkala haw kaw kiy qap dherussanne meridhussan dhikkissa,
- Medha hala hala qali qottan uttashissa,
- siffilla dheranne meridhi haw haw kiy hala hala idhata,
- Medha siffilala haw haw kiy dherussa qappanne humai ottanittishi ,dher kinani orrikkani qattinanne siffilala meridh, qan ,ottanitish ,kinani orrikani qattinani kodhi.



Erkama dhihassa 17: mehadha sira reeha

Qqidhadhan sira haw haw kiy qap medha qottan siradhu akka reehinan kodhan hin kanet orrikani qattissa erikaninani kodhi.

- Qqidhadhan sira haw haw kiy qap idhikkissa,
- Medha hal hal qotta uttashissa,
- Qqidhadha sira haw haw kiy qap haladha qota,
- Qqidhadhan sirrodhon panattas, irrom, kawinela, monittet skk...qqidhadhan haw haw kiy sirrodhu por shokohi ill hayyaminani kodha.



Erkama dhihassa 18: mahi akkanattenne malla fadhussiyen ishama

Akkanadha hussadhu kapeshi kiy kassana qap medha dhehassan malla fadhussiyen ishaminani kodhi.panattas, silliket, lot, kuppaya, hera, atturet, skk..hin arrikanet kiy shoku shoko kani qatinani erkaninani kodhi.

- Akkanadha hussadhu kapeshi kiy qap kassan dhikkisa.
- kassana por akkaniyu raha.
- siffilalan medha mahhadhodhone malla fadhussiyen ishaminani kodhi.



Erkama dhihassa 19: attuwat reeha

Attuwattadha iakkissan lel hemibhinani kodhan attuwat haw hawnne sagneshadhu reehinani kodhi. Hin arrikanet kiy kani qatan erikussiy.

- Attuwat tapat (BH ,Q , TH, ne M) medhas nassanne qidhan reehinani uffinussiy,
- Attuwat (BH, Q, TH, ne M) sagneshadhu nassanne qidhan reehinani kodhi,
- Shoku shoko (BH, Q , TH, ne M) sagneshadhu shoku heppil qara manani reehamiyu medha olli ishamanani kodhi,
- Medha qidha attuwat qapatan sallata keta reehinanenee shokku shokko ollitoysisan akka uffinosinan kodhi ,
- Iyyan thaffam (BH, Q, TH ne M) woraqqatadhan sagneshadh qap medh dhatan medhan attuwattadha qar orran orikkan qatissan kodhi ,ppanatas turiqqatas BH ukkanas BHU haka BHO tes akkinan kodhi,
- Hhini iyya akkiyen katadhos akkisanenne mana akka kodhen ishaminan kodhi,
- Thaffa qunidhinattan (P, Q, TH, ne M) ne sagneshadhu qap worraqqattadha medha qottan medha attuwase orrikkani qattissan kassana illa sohhata malle sirra roppinani kodhi,
- Qqidhadhan haw haw kiyanne attuwat akkana haw haw kiyan erkassanne thaffa kollinani, /qqorikketa, qunidha qoyirat, qoyir kippirita qale sorromiyyan, rakaka, /
- Sira haqqaten haten iyya uffinadhen attuwat thaffinani kolliy,
- Medha, (P, Q, TH ne M,) attuwattanne sagneshadhu nasni reehan orrikkani qattisan attuwat salatta qaras nappapussinani kodhi,
- Medha hekka (P, Q, TH, ne M,) ne sagneshadhu nassanne qidhan reehan shoku shoko attuwat salatta qar nappapinaninkodhi,
- Qqidha attuwatta woraqqata qaras hin iyya uffinadhen anappapen kokiy,
- Medha hekka attuwat P sagneshay qari orra thaffan kollinani seiyya thaffen kollinani kodhi,

Tappa 14^{ya}



Erkama dhihassa 20: Kaffumanne orrikani qattisa

Ottanit akkanadha tala kaffumisekiyu orrikkani qattissan uffinananes tanawssissas hin arrikanet kiy kani qatan uffinanani kodhi.

- Mmehadha lekkenne sirra haw haw kiy qap panattas, panollet, qunidha, qorikket, dhihammiy, kassana wadhanat, qidhadha, rakkaka, skk...llekissa mani ottani talop idheyen.
- Medha halla qotta
- Mmhadhan ekkala haw haw kiy qapanne dhhhamiyy olli lahhan medhan hallan kiy qoti.
- Se kana dhihassan orrp kiy shokkohiman olli kaffumosininans kokiy (ppanatas; hshorisoryy, mullimuliy, qoch', kani skk...hhin kodhi pori shokkohap qapan)
- Mmaniyana akka orri pananiyyan medha kassatan mitatila dhanan kokiy,
- Ssekkana hin orri panata dhiniy dhihhamiy sohhashissan hayinani medha kokiy,
- Mannani orri panattadhiniyyan kassattanne mittatila dhanani kokiy,
- Hirran kaffum haw haw kiyonne akkani se iyya orriqqudhop qappen ishaminani kodhi, (panattas; tinai, ottanitishanne ikkan kidhani orriqqara ch'aliy orrikani qattiy)
- Muttayittasseno ottanit akkani tala kaffumanne orrikkani qatanne kiyu qapise qarasi muttayita idhay,

Tappa 15^{ya}



Erkama dhihassa 21: Orriqqudhop qapa erkassa

Mmehadhani dhihamiyyanne sippakot idhattan mehadha sipakottan qales orriqqudhop qapas qap heke orriqqudhop qapammat uffinanani kodhan arrikanet kiy shoku shoko erkussiy.

- Mmehadhan dhihamiyyanne sippakot dhikkisa,
- Orriqqudhop qapa kidhot mana akka kodhi medhas kolliy,
- Sipakkotan ohhit erkassan qorikketan panattas; orriqqudhop qapama erkasa iakkiy,
- Mmehadhani dhihamiyyanne sippakot medhas iqqot,

- Medha akken mittas mehadhan dhihamiyyanne sipakot orriqqudhop qapama erkassan akkinani kodhi,



Erkama dhihassa 22: Ekkala erikassa

Lappale shippiripira ,woraqqattale marrikap ,erkassa kollissan ekkala haw haw kiy erkaninani qariqqar. Hin arrikanet kiy kani qatan shoku shoko erkussiy.

- Lappanne worraqqata dhikkissa,
- Lappan shippiripira ,woraqqatale marrikapne sanitu erkassa ollo akkissa,
- Medha iyya akkeni mittas erkassan akkinani kodhi,

Tappa 16^{ya}



Erkama dhihassa 23: Siira dhikkisa

Hhusi romanne lapale siira ch'ipan erkasa kolisa ekkala haw haw kiy akka kodhineshi qariqqari .hhini arikanet kiy kaniqqatan shokk shokko erkadheni.

- Hhus, lappa, pulalanne haqqi, sahina, qolim idhikisa ,
- Hhini ellet ishamammenne ashani akka siira erkanan akkyi.
- Akkanani ellet kiy qali ch'ippanenne siira olli lahha erkanan kollinani iakiyyi,



Erkama dhihassa 24: Orrikemibhp qappam olli ekkasa

Medhas qidhadha haw haw kiy dhattan qoch'ishi, ch'alishi, orrimittas kishi kidhan olli ekkanninani kodhi. Hin arrikanet kiy kani qattan shoku shoko erkussiy.

- Siffilla kassana ekkalat qidhadha, sippakawa, halani uttashissa meedha qot.
- Sippakkose medha dhassat qadhi lak [orriqqudhop qapam] erkanani kodhi.
- Ottanit qidhadha talanne tinai dhindhi hallipat qap, shimir, dhinidhi affur, kalininani kodhi.
- Qqadhi lakiyyate kelan siffil hen kalinani kodhi.
- Qqadhise iyya lak erkkadhen dhindhi dhinidhes hayinani qadhise qales dhihassan kiy hemibhinani kodhi.
- Sekkana qadhi hekkan dhihassa lek akkani qap hekani iqgoch'l qap dhihinani qap kassata.

- Qqadhi hekani hekani qara qoch'iyu kassadhu. Mittatilanetteno orriqqudhop qappamanet olli ekkassan kassadhu.
- Kollilayin qari orrani olli qapama erkassanne ekkasa qapise uffinanani kodhi.

Tappa 17^{ya}



Erkama dhihassa 25: Shoqqadha dhehissa

Huss, haqqanne attuwat ottotatan lassitiqqetales shoqqa dhehissa fottinanes qariqqar. hin arrikanet kiy erkkassan shoku shoko kani qaten.

- Hhusi, lasitiktne haqqi dhikisa,
- Hhusi dhikkisanenne sahina qales naqqa,
- Qqnidhadha panattas, bhaqqala naqqanne hussi attuwat pori akkaniyu hayya,
- Llashi lashani haqqi ukkissan kanussodhu shoyyata,
- Muttayittas medha dhahhen akkanise iyya dhihen shoyyanani kodhan mashu mashas orri kollininani kodhi.



Erkama dhihassa 26: mehadha kanusodhu mittas olli ekkasa

Mmehhadhani kanussa haw haw kiy qap dhattan tinael por kanep mehadha hekkani pori palidhi kodhi qapinu ishaminani kodhi.

- Mmehhadhan hekkala haw haw kiy halahhala dhata,
- Mmehhadha therreppessa qaras dhindh dhinidhes hayan panattas ;taffittaranne mathfa,
- Mmehhadha por iyya qappadhen akkissan pori palidhanne qoch'l qap ishaminani kodhi,



Erkama dhihassa 27: leladha reehane nappapa

Attuwatadha iyya uffinadhenen leladhan soromam nasan akka reehinanenne nappapinani kodhi. Hin arrikanet kiy kani qattan shoyyata erkussiy.

- Medha hin iyya uffinadhen attuwattanne sagneshadhu nasanne qidhan qali qappanani kodhi.panattas, P, Q,TH, ne M,
- Attuwasse iyya kollen mittas leladhan mehadhanne erkama panat olle kaffumussissa qap iyya dhaniyyan uffinannan kodhi,
- Attuwat P, Q, TH, ne M dhinnidheshenne hattet thaffan medha orrikkanas annappapinani kodhi /hhelush, henali, heffadhusiy, hech'iqqi,.../
- Attuwattadhan quqquram (P, Q ,TH, ne M) orrikemibhop qappan lelladha erkaninani kodhi,
- Llelladhan iyya erkadhen qari orran anappapinanne thaffinani kodhi,
- Lakkos attuwattadhan shoku shoko sagneshadhu olle dhinidheshanne hattet thaffan orrikkani anappapinani kodhi,
- Attuwattadha shoku shoko sagneshadhu lelli erkaninani kodhi,
- Ssagnet attuwattadhat iyya kollen mittas lelli mehadhanne erkamani panat olle kaffumussissan qapise iyya dhaniyan uffinanani kodhi. panattas qillalayit kiyu lellise qillallayittap kiyu panat olle akkisa.
- Orrikkanas katodhu turas lelladhani iyya erkadhen annappapinanne anappapussininan kokkisa,



Erkama dhihassa 28: hayissot ishama erkussisa

Attuwattadhani iyya kollen mittas lelli attuwat hek laketenne hekhalippattat lellan hayissot ishama erkannanne annappapinani kodhi. Hin arrikanet kiy kani qatani shoyyata erkussiy.

- Medha hin iyya uffinadhen P, Q, TH, ne M, atuwattanne sagneshadhon lelladhani iyya erkadhen nassan imashi orrissanani kodhi,
- Attuwattadhanne sagneshadhu iyya kollen mittas lelladhanetten hayissot ishama erkanani kodhi panattas, qillalayt dheye.
- Hhayissot ishama se iyya erkadhen qari orran anappapinnani kodhi,
- Orrikan orrikanas katodhu turas attuwase iyya erkadhen anappapinanne nappapussinani kokkisa,

Tappa 18^{ya}



Erkama dhihassa 29: Akkani urriqqiyap kiyyanne dhakap kiy hekkasa

Medha akkani urriqqiyap kiyyanne dhakap kiy hekkasa qapise uffinanani kodhas arrikanet kiy kani qata erkkadhen.

- Kuppaya, thassa, hayyiladha opp haqqi qapaniyyanne shat dhikisa,
- Medha hala hala uttashisa.
- Medha kuppayadha lak haqqi inaka tur hayyan.
- Ukkana kuller kuppaya haqqi qapu ch'oqqan haqi inakken kuppaya lakiya iyyipat kodhen.
- Anenno kuppaya qales haqqise iyya kishen kuppayase akkanat qale tek qalep haqqi tiqqen.
- Kuppayya shokoshi kuppaya shokallep haqqi tiqiyane kuppayyadhan orrimit haqqi qapene dffinadhen.
- Thassa shokunne kuppaya shoku kodhan kuppayya qalles haqqi innakani thassalep tiqqa akkiy. Thassa haqqi innakani thassotinet kuppaya qara ch'alinu kolliy.
- Kuppaya, thassa haqqi ayyilanidha inakkan medha dhattan panase at iakkiten haqqise inakkinanne ikkumi heppilali kishinani hekkananenne ha qappi kiyyanne dhakap kiy hekkanani qapise uffinanani kodhi.
- Ppanasen hekkasa ch'allisanne qoch'ssa uffinanani kodhi.



Erkama dhihassa 30: Kanussa ekasa

Akani kanussa ch'aliy hekkananne olli toyinani kodhi.

- Medha hala hllipat qota,
- siffil kanussa haw haw kiy qap (idher, ottanitishanne humai) dhikkissa,
- Hhal shoku siffil dher, hala lakiya siffil ottanitish, halipattiyot siffil humai qota.
- Ssekkana halayila medha shakanidhu hemibhan siffil sekkan hayinu kodhi.
- Hhala lakiya illa medha shakkanidhu hemibhan siffilise kani kana ottanitishi hayyinani kodhi.
- Muttayittas medha shakanidhu hemibhan siffil humai silliffadhan laki kana hayinu kodhi.

Ssep hala dhahen medha ikkan ittinai ottanitishi kidhan leli akkiniy uffinan kodhi.

Panattas:



Kollissamppayit hala halipat illa taran siffillala hayiyan sep koyen.

Tappa 19^{ya}



Erkama dhihassa Erkama dhihassa 31: karrittawa orrikemibhop qa qapa

kassanadha quqquram haw haw kiy orrikemibhop qapan ottanit kanussodhi tala reehayittesinkiyu uffinanani kodhi. Hin arrikanet kiy kani qatan shoyyata erkussiy.

- Medha hala lashinani kodhi.
- Karritawan haw haw kiy dhikissam haladha qota haladha qota [panattas hin arrikanet kassana quqquram erkama harikaminaten mathaaffa qale erkama harikaminnat dhihassa hen mittas erkawssata fotittan.
- Turriqqatas qidhan arrikanet kiy qali qottadhan hala dhattan ikkum orrikemibhop qapinani kodhi.
- Medha hin iyya hala orrikemibhop qa qapen kassanani quqquram katodhos akkininani kodhi.



Erkama dhihassa 32: Dhinidhadhanne sekkusa reeha

Pporranne sekkussanne dhinidhi akkiniy leladha [idhehi, issek, uttala, skk...] reehinani kodhan hin arrikanet kiy kaniqqatan erkussiy.

- kassana ,thareppessa ,ppanolletanne therimusset dhikkissa
- Medhanetes turras medha akkaniyyan ottanit tharappessa qari hay ukkana kullas ottanit tharappesa qara maniya ull hayyami kidha kassadhu.
- Qqema tharappesa qara lam tharimuset hay. Ssekana qema tharapesa qara maniya hayam kidhilo illeli.
- Ottanit tharapesa qara panolet haya qema heke tharapesa tharimuset haya kidhan isham.

- Ppanollet lak medha turras shoku por dheha shoku por seka hayyani medhas hekani idhehi hekani isseki kidhan kassadhu ukkana kules mittatila idhay.
- Dhinidhadha mehadhat hayan dhinidhanne sekkussa qar orrinani kasadhu.

Tappa 20^{ya}



Erkama dhihassa 33: husadha uffinata

Medha hussadhu kapeshi ummadhanne namat erkadhi kinattadhu kidhan reehinanes arrikanet kiy kani qata erkussiy.

- Medha hussi qapi sekiyu uffinanani kodhi,
- Hussadhu kappesh ummadhanne namat erkadhi akkani kiy uffinanani kodhi,
- Akkani ummadha kidhikinu iyyani umami kinat qapanne kiyat dhap qoraya, pinanita, haqqa, husa, Dhaka, ottota, leha, issika, haya, kota, urrasheta, kodhadhu uffinayitiye,
- Medha annitan hussadhu kapeshi akkanise kiy qap qaffinanani kodhi,
- Ppori seiya anne mittatiyane ottise akkani se iyya akken ishamanani kodhi,
- Qqorraya kidhashamiy ummadhanet qoraya, ayyittadha, dhihayima haw haw kiy, dhihayimi maniqqarattenne qunidhadha kodhadhu uffinussiy,
- Horret illa orret talatenne pinanit murralet, firiyyanne hamippira haqqila kalaniyyanne kodhadhu uffinayittisa fadhussin /panattas; horret talat, atturet, herra, pinanit murralet, karima, orrayit, qayirrant skk.. /
- Nammat erkaddhi man, pana, tilitil, tharappesa, shedha, kodhadhu panayittissan hussadhu kapeshi heri erkama name kodhadhu medhas ishaminan kokiyy,



Erkama dhihassa 34: mehadha hurissumodhu mittas ekkassa

Mmehadhan ottan tala kiy hurissuma akkiniy hoshil, huris, hayillet huris kidhan olli ekkasa kodhan hin sekkanet kiy orrikkani qatissan erkussiy:

- Medha shimir kodhan uttinan kodhi,
- se kana kanusane qidhan akkan se orr pah he kodhu malle qorayan hursumodhu haw haw kiy shokke medhanets otnishadhtalas mehadhn hayi,
- se kana tar tarn sohatan mehadhan harikadhales qapatan qarora ekkanan kodhi
- Se kana hoshilen huris hekan akka kodheni ishaminan kokkiy.

- Se kana pesitalan orrop kiyane sir orrop kiy dhikiyeni,
- Se kana hurisuma haw haw kiy uttali naqqeni,
- Mutayta kella medhan tara tara sohatan harkadh sohsisan ullihyan wadhinan ekkaniani kodhi.
- Mutayta kela iyya hurisanne hoshili hakan akka kodhen lelinani koki,

Tappa 21^{ya}



Erkama dhihassa 35: harikkanne innidha olli kiyyatadhu kanissa

Medha akkani haw haw kiy kodhan innidhanne harikka olli kiyyatadhu kanissasi arrikanet kiy kaniqqatan erkussiye.

- Shat, ch'oqqa, qorayyanne worraqqata dhikkissa,
- Shatan qumach'a akkissan shimir, man, marrimariqqa, hinettep kiy erkussiy,
- Ch'oqqa poyidhan tissitet, sahina, putten, qidha horretat, skk..erkanani kodhi,
- Qqoraya kippirattetat orrikemibhop qa qapan man, pana hinettep kiy,
- Worraqqattan kassana haw haw kiy, qidhadhan oppi ekkaniyyan, man, ashanikkulittet, hinettep kiy erkaninani kodhan innidhanne harik olli erkassadhu kaninani kodhi.



Erkama dhihassa 36: Akkanadha qappanadhu mittas orrikani qatiy

Mmehadha haw haw kiy qappanadhu akkiniy hitta, innakot, kelot, ich'al, skk... kidhan olli ekkaniyani kodhi.

- Affur orrop kiy hayilanitet haqqi qapiy dhikkisa
- Mmehadhan shokku qales haqqi inakka ,mmehadhan lakki qales kelot kisha halipatyales qoch' qoch' ne affuriya hitta ullidhitan.
- Medha hala hala uttashissa,
- Mmehadhan hqqi qapiy dhikkissa hala shoku shokot dhatta,
- Medha hitta pore hinnakkotateppanne por inakkottat pore hittatep orrikkani qatinani kodhi,
- Mmttayittas medha otti akkanattes orrikani qattissanne olli ekkasa uffinannani kodhi,

Tappa 22^{ya}



Erkama dhihassa 37: attuwattadha, leladhane hayyisot ishama thaffa

Attuwat tappat (P, Q, TH, ne M) Attuwat, leladhanne hayyisot ishama thaffinani kodhas hin arrikanet kiy kani qaten.

- Attuwat tappatenne sagneshadhu arrikanet panase mittas akkila kani qatan qudhinawa orrikemibhop qappan attuwat qari orrinani thaffinani kodhi.

Ba	Ba	Ba	Ba	Ba
Be	Be	Be	Be	Be
Bi	Bi	Bi	Bi	Bi

- Attuwat tappatenne sagneshadhon arrikanet panashadhu mittas leladha qari orrinani thaffinani kodhi. Panattas, Q-henale, TH-helushe, TH-qqilalayttanne leli qale attuwattadhan kelawenne hayyisot ishama qale hin kelawi attuwat innaka thaffinani kodhi panattas mahi namat (A-P, KP-) mahi horrettat (K-T, H-SKK..)
- Attuwat tappatenne sagneshadhon leladhanne hayyisot ishama mittas qariorrinani thaffinani kodhi. Panattas, qillalayit dheyne, kossikort dheyne, hossikidha ukke,
- Medha mahhadhu hakka appadhottes thaffa kollinani attuwattadhan mahadhu qale kiyy qali qapananne thaffa kollinani kodhi.



Erkama dhihassa 38: Dhindhi reeha

Pporisse mehadha kiyyane dhindhi ishaminani kodhas hin arrikanet kiy kani qat.

- Tharabhesa qara mehadha haw haw kiy haya,
- Tharabhesa qara mehadhani hayyam medha toyyan dhindhadha ishaminani kodhi,
- Medha shakanidhu hossadhen hemibhan minttay mittatissan ellinu kodhi,
- Medhan lai illa shoku mahay hemibhinu kodhanne messe hemibham dhindhi hekkane ikka kodhi akkininu kodhi,

- kassana dhinidhi akkiniy hannayillas madhakissan medha shoku shoko hemibhan hekkane pori hekkani ell, lai, pori hekane iyyat kiyu kassana akkissan mittatila dhannani kokkissa,
- Medha lak hemibhan ottanit tekati tali ellinani kodhan pittotan ayinu missikit qarass ayinu ikka elli medhas kassatan mittatila dhanani kodhi,
- Medha shakannidhu sekkasan heppil por tekkattatep dhessan ellashisan tekkat ottanishadhu tala kiyu mittas porise iyya ulli ellen ayyinu issek tekkattas ayyinu idheh takkattas kidhan medha kassatan mittatila dhanani kodhi.



Erkama dhihassa 39: rakkot tirraffiket kella mashay lushata

Medha achachadha dhinussat uffinanani kodhas hin arrikanet kiy kaniqqatinani kodhi.

- Medha rakkot tirraffiket kela mashadh ashan akka lusanan lemadhu kasatan ottan tallop indheyinan kodhi,
- Mmedh etppanale taripiyan halit tirafikket serikinanes iuffinosisa.
- Appit tiraffiketat seroom oppawiyane ,kkamiyot ellan orrat taripiyo kawinelot oppawiyonne ich'ikidhi oppawiyot orrat ellani kamiyotadha aniyane iuffinosisa,
- Ppana kamiyot qalles panolet tanawot rakkotni paisayi qaposiy.

Tappa 23^{ya}



Erkama dhihassa 40: horrese rakkot dheishonne settinat keela ilushata

Medha horret rakkot dheishonne settinat kella mashay illushattas arrikanet kiy kaniqqaren.

- Medha horresse rakkot dheishu mashay illushattas ashan lama kassatan ottani talas dhehanani kodhi,
- Horresse name qaninishu mashayinu ashan lushata uffinaninu panattas, herra, horrim skk...
- Ppokkiyanne bhaqqi dheiy reehan medha ihellissata ashani qar fittinani ishamussiy (panattas, hannit, hinittet, kugnat, makka skk...)



Erkama dhihassa 41: Rakkot erashi nam qar painishu

Medha appita oppaniy akkan, ellekittirikketanne haqqi rakkot qara mittatissa fottas hin arrikanet kiy kani qaten.

- Medha appit oppaniy akkan ellekittirikketanne haq rakkot mashay iqqara mittatissas fottinani medha kassatan lemodhu lelane kulles ottani talop dhehanani kodhi,
- Akkanadhan oppi appit qapissisiyyan haw haw kiy qapatta dhittan kippirratet akka tannawa dhinani iuffunissisa,
- Sippawa ellekittiriket qappata dhita shippawayin pat qoissam rakkot dheiiyan iuffunussisa,
- Hqqi, koriffet, haqqise ulli tapenne parimmela haqqi inakkodhi kappeshi tanawan rakkot dheiiy toyyan ishamanani kodhi,



Erkama dhihassa 42: Worraqqata Ch'irriffan Erkata

Worraqqata ch'irriffan erkaninanenne orrikemibhop idheinani kodhan seseyya hek qumachat kaninani koyyas hin arrikanet kiy kani qaten:-

- Worraqqata, oppi immadhakiniyyane, maqqassetanne massimeriya dhikkissa,
- Worraqqatadha qanani pahissa qura,
- Worraqqatadha quqquram shimirap kiyyan marran shoku shimiri pil olle qappan worraqqata ch'iriffa erkata akkiyen,
- Medha akken mittas worraqqatadhan quqquram shimirap kiyan marran shimir shoku worraqqata shimir pil olle qappan worraqqata ch'iriffa erkaninani kodhi.



Erkama dhihassa 43: mehadha porradhu reeha




Mani ottani tala mehadhan kiyyan dhikin orrikani qatissa hayinani mittas por mehadhat ishama koyyas hin arrikanet kiy kaniqqaten:-






- Mmehadhani mani ottani tala kiy dhikin orrikani hay
- Mmehadha dhinidh laishetadhu heppil olle dhinidh tura, kana, pittot, missikit, skk... ishama fotinani akkisa,
- Mmehadha laishehsadhu medha por iyya ulla kiyyan dhinidhise mittas turra, kana, pitot, missikit, skk...ishaminani kodhi,
- Mmehadha laishehsadhu heppil olle laishet mittas turra, kana, pitot, missikit, skk... ishaminani kodhi.



Erkama dhihassa 44: Reehayitet fadhane panayittisa

Akkani orri pananiy ch'awayes reehaniy qapu kassana lakken hin kelawi imashi orrissatan reehinanne panayittinani kodhas kassanayin arrikanet kiy toyen.





Tappa 25^{ya}



Erkama dhihassa 46: Erkamani lashi lashan erkawssamiy

Medha lashale erkamani erkkawissamiyyanne lashi qale hellipani kiy akkiniy reehinani kodhas hin arrikanet kiy kani qaten.

- Ettikellayittan ,lashan ,ullidhatanne awwodhi erkamani erkawssamiy panat illa akkissan ishamussiy.
- Lashi lashan kiyatadhu ilas man kollilate nakkaiyane tala kodhito maniya akka erkaniyan kassadhu
- ppanat dhikisan erkaman panati illa toyan iyan orr pananiyu olle kaffumosisas kodhe.
- lashi shimiri erkatan shimiri seppatesh siira puritkanetap kiy roopan hilipa hakan pananiy koliye.
- ulidhat lami pak shimiri kodhan siira por ropanene iskkadha soroman hakan hilipa akkiniy koliy.
- se kana akilan hilipa uffinosiny iyyan helipa illi erkawisamy pana se oll kaffumosisan ekkala erkosiy.

Tappa 26^{ya}



Erkama dhihassa 47: Akkani nam qar paiy ishama

Medhan manadhos, hussadhos, mani kolliladhotas, ott hallattenne hek awet iyya qar pai ishaminani koyyas hin aeikkanet kiy kani qaten.

- Medhan mani kollilate tala lakki shoyyanani kodhan hellipa shoyyatate akkani haw haw kiy qali qapanani kodhi.
- Lashi pila lami halatte ahopp anittene shoyyatten kidhan hellipa shoyyattate maniyyanne maniya akkani iyya akken kassadhu.
- Hirran medha dhaen manadhonne hussadhu hallattenne hawi hin iyya qari pai shoku shoko hassadhon katodhu ishaminani kodhi.

Tappa 27^{ya}



Erkama dhihassa 48: lashi tappat

Lashi tappat reehinan kodhas hini arikanet kiy kani qateni.

- Turukata attuwat dhikisan salata seti tappa lashat dhikisam [ppanatas, S-sagno, M-makisagno,...I –Snipata].
- Salata lashi tappa qapu por medhanet akkanu rahhan lashadhan olle akka uffinanani kodhi
- Lashi tappat orrikani qatinani reehinani kodha [sagnu turiqqata tapatenne lashi hirayima kollilat, makkisagnu tappa lashi lakiyyat skk...]

Tappa kidhot lashi tap kinattadhu lashi hen sagnu haka arrippetes kiy lashi erkamat kodhenne lashi lak qidhamenne sanippata lama lashi hayissottat kodhen isham.



Erkama dhihassa 49: Dhihayim mani qar lusha

Dhihayim mani qar haw haw kiyu mattappet qaras dhihinani kodhani akkani awishiya erkaninani akkissas hin arikanet kiy kani qatten.

- Dhihayim maniqqar dhihass mehadha dhikkissa,
- Ppori hussat kiyo reehanppor dhihayim inakkinani kodhi,
- Ashan qari pehha fottinani akkissan medha hotta seinani kodhi,
- Lashale erkata iyya fadhussiniy panattas;haqqi ukkissa fadhussiniyu qappussisa,
- Lashi lashan kanussa shoyyanne katodhos akkininani kokkiy.

Tappa 28^{ya}



Erkama dhihassa 50: Dhama dhama

Medha dhaman nam qiminy malla fadhussiyen ishaminani hin arrikanet kiyy kani qaten.

- Ssekkana qappi sedhehhadhi hes uffinat kodhisho medha dhama name qiminy malla fadhussiyen tur tura uffinanani humaissa lenen.
- Thaffaa olle qappamiy kassiyadha kassattan medha mittatinani kodhi.

Dama name qiminy

Dhama name qiminy dhamot dhikki kodhas lik male erkkama kani. Erkama hekadhu haw kiy kanissasi uffinanani dhama haw haw kiy fadhussin. Dhama dhakint hossi kiny fadhussin irrot dhan, kanussa shoke laffittayinone dhakit irrottat qimin. Dhaman ussak qap medhani tinaas dhikin fadhusin lama dhamani dhihayim maniqqarattenne theffet illa akkanikinu dhakinittayinoss iyyani dhikkanne bhaqqi inu qara mittatin. Akannayin dhikin fayussiniy dhakkinishayinu shokohumi erkan.

Dhama shoku shokottadho qali qottanshoku qarel akkani fayussiniy kiyyan. Hekkodhu malle pana pillan kollissas dhama akkani siffilap kiy qappan qottani dhama qale qappan. Medha akkani haw haw kiy issete imashi orrissatas kiyyane irrot dhaniy ,dhakkinit kaniniyyanne bhaqqi dhawiriy dhaman kin ollo ihemibhin.

Irrot dhaniy [karippo hayyidhiet]dhama fadhussiniy

Dhama irrot dhaniy tanawas, fellanittas, erkkamasenne kollilas irrot dhan. Dhama irrot dhaniy russet, kappa, kamippuputha, sukkareta, shonikkora, tanikka, sayitteta, ussakka, tinicha mathathina, hech'atta, ochollonetta, skk...ila akkani.

Dhaman dhakkinit qiminy mala fadhussini

Dhamani dhakkinit qiminy inu kanissassenne iyyani dhik kodhinos koyanne dhakinittayinu kokkissas erkamayinet erkan. Dhamani dhakinit qiminy sohha, lukkala, qurithumet, bhubha, bhaqqala, alliquqqa, ocholloneta, ayyippeta, irrikkot skk...illa akkan.

Dhamani bhaqqi mittatiniy malla fadhussiyen

Dhamani bhaqqi mittatiniy illonu, laffittayinonne, qollataynu qiminonne dhik kodhinos koy. Dhamani bhaqqi mittatiniy sallatha, qossitha, mich'a, pottita, dhihayima, manikkot, musset, paya, purritukkanet, qunidhadhanne skk...

Tappa 29^{ya}



Erkama dhihassa 51: Erkama medhat orriqqudhop qapa

Medha hellipa haw haw kiyo iyya dhikiyen erkkamani shokohumi qaras dhikkissan panat mathaaffa dhikkissan kollamippaya pil olle ohanani kodhass hin arrikkonet kiy kani qatten.

- Medha hellipa haw haw kiyo hin iyya panat erkadhen ,thaffenne quqquran madhakkiyen erkamani orriqqudhop qappan dhikkissa
- Erkamani orriqqudhop qappam dhosset shakan idhan orriqqudhop qappaminani qariqqar
- Mathaffa panattat sedhikkissam katodhu olle olli ohhinanenne toyinani kodhi
- Mmuttayittas erkaman mehadhan shakanidhohi oppi uqqar hayiyan dhikin hayinani orrikani qattininani hayinani kodhi.



Erkama dhihassa 52: Dhihassa lashat

Dhihassan lashi parat soromami dhehadhi dhihassa heka lashi qara lehadhanne lashadha orrikela reeha akkininanes hin sekanet kiy kani qatan .

- Llehhadha heka par 13 orrikkani qattisa reehhinani kodhi
- Llehha shokushokottaye lashi meqqi akka qappu kollissa
- Dhihassan lashi parat soromami dhehassan lashi dhihiyyani qara lehhanne lashi reehinani akkinani kodhi.

Tappa 30^{ya}



Erkama dhihassa 53: Hellipa dhamate serikissama fadhussiny halit illushattat

Hellipa dhamate serikissama fadhussiniy halit illushattat [panattas; dhama turanne kana harika ch'iqqata, mehadhan inu qalle dhamikinu ch'iqqa skk...erkama] kollinani kodhas hin arrikanet kiy kani qaten.

- Haqqanne samuna shoke tarriddhat dhikkissa,
- Medha ottani patteshi sohhanani kodhi,
- Harrika ch'appissan, samuna ch'iqqan, dhikkin mich'irissanne ch'iqqan akkissa,
- Turri qattas medhan hassadhu fadhiyu kodhi uminna hirran kollamippaya dhahen shoku shoko harrikodhu ch'iqqattan kollinani qarriqqar,
- Muttayittas dhama turreshanne kana harrikadhu samunnani shoke trridhatan hellipa mitt ch'iqqattanne hin iyya uqqale dhamen ch'iqqa iyya fadhussin,

Erkama Kollilat Heka ottan Shokku Tura

Key



Mathaafa Erkama Harka Minat



Inakkatta

Kalt	96
Erkama harikkaminat dhihasa 1: kassana madhakisa	97
Erkama harikkaminat dhihasa 2: kasana orrikembhp koyya	97
Erkama harikaminat dhihasa 3: kassana roopa.....	99
Erkama harikaminat dhihasa 4: kassana dhakinttadha ropa	100
Erkama harikaminat dhihasa 5: kassana horet tali sira ropa	101
Erikama harikaminat dhihasa 6: or man talat erkama koyyiyane kassana akiniyy sira ropa 103	
Erikama harikaminat dhihasa 7: kassana horet haw haw kishu sira ropa	104
Erikama harikaminat dhihasa 8: kassana qorayya haw haw kiyy sira rippa.....	106
Erikama harikaminat dhihasa 9: ch'oqqan horet talat qidhadhi sorroma	107
Erikama harikaminat dhihasa 10: qudhan attuwat orrikebhop soroma.....	107
Erikama harikaminat dhihasa 11: Ch'oqqadhale qidha sorroma	108
Erikama harikaminat dhihasa 12: Woraqqata quqqura.....	108
Erikama harikaminat dhihasa 13: Ch'oqqale attuwat erkata	108
Erikama harikaminat dhihasa 14: qidha quran orrikenidhop qa qapa	109
Erikama harikaminat dhihasa 15: Karitonetan mehadha tallat orikedhopkkallisa.....	109
Erikama harikaminat dhihasa 16: karritonetan qidha erkasa.....	110
Erikama harikaminat dhihasa 17: Attuwat qiqqidhani orrikebhop idhea	110
Erikama harikaminat dhihasa 18: qidhadhan opekaniyyan erkanan	111
Erikama harikaminat dhihasa 19: Dhihassani kassana kassa.....	111
Erikama harikaminat dhihasa 20: tappayanne medhodhu	112
Erikama harikaminat dhihasa 21: Torose kanusa qoyyirat	113

Kalt

Hellipa erkama harikaminat medha qidha haw haw kiyy qapu kassana ikumi qurinanenne madhakinan, kassananhawhawkiyyannesiraroppinanes, ch'oqqanpanaterkananes, woraqqata madhakistan quran qidhadha haw haw kiyy erkassa fotinan hellipainottierkanikinu. Helipa erkama harikaminat medha fotta hek umatt kanininnan.

Mathaffa seqqale erkama erkawssamiyy fottas pana oppi fottosiniyyan ullass hayyamine. Ppanayyin hirayyimas dhehadhen malla qumiseit fadhusit mittas kanissan erkkawssata fottinane.

Tappa 3^{ya}



Erkama harikkaminat dhihasa 1: kassana madhakisa

“ kassana madhakisa kiyyu erkassas koyyas hin orrikanet orrikkan qatissa in fadhusin.

- kassana haw haw kiyy illa kassetadha, positterawa, mathafadha, oppi lashi akiniyyan skk...qqura dhikkissa.
- Medha qalli qotta laashisan kassana karitonetan hana kenidhas madhakinan kodhi.

Tappa 4^{ya}




Erkama harikkaminat dhihasa 2: kasana orrikembhp koyya

Hussadhu kappeshi kassanan haw haw kiyy qidhadha haw haw kiyy quqquran medha ikkum orrikenidhop qapinanne qarroran kollinan kodhan kassanan arrikanetnkiyy panatas orrikanas qatten.

- Kkasethsdha oppi ierrikawsadhen, positterawa, mathafadha tinaa, opp lashi akkiniyyan skk...qqidhadha haw haw kiyy quqqura.
- Hin qidhamiyy kassetadha opp ierrikawsadhen, positterawa, mathaffa tnaa, opp hellipa akkiniyyan skk...turi qatas medha akiyy.
- Medha halladhu kodhan qidhadha haw haw kiyy kassanan quqquran akkani iyya akkiniyyanne orrikedhop qapinan kodhi.
- Hhalla shakkari kidhi orrokebhp qap halladhan illa pushampayyit kodhin.


Panattas: Arrikanat hin kiyy kassana lak shettas qura fpttayen. Medha kollan anniyanne akkani seiyya quqquren lekkan rakkisa anitta fadhussin.





Erkama harikaminat dhihassa 3: kassana roopa

Mathaafa kollamppayya hin iyya uqqara kolliyan qara hussadhu kapeshi hin kiyy kassanan haw haw kiyy pori fadhussiniyu medha ropa kollinan kodhas sekkanet kassanan kiyy panattas shet hekke akkani fadhussiniyu idhattannenno ropa ikkumi kollinanes man kollilatte, man hidhanete, man hakkimettat, ikkum kassanani qar ropinan kollinani kodhi.




Tappa 5^{ya}




Erkama harikaminat dhihassa 4: kassana dhakinttadha ropa

Mathaffa Kollampaya qale kassanan dhakinittadha haw haw kiyy qapu siran ropa kodhan kassanan arrikkanet panat dhehhadhi kassanayin idhatanne ropana akka kollinan kodhi.




Indha




Arrap



Hark



Sina




Lappitt

Tappa 9^{ya}



Erkama harikaminat dhihassa 5: kassana horet tali sira ropa

- Mathaafa kollampayya qalle kassana haw haw kiy hekka horret tali sirra ropa akka kodhinanes kassanan sekkanet panat kiyy idhatan sira akka ropinan kodhi.




Herra




Kirrot




Lukkala




Kkaman/ookat




Hharet



Farit



Laaha



Ooriket

Tappa 10^{ya}



Erikama harikaminat dhihassa 6: or man talat erkama koyyiyanne kassana akiniyy sira ropa

Mathaafa kollampayyat opp uqqali kolliyan erkama or manittalat erkama erkaniyyane akiniyy kassana sirra roppinan koyyan sekkanet kassanani kiyy panatas shet kassanat idhatanne rippinan ikumi kollinan qariqqar.



Appa



inkot



Allaw




allawt




Erikama harikaminat dhihassa 7: kassana horet haw haw kishu sira ropa


Mathaffa kollampayya opp uqqali kolliyyan kassana horet haw haw kishu sira roppan kodhan sekkanet kassanan kiyy panatas kassanan shet koyyatan idhatanne roppinan kollinan kodhi.




Karrima




Arrip




Qayyirant




Orrayt




Kellitayt



Qach'inet



Kall




Orishihayyt

Tappa 11^{ya}



Erikama harikaminat dhihassa 8: kassana qorayya haw haw kiyy sira rippa

Mathafa kollampaya iyya uqqali kolliyan kassana qorayya haw haw kiyy kamanita lapa hittinane pulalayy sira roppinan kodhan arrikanet kassana dhehadhi mittass kassana idhatan roppinan kodhi.





Erikama harikaminat dhihassa 9: ch'oqqan horet talat qidhadhi sorroma

Medha ch'oqqa poyyidhamen horret tali illa shoku pahissatan qidha soroman ikkum kollinan kodhi. Arikkanet kassanan shet koyyatan orrikani qatta ani.

- Akkan ussadhu kapeshi kiyyan qidhadha erikassas kodhin hussi pahissattan turriqqata dhikiy.
- Ch'oqqani horet talat ierkawsamiyyos erkassa akiyy.
- Medha horse iyya hossaniyan pahissatan ikkumi qidha erkata fottinan kodhi.
- Muttayitas medha qidhadhan iyya erkadhen kattodhu akiyen.

Tappa 13^{ya}



Erikama harikaminat dhihassa 10: qudhan attuwat orrikebhop soroma

- Mathaafa kollampayt qara qunidhadhan akkan erkawsam ikkum kollinan qarqqar. Mathaafa kollampayt qara arrikanet panat dhassam qudhinattan akkani kassam orrikebhop idhean attuwat haw haw kishu reehinan kodhi.

A				
U				
I				
E				
O				



Erikama harikaminat dhihassa 11: Ch'oqqadhale qidha sorroma

Ch'oqqa poyidham medha dhehassan meha talat iyya fadhen qarorran erkanan kodhi. Malla fadhusiyyen ishaminan kokkokiyy. Hin arrikanet kiyy kan qattan erkusiy.

1. Ch'oqqa poyidham dhikkisan lakiyya.
2. Ch'oqqa poyidham medha qota.
3. Ch'oqqanne mehadha talat ashan qar erkawsaminu akkiy.
4. Medhanet akken mittas mehadhan heka tali iyya fadhen erkata ikum kollinanne malla fadhusiyyen ishamanani kodhi.
5. Erikaman iyya erkadhen kattodhos akkinan kodhi.

Tappa 15^{ya}



Erikama harikaminat dhihassa 12: Woraqqata quqqura

Woraqqata siraten medha qottan maqqaset quqquran woraqqata atti qaras ikkum madhakinan kodh. Hin arrikanet kiyy kani qattinan erkanan kodhi.

1. Woraqqata kassanatenne maqqaset dhikissan.
2. Medha qotta.
3. Woraqqatta sirat maqqaset quran wraqqata at qaras madhakissan medha akiyy.
4. Medha hin iyya akken mittas woraqqata sirat maqqasetan qura woraqqata at qaras madhakisa kodhi



Erikama harikaminat dhihassa 13: Ch'oqqale attuwat erkata

Ch'oqqa poyidhamen medha attuwat sorominan kodhi. Arrikanet erkamayini kan qattan erkusiy.


1. Ch'oqqa poyidham dhikisa.
2. Ch'oqqa poyidham medha qotta.
3. Ch'oqqale attuwat ashan erkassa erkassan akkiy.
4. Medha hin iyya akkeni mittas attuwat erkasa kollinan kodhi.
5. Attuwase iyya erkadhen kattodhosi ikumi akkinani kodhi.



Erikama harikaminat dhihassa 14: qidha quran orrikenidhop qa qapa

Qqidha haw haw kiy karitonetan qaras erkasanne kassana kani qatan quran hin quqquramen orrikebhop kakkalinan kollinan kodhi. Hin arikanet kaniqqatan erkanan kodhi.


1. Karrantonettanne maqqaset dhikisa.
2. Hin arikanet dhehadhi panattas qidha haw haw kiy karitonet illanne kassana kani qatan qura.
3. Hin iyya quqquren titinai orikebhop idhan erkata ollo akissa.
4. Medha akeni mittas karitonet qurran qidha iyya hossadhen erkanani kodh.
5. Qqidhan iyya erkayyen maniyya erkadhen lelinan kokkisa.



Erikama harikaminat dhihassa 15: Karitonetan mehadha tallat orikedhopkkallisa

Karitonetanqqidha haw haw kiy orikebhop kalissan mehadha tallat erkanani kodhi. Erkkaman arrikanet kiy kani qattan erkanani kodh, karittetan panase arrikanet kiyyanqqidha haw haw kiy orikebhop kalissan mehadha tali erkanan kodhi.

1. Karrantonawa tinai dhikisa
2. Karrantonawyin medha qotta
3. Ppanasse arrikanet dhehat mittas karritese tinat tinaten qidha haw haw kiy ashan qar erkanan erkadhu ollo akkiyy.
4. Medha hin iyya akkeni mittas qidha seiyya fadhen erkanan kollosiy.
5. Qqidhan iyya erkadhen kattodhu akkinani kodhi.



Tappa 17^{ya}



Erikama harikaminat dhihassa 16: karritonetan qidha erkasa

Dhosset meridhatten woraqqata qaras madhakisan woraqqata quqquram dosset qaras madhakissan qidha sohashisanne madhakisa kollinani kodhi.

1. Dosset meridhat woraqqattanne opp imadhakiniyyan dhikkisa.
2. Mmehadhanet medha halla hallanhayyan i qota.
3. Mmehadhan ellet kiyyan worraqqatta quqquram dosset qaras madhakissan erkadhu ollo akiyy.
4. Hin iyya akkeni mittas qidhadha sohashisanne madhakissa kollinani kodhi.
5. Erkamani iyya erkadhen katodhos akkissa.

Tappa 18^{ya}



Erikama harikaminat dhihassa 17: Attuwat qiqqidhani orrikebhop idhea

Kkaritet qaras attuwat thaffanit quqquranenne orkenidhop qa qapan leladha erkanan qariqqari.

1. Kkaritet qaras attuwat thaffaminit, opmadhakinyyanenne maqaset dhikisa.
2. Kkaritet qaras attuwat thaffamint, opmadhakinyyanne maqaset mdhas qota.
3. Attuwat quqquran leladha orqqudhop qapan erkatan akky.
4. Hin iyya akken mittas attuwat quqqurant orkndhop qapan lel erkanan kolliyy.

Tappa 27^{ya}



Erikama harikaminat dhihassa 18: qidhadhan opekaniyyan erkanan

Woraqqatadha qeqqepisanenne quqquran qidhadhan haw haw erkanan kodhan qap heke qidhadha ekkasa uffinanan

1. Woraqqata, masimeriya, maqqaset, irrisaset, lappisetanne sk..mmehadha kassanat dhiksa.
2. Woraqqatan qidhadha ekkalaten panatas shimir,dhinidhi halippat,dhinidhi affurenne setep kiky qidhan qaliqqepisan enne quqquran ashan dhikissa akkisa.
3. Hirayymas medha dhahin akken mittas woraqqatadha qeqqepisan enne quqquran qidha sorominan kodhi.

Tappa 30^{ya}



Erikama harikaminat dhihassa 19: Dhihassani kassana kassa

Dihassan kassana kassinani kodhan hin kiyy erkadhen:-


1. Medha dhahen dhihassani 3nne 8 kanissan dhihassan taffitaradhu qalles kassinani kodhi
2. Dhihassan 3 lappit namma,dhihassa 8 kassana aturat kassinan kodhi
3. kassana lashi haw haw kishon qari orra kassinani kodhi
4. Akkani se iyya kassana kassiyanne sira ropinan kokiyy
5. Ppadhawan hussadhu kappesh hin akkaniyy kassana shoke qidha uqqari hayyinan kokiyy
6. qappadhu kassana qaras lela fottinan hellipa haw haw kiyo erkama idhaye

Tappa 31^{ya}



Erikama harikaminat dhihassa 20: tappayanne medhodhu


Hin arrikanet orrikani qat kssana 6 medha qottan kassana roppinanenne kassanani illa torot ishama fottinan qariqqar.





Erikama harikaminat dhihassa 21: Torose kanusa qoyyirat

Kkassanan arrikkanet orrikani qat medha dhattan sira roppinanne kassanani illatorot ishaminan qariqqar.



Inakkatta

Kalt	118
Tanaw dhihassa 1: Mana indhakayyisamadhi?	119
Tanaw dhihassa 2: tanaw dhihassat (dhihssa kaffumussisa)	119
Tanaw dhihassa 3: orri paradha haw haw kiynassadha reeha	120
Tanaw dhihassa 4: tanaw mani dhihat.....	120
Tanaw dhihassa 5: orrikketop qapama olli ekkasa	121
Tanaw dhihassa 6 namise rakkadhi qarriqqara	122
Tanaw dhihassa 7: Orr manat iyya erkata fadhussiny	122
Tanaw dhihassa 8: tanaw kapiyat.....	123
Tanaw dhihassa 9: wothet attuwatat	123
Tanaw dhihassa 10: kassana heka dhihassa mehhadhat	124
Tanaw dhihassa 11: Tanaw torrissa attuwattat	125
Tanaw dhihassa 12 tanaw dhihassa olli qapa	126
Tanaw dhihassa 13: Qidhadhanne sira olli kaffumussisa	127
Tanaw dhihassa 14: Attuwattadha fadha	127
Tanaw dhihassa 15: qidhadha por fadhossinyop kallissa	128
Tanaw dhihassa 16: qunna dhassottat	128
Tanaw dhihassa 17: Hussayinu kaninna	129
Tanaw dhihassa 18: Namat erkadhi	130
Tanaw dhihassa 19: Hussat mana kit.....	130
Tappa dhihassa 20: Attuwattadhan mahhaw illa kiyy	131
Tappa dhihassa 21: Tanaw qumach'aat	132
Tanaw dhihassa 22: Qumachaw kan qatta:.....	132
Tanaw dhihassa 23: Pana sohashila fadha	133
Tanaw dhihassa 23: Tanaw attuwat orrikketop qa qapa:	134
Tanaw dhihassa 24: Lahama qunidhadhat:	135
Tanaw dhihassa 25 dhahhen segno hossan	136
Tanaw dhihassa 26 akkani panayyitisa tanawa:.....	137

Kalt

Mathaffa seqqalle erkamani man ottani tala erkawssamy erkkatas pana fottosiniyu ullass hayammen. Hinn tanaw man ottan tallat tappaleshi iyya kollen akka fotinnani pana qari qiminiyu kodha malle seyya haw haw kiyono. Uqqari padhawas medha hala hallan erkama kollilat uffinattanne fottadhu ikkum kanininnan.

Turriqqattas tanawappayya shokku shokko hallit tanaw set uffinattadhu ishake. Tanawse dhikkin tanawssissasenne tanawssissa dhittadhu rakkot iyya idheiyyan ishakkussiye. hellippa tanawate kappopi dhehatten qapadha fawssiniyyanne shoyyata idhaye. Tnawi shoku shokkotay panayyitissa hekay idhassam shokke achachadhani kani qatten.

Mathaffa seqqale erkamani erkkatas fottosiniyyy pana ulli hayam. panayini hirayimass iyyani dhehadhi kodhi mala qumisse itt fadhusit minas kanissan erkawssata fottinane.

Tappa 1^{ya}



Tanaw dhihassa 1: Mana indhakayyisamadhi?

Medha nas massimasunittanne shamatta reehinannes hin arrikanet kiyy kani qata fadhusin.

1. Tanawse otti nassat kodhay medha lela.
2. Medha shimmer pakayy erkattan minishadhu por sallatatep mittatinan lainnan kassadhu,
3. Medha nassadhan haw haw kiyy dhakayyiyan hembhinannes kassadhu panattas:- (ch'iayyita, dhappet, nahussa, massimasut).
4. Qqunidhinawayyin ishaman erkata akkissa
 - Nnassadhan kiyy kassana akkisa panatas massimasunita, ch'iayitta, dhappeta, nahussa skk....
 - Medha kassanani illa akkaniyy nassadha mana akka kodhen qappanani kodhi.
5. Medha dhahhen taran nassadha haw haw kiyy panayyitissan akkininani kodhi

Kassiyadha ishamat:

1. Tanawin ashani kiyy? manas?
2. Tanawse illa mana kolliten?
3. Tanawse tanawas mana mana kodha fayussin?
4. Manaman in massimassusin?maniyya in dhappin?



Tanawdhihassa2:tanawdhihassat(dhihssakaffumussisa)

“Dhihassa tanawat” tanawse kiyyu tanawssissas hin arrikanet kiyy dhasam kaniqqaten.

1. Medhan dhihassa 4-6 hala laashissan,
2. Dhihassan hala qotta,
3. Dhihassan quqquram tarikkafa qaras dhihassan kiyy kaffumussissan tanawse medha akissa.
4. Medha akkeni mittas dhihassa dhihan kaffumussisan reehinani kodhi.

Kassiyadha ishama:

1. Tanawse hehossatenemu? manas?
2. Tanawse tanawas mana mana erkassa in fadhussin?

Tappa 4^{ya}



Tanaw dhihassa 3: orri paradha haw haw kiynassadha reeha

“Orri paradhu haw haw kiyu nassadhadhu reeha” tanawse kiyu tanawssisan hin arrikanet kiy kani qata

1. Turriqqatas orri paradhu haw haw kiyu nassadhadhu akkissan reehinan kassadhu; (ppanatas, qimaya, orriqqiqqim, hellit, medha, dhirittannedhisikkat skk...)
2. Shetti sedhen orri paradhu haw haw kiyu pannayittissa kodha
3. Medha akkeni mittas tarattaran nassise kiyu ikkumi dhakkashinan kodhan medha pil lam nass oppaynu kodhe ishaminani kodhi

Kassiyadha ishama:

1. Tanawin ashani kiyy? manas?
2. Tanawse illa maniyya kollitten?
3. Tanawiset pushas maniya kodha in fadhussin?

Tappa 7^{ya}



Tanaw dhihassa 4: tanaw mani dhihat

“Tanaw mani dhihat” tanawse kiyu tanawssissan hin arrikanet kiy kani qaten.

- Medha dhihassa 3-4 halla laashissa koyy.
- Mmehhadhan mani dhiha fadhussiniy panattas, lassittiqqawa, thawiladha, shippawa, skk...medhani hala laiyy dhata.
- Medha hala hala kodhan akkani haw haw kiyu dhihinani kodhi.
- Medha hin iyya dhihen kattodhos akkinan kodhi.

Kassiyadha ishama:

1. Tanawin ashani kiyy? manas ?
2. Tanawset pushas mana mana kodha in fadhussin?

Tappa 8^{ya}**Tanaw dhihassa 5: orrikkettop qapama olli ekkasa**

“Orrikkettop qappa olli ekkasa” tanawse tanawssisan hin arrikanet kiyy kani qata.

- kassana qidhadha, rakkakadha, qunidhadha skk...wottora lak lake olli qapan hala uttashisan medha qot.
- Wottorani medha dhassam hidhan lak lake (orriketop qapan) erkanninan kodhi.
- Hirrayimas qadhi lak hin iyya fadhen dhihassa qidhadha oppi iekkaniyyan rakkaka, skk..qqali kalinani kodhi.
- Qqadhise laki iyya erkadhen dhindhi dhinidhes hayyinan qadhi talasdhihamiy dhihinan kodhi.
- Qqadhi hekkan dhihassa lek qaffinatayenne qadhi hekkani iqqoch’l dhihassa qaffinatay kasadhu.
- Olli qappama hekan ch’alliyu,olli qappama hekkan qoch’iyu shokke orrimit kodhi ishaminani kodhi.olli qappamadhu ekkassan katta ottanadhottes ishaminani kokkokiy.
- Kkollalayin qarri orra erkatan orriqqudhop qappama erkatanne olli ekkassa qapay ikumi uffinanani kodhi.

Kassiyadha ishama:

1. Tanawin ashani kiy? manas ?
2. Tanawse illa maniya kolliten?
3. Tanawse pushas mana mana kodha in fadhussin?

Tappa 9^{ya}



Tanaw dhihassa 6 namise rakkadhi qarriqqara

“Namise rakkadhi qarriqqara” tanawse kiyyu tanawssisan hin arrikanet kiy kani qate.

1. Medhani illa nami rakkadhi panayittissan fashikkot qurritep, karidhay bhaqqep skkk... erkaninani kodhi.
2. Kkata pilli panalle taripiyanne name rakkadhi toyianep panayitissan turiqqattas dhehani ollo mana qari pae kinani kassanani, turiqqattas akkani fayussiniy erkananes kodhe.
3. Etti fadhussito lemayas ishaminani kodhe.
4. Medhani rakkot qari paitt lemmadhu dheinan medhadhu qarriqqarinan ikkodhinani kodhi.

Kassiyadha ishama:

1. Tanawset ashani kiyy? manas ?
2. Tanawse illa maniya kollitten?
3. Tanawset pushas mana in fadhussin?

Tappa 11^{ya}



Tanaw dhihasa 7: Orr manat iyya erkata fadhussiny

“Orr manat iyya erkata fadhussiny” kiyyu tanawssisan hin arrikanet kiyy kani qaten.

1. Medha halla halla kodhan orri manat haw haw kiyy iyya erkata fadhussiniyy heqqottadhen (inikkot, appa, medhanne orrippil.)
2. Orr manat iyya erkata fadhussiy iyya qottadhen mittas tanawi panayittissan ikkumi kollinani kodhi.
3. Hih iyya kollen mittas katta ottanadhottes orr manat iyya erkata fadhussiyen panayitissa tanawi akkinani kodhi.

Kassiyadha ishama:

1. Tanawn ashan kiyy? manas?
2. Tanaw se qale mana ishakiten?
3. Tanaw se imupushas mana mana koyya fawosin?

**Tanaw dhihasa 8: tanaw kapiyat**

“Tanaw kapiyyat” tanaw se tanwosisan hin arkaney dhasam kaniqqata

1. Medha halla halla kodhan pakadhu kashamppaya shakkanadhu pidhampaya kodhinani kodhi.
2. Ppidhampayyasseno kashampayass kodhashet haw hawkiyu idhay.
3. Kkashampayya akkanisse iyya kashiyan qappatan dhehanani kodhi (panattas irrissaset, isikkippirittot, kippirratet, mich’a, skk...)
4. Hhirran medha mehadhani iyya fadhen kassatan erkama pidhottat kollinani kodhi.

Kassiyadha ishama:

1. Tanawn ashan kiyy? manas ?
2. Tanaw se qale maniya uffinaten?
3. Tanaw se inpushas manya manya koyya inffawosin?

Tappa 13^{ya}

**Tanaw dhihasa 9: wothet attuwatat**

“Wothet attuwattat” kiyu tanawse tanwsisas hin arrikanet kiyy kani qat.

Medha attuwat uffinattasene attuwase kidhasham hirinani lelladhan qappata hirinani kodhi.

1. “Toya! shina shokkoni wthat qap innila name meqqi wthat dham? Hini attuwat wothettat. Amani wothesse qalli seiyyoni sekana inidhoyu qimbhissan attuwat shoku tishonu.” inttu inano wothet seissap panayittiya, wothesse kap koyya.
2. Kkarritet qara attuwat manat kiyyattadhi medha kassadhu. hiran medha attuwat uffinanani “attuwat sedhen ayyinu lelli qappata fottin?” kidha kasadhu.

3. Medha attuwat orrop pananishon hirinan kiyyani qappaniyan lelise hembhinan. Hheno lam attuwassedhi sallata qari thaffan pori attuwat erkawssadhen. Medha hin qar hurrisanियane panat idhata qarriqqar.
4. Medha akkeni mittas tarrataran attuwase saniyyadhalle qedhani orrimina hirren.
5. Medha kollila ottani tala errali ananene attuwasse iqqoch'l hiriyu akkani hik fadha akkinani kodhi.
6. Medha leladha kolla hirriyane "wothat leladhat" dhikkiniyan. oottani kollila tala kollampayani kiyy mahi hembhan erkata fottinan.

Kassiyadha ishama:

Medha wothet attuwatat tanawosisan attuwatadha haw haw kiyy reehan leladha attuwat hiramiy hembhinan kasadhu:



Tanaw dhihasa 10: kassana heka dhihasa mehadhat

"kassana heka dhihasa mehadhat" tanawse kiyyu tanawssisan hin arrikanet orrikani qatiy.

Medha karittetadhu qaras dhihasa kiyyop ottani tali dhihasa orr pananiy mehadhan orriqqudhop qappan kassana dhihassat erkaninan.

1. "Tanawi shoku tanawa hin! Uqqaras karitet dhihasa uqqar in dhani. Kritet in akkini akkani lek orriqqudhop qapa in fadhusin. Panattas, karitessin uqqara akkani qaffinadho mehadha shokku akkani lak et qaffinadho mehadha lak, inat orriqqudhop qapittan kodhinan. shokki shokottayin in hekkalitem?"
2. Kkarittet dhihassat medha mittatiy mehadhan orriqqudhop pohinani kodhi.
3. Hhellipa shakanidho hi erkadhane karrittetanne dhihasa mehadha mittas kassana uminani kodhi. "kassana hekani turiqqa? Dhihassani illa ittinat hekanite? mehadhani illa dhihasa qpch'l orriqqudhop qap ayino?"
4. Karittet dhihasa shokohi qapi medhan turop idheani porise illa muttayita missikit qaras mehadha kappa dhihassan hussales hayinani.
5. Hirran mehadha lak orriqqudhop qaffitenne mehadhan hirrayimas mehadha missikkit qar hayyinani kodhi.
6. Karrittawani dhahen kassan husiqqalles hakka dheyinanes qar orren.
7. Ppori karrittetanne por mehadhattep akkissan medha hedhihen. Panattas pori dhihasa shokkot karrittetan shoku kidhen ollo medha mehadha qapamenep akkissan mahi hmbhen. aneno pori dhihasa lakep karritat akkissan por mehadha lakep akkissan mahi akkissan mahadhani lak mahadhu hembhen.

8. Hin erkadheni kana medha pori mehadhani akkene mittatinan hayinanenne karriteti dhihassat mittatinani kassadhu.

Kassiyadha ishama:

Medha qumise karitteshadhu qaras dhihassani kiyy mani ottani talas dhihassa orri pananiy qap mehadha pohani kassana dhihasat erkaninani kassadhu ?



Tanaw dhihassa 11: Tanaw torrissa attuwattat

“Tanaw torrissa” kiyu tanawssisas hin arrikanet kiyy kani qatten. Medha torrissa attuwattat tanawssisan attuwatanne nassi attuwat shokku shoko hembhan tanawinani kodhi.

- 3 hek 4 therreppessa dhinidhi affur hussi qaras mani ottani tala chokkettan shoke hussi qaras kassen. dhinidhi affur qalle shoku shokko attuwat shoku hayyen; panattas;

BH	Q	TH
----	---	----

- Hirran hallit tanawat medhass lelle. “amani tanawiset tanawin shokishokkotayine torishane porri muttayita qara attuwat shoku toritan. Attuwat shokku shoku qara torishane attuwat nassi kaneni hembhittan.”
- Tturri qattas dhinidhi affur qali iqqattan akkinittanne attuwat ‘BH’ kinittan. ssekana porishoku dhinidhi affur torani attuwat ‘Q’ kinittan uqqara hiran pori muttayita dhinidhi affur toran attuwat ‘th’ kinittane.
- Medha dhahen tanawinani kodhi. Hini erkkata fottinanes medha ayyipissadhu. Hini erkkata pushimadhi kokiyy.


Kassiyadha ishama:

Medha tanaw torrissa tanawussisani nassadha attuwattadhat akka hembhinani kassadhu?

Tappa 14^{ya}



Tanaw dhihassa 12 tanaw dhihassa olli qapa




“Karitet dhihassat orikembhop qapa” tanaw kiyu tanawisse tanawissisan ottanit dhihassa tala kaffumi uffinani kodhi.

Kkollisamippayit medha hala hen qaotta laashissan dhihassa, karritet dhihassa medhas thereppessa qaras qoti, tturiqqattas oti tanaw setetes qapi iakkissan qariqqarissa ikodhi. ssep tanawan kassana haw haw kiyu akkininani kodhi.

Ishama:- karritet dhihassateni tanawssisan dhihassa reehinani kodhi ?

Muttayita:- karritet tanawssisan dhihassa reehadhu ishake.





Tanaw dhihassa 13: Qidhadhanne sira olli kaffumussisa

Qqidhadhanne sira kaffumussisa tanawse tanawissisan otanit akkan talla kaffum uffinanani kodhi.

“qqidhadhanne sira kaffumussisa”kiyu tanaw tanawissas arrikanet kiyy kani qattinani kodhi.

Medha lehi lehe hala qottani hallashkushoku sira haw haw kiyy roppam qidha orrop kiyyanne qidha haw haw qappanne sira oropi kiy roppam tinai qidha qotta ayyeshi:-

1. Qqidhan orripananiyyane sira orrop kiyy kaffumussisa.
2. Qqidha haw haw kiy shoke sira orripananiy qappu kaffumussisa.
3. Sira haw haw kiy shoke qidha orri pananiy qappu kaffumussisa.fottinani qariqqari. namise turiqqat kaffumussiy pushamppayt kodhin.

Kassiyadha ishama:

Qqidhanne sira kaffumussisa tanaw tanawssisan ottanit akkanadha illa kaffumi kasadhen?

Tappa 15^{ya}



Tanaw dhihassa 14: Attuwattadha fadha

“Attuwattadha fadha” tanawse kiyy tanawssisan attuwat haw haw kiy reehinani kodhi. Tanawsedhi tanawssisas hin arrikkanet kiy kani qata.

Medha shoko shoku shokotadho karitet attuwat qalle kishu qedhattani attuwase orrop kishu qapu medha pil qara karitet qappashanit olle kaffumussiy.

- Hhira turesh attuwattadhan shokk shoko karitet lakk dhikkinin.
- Medha shokku shokkos karitet shakk dhayyi (attuwat qara ch’ali medha etikknadhane, medha shokku shokkokkaritet lekk qaffinanos attuwat dhikkisan attuwat shokk shokku qaras dhihasa orimit qaffinanani kodhi)
- Medha ellap kodhinani “shoku shokotayinen attuwat shaka qaffittan ammani ottani tala ana inolle attuwat pananishu meti qappu akkatane attuwat orrop kishu qaffinatayin isskakas karitet kaassiyat toyya .kkatoni akkitane shimir soroman porise medha kiyane mitatani pori shokohi illi laa. katoni shakarikidha manaten fotitani ishaka.”

- Hhalla se turi qati medhani erkadhi ayyipissatani 1ya, 3ya ,4ya, 5ya, skk...medhani sekana dheiy mahadhu ishamen. Medha dhahenes ayyippila dhatayit ishak.Medha shoku shoko qimussa haw haw kiyyanne hassi kollilat qaffinattadhu imashi orrissadhu.
- Hhaladhan shoku shokotayi karitawa akkissanenne attuwase iyya qapani shoke kollisampayt kollissadhiy mahi attuwattat lelas fottina).
- Kkarritawan olli lahanne qarora erkaninanes hellipa 15-20 medha hassadhu foti mittas hirradhen.

Kassiyadha ishama:

Attuwat dhinissa kiyu tanawse tanawse tanawssisan ayyinatta attuwattat reeha fotinani kassadhu?

Tappa 17^{ya}



Tanaw dhihassa 15: qidhadha por fadhosinyop kallissa

Kklassana haw haw kiy orrikebhop idheyani qidha pori fadhusiyenep kalisan tanaw tanwsiy poranne kanussa ottanishadhu tala reehayiteshadhu kollinani kodhi.Tanaw sedhi tanawssisas hini arrikanet kiy kani qaten.

1. kassana haw haw kiy panattas atturet,hhera,mani skk..dhikkisa.
2. kassana orrikebhop qapani akkissa.
3. Medha iyya akkenni akka erkanani kodha.

Kassiyadha ishama:

kassana ashan ashani kiy uffitan?

Tappa 18^{ya}



Tanaw dhihassa 16: qunna dhassottat

“Qqunna dhassottat” kiyu tanawse tanawissasi kodhan attuwase iyy uppan lelladha erkaninani kodhi. Tanawse tanawissas hin arrikanel kiy kani qaten.

1. 6-10 mehadhan haw haw kiy dhikkisanne orriqqudhop qappani qunalles hayya.

2. Medha hettureshi tura tura shimiran haya
3. “Tanaw lel dhasottat !qquna kap taripa hin.Llelli shoku otti qunattes qale dhassadha lelliseni akkani hiriyu qedhnitn.
4. Qquni por mettatep tarippissan mehadhan uqqale kiyyan leli dhassot hiriyu hembhen.
5. Medha lelisse atti kitt hiriy mehadhan qedhinani kassadhu.
6. Ayyippilla idhattani lelise qunale kiyu porayi tali kallinani kodhi.
7. Lekkussa mehadhat qara ch’alu medha kinadhane dhassot awishittetan leli (2ya, 3yaskk mehadha pahissatan erkawssadhen)

Kassiyadha ishama:

Tanaw se illa leladha soroma fotitenem ? lel hekkan soroma in hurisadh?

Tappa 19^{ya}



Tanaw dhihassa 17: Hussayinu kaninna

“Hussayinu kaninna” kiyy erkama tanawat tanawosisan hussayinu mana kidha uffinanen qariqqari. Tanaw se tanawosisas hin arikanet kiyy kaniqqateni.

Medhani olle otti hussi kanissat kidhot hin iyya hossaniyyanne ohha fadhiyan olli arrikanet tanawse tanawasi arrikanet kiyy kaniqqatinani.

1. Kkarritawa dhikkissan 5hhaka lehhetes Halladha soroman hussi kanissa.
2. KKollisamppayit amani hussayinu kaninina kidhan Halladha ishaman medha hussadhu kapeshi akkanayin kiyy panattas, mani kollilat, pana, qorayya, horret, mani akkimettat, kapiya, reehinani kodhi.
3. Mmehadhan hussadhu kapeshi kiy ch’oqqa, woraqqata, futta, lappa, qorraya, irrissase tsiraqqaffitu, oppakkan imadhakiniyan, medha dhattan hussadhu hassadhon erkata fottinani kodhi.
4. Wraqqatta qaras akkani seiyya erkadhen hussadhu kapeshi sekkussa kinattadhu uffinadho.
5. Hussadhu kanani sekkana medha otti seiya erkadhen ishamadhen.

Kassiyadha ishama:

1. Ttanawi seilla inat hayyilet hossaten hekkane?manase?
2. Iyyani ohhayitta iffadhussiniy hekkanadho?

Tappa 20^{ya}



Tanaw dhihassa 18: Namat erkadhi

“Nnamat erkadhi” tanaw sekiyu tanawssisan otti hussadhu kappeshi uffinanani kodhi.

1. Mana ,manikollilat ,manihakkimetat mehadhani haw haw kiyy akiniy kassana dhehassan medha otti hussadhu kappeshi akkanise namat erkadhi uffinanani kodhi.
2. Iyyani namat erkadhi hini namat erkattadhiy orrikkella reehinani kodhi.

Kassiyadha ishama:

Iyyani namat erkaniyu akkanadhani manniya?

Tappa 22^{ya}



Tanaw dhihassa 19: Hussat mana kit

“Hussat mana kit” kiyu tanawse tanawssisan otti hussadhu lushata fadhussiniyu uffinana qarriqqar.Tanawsedhi tanawssissas in arikkamet kiy qani qaten;

1. Medha hussi lak qaras shimirri erkassan laininnani kodhe.
2. Hussat dhamanne hqqi dhan hett lushadhino kuller ammi inu dhanittam kidhan ishame.
3. Hussat kappi sohashiy ishama fott kidhi mana in kidhattep in panani?
4. Dheni shimirri sorroman medhan lai hussat namas mana kidhat kidhan lushata fottinos kassadhu.

Kassiyadha ishama:

1. Hussat mana idhakkayssamaniyu lela fottitanem?
2. Hussat ashani qar lusha fottinu ishamat in pananatem?
3. Hussi ashan qar lusha fottayen?



Tappa dhihassa 20: Attuwattadhan mahhaw illa kiyy

Attuwattadhan mahhaw qalle kiyy kiyu tanawse tanawssissan mahhadhone mahi medha pilat karitetan attuwat kola fotina kodhi.

1. Medha shoku shoko mahhadhu karitese qalle kishu woraqqata quqquramenne irrissaset idhay.
2. Medhani mahhadhu dhikkin toyinani kassadhu.
3. Mhhahi shoku karritet qara kiy attuwat lekit dhap mahhise keppedhe ,ch'ala ,hhakkose ,medhan he qappadhen.Medhani shakkanadhu metini qappadhi ikkum toyinani kassadhu.
4. Ahahirras medha shakkani shakkani qara attuwase orr pananishu qafinattadhu met kariteset qappinu idheinos kassadhu.Medha pil hin toyadhu uffinadhu.
5. Ssenni medha pillole hiradhen kollisampayt attuwase salata qaras thaffan kolliyo.
6. Hhiran medha shoku shoko mahhadhu woraqqata qaras thaffinani kassadhu.Ottania ottani tali attan medhan rakot qap qariqqar.Hhin hellipa 15-20 kiy erkadhen.

Kassiyadha ishama:

Attuwatadhan mahhadhu illa kiy kassata?

Tappa 23^{ya}



Tappa dhihassa 21: Tanaw qumach'aat

Kkutticha kottetat shoke sippet qahhissanne dhuhan qumachaa dhadhawan nas dhakashissan tanaw qumacchaat tanawinani kodhi. Harikanne inidha olli erkassadhu kanininaniqarriqqar tanwsen.:-

1. Uwwa kuticha qappane sippet qap dhikkissa.
2. Kkuttichanne sippawa ashani qar dhuhhanne qahissa fottinonne qumachan nas sohhashissa fottinu qari orra akkissa.
3. Medha iyya akkeni mittas qulliffetanne sippet dhuhha fottinanenn qumacha nas sohhashissa kollininani kodhi.

Kassiyadha ishama:

1. Ottanishadhu tala ayyinu qumachan nas sohhashissa fottin? manas ?
2. Shakari kidhan kuticha dhuhhanne qahissas mana koyya in fayussin?

Tappa 24^{ya}



Tanaw dhihassa 22: Qumachaw kan qatta:

“Qumach’aw kani qatta” kiyu tanawse tanawssisan pitot shoke missikittan seya kaninani kodhi hin arrikanet kiy kani qaten:

1. Medha lak lake qali qoti.
2. Llakkiyyas shoku turiqqata fottas tanawttanawssissas hirinu kodhi.
3. Llakki illa shoku kani qattiyu kodhan tanawse hirin.
4. Qqudhinayini arrikanet kiy kani arrissa akkiyen.
 - Llelise anna kiyu kidhane dhaheni qedhampaya sina hekadhu wadhot pakadhi harik missikit qaras koyya hiren.
 - Turri qattampaya harikadhu missikit erreli qappanenne lahat lekkashissan mani ottani tala dhinidhi iya pahissadhen harikkadhu seiyyen.

- Ellashiy kiyane qaniqqattampaya dhahhen fottadhu ohhan katodhu harrik missikittan turriqqaten.
1. Hellippa shoku shoke lak reehhayitet ana ella ikkidha.
 2. Hellipa dhahen medha katodhu akkani kodhadhu ishak.


Kassiyadha ishama:

- Hhellippa tanawate pori haw haw kiyu illop seyani harika katodhu kani qattiyanne mana idhakkayissamadh?
- Setturan dhindhi missikittanne pitot seissan mana erkata uffittanem?
- Ppittotanne missikit seyisa fottinani kaninani kodhia fottitanem?



Tanaw dhihassa 23: Pana sohashila fadha

Medhas kassana dhatas harat tali kalan pori sohata qaras pinnani kodhi. Ttoyanne qalli qapatta kaninani qariqqar. Nami dheto pai pushamppayt kodhin.



Kassiyadha ishama:

1. Tanaw se hossatnem?manas?
2. Tanawin hurissaniyam?manas?

Tappa 25^{ya}



Tanaw dhihassa 23: Tanaw attuwat orrikketop qa qapa:

Tanaw attuwat orrikkemibhop qa qapa kiyu tanawssisan leladhane hayissot ishamat erkaninanes hin arrikanet kiy erkaninanes kani qateni.

1. Medha hala 5-7 qali qota.
2. Attuwat dhayadhen hin uqqar thafam worraqatadha quqquramen pori akkaniyo pori tanawate qali pullipul medha attuwat shoku shoko akka iya fadhusin.
3. Halla shoku shoko shimiri attuwattat kapeshi wadhot hen kassana pahen ikkumi orrikani qatinani kodhi.
4. Arikkanet kiy kollisa erkisa akkiy.
 - Halla shoku shoko mese turriqqatampayt kodhe it ellinu male shakanadhu lainani.
 - Kkollisampayt kassanani tura kiy hin elli medha awshiya tarataran attuwase qedhas pori tanawatep fellinani.
5. Ukkana kiyyane orrise turi elli medha awishiya taradhon attuwat pil fella qedhinani kodhi..
6. Orrin dhahen tanawse tanawiy orrimin kayane haladhon kodhan attuwase iyya pohen iniya fotteni mittas olli kodhani leladha erkadhen.
7. Hhala shoku shokotadho lelise iyya erkadhen olli ishamadhen.

Kassiyadha ishama:

1. Hhalayinalle leladha maniyanne maniya erkaten?
2. Lleladhayin illa leladha inat uffitan hekiyanem?hekanadho?Lleladhayineni hayissot ishama ishama erkata fottitanem?

Tappa 26^{ya}



Tanaw dhihassa 24: Lahama qunidhadhat:

Llahhama qunidhat kiyu tanawse tanawssisan hin arikkonet kiy kani qati nani kodhi

1. Medha hala qali qottani 6-10.
2. Medha harrikodhu laken qali panani orri qapata malle harik dherussa mittas shimiri soromani ella fottinani kodhi.
3. Medha shoku shokottadhu mahi qunidhat idhay;panattas puritukanetanne musset qunidha shoku shokkotadho medha lekki mahi orilek koyamadhu ishak..
4. Dhihassa qunidha mittas tanawse tanawssisan qunidhadhan pahissanani kodhi.
5. Halla medha qari hayyan ottanishadhu tali anita olo toya.
6. Medha dhayeni shimiri soromani shimirri settalas ellinani kodhan kassana qarra toyye.
7. Medhani shimiri talli elli chokket mossanat dhaye.
8. Hin arikkonet kiyy ishaaman erkadhu ollo akkiyy.
 - Qqunidhadha tarataran hembhinani.
 - Shoku shoko shimir tallas ella fayussinyu name shoko kidha..

Kassiyadha ishama:

1. Qqunidhadha hembham inat dhikkin hosanishan hekkan (qqaritinishane)
2. Qqunidhadha dhamass manass fadhussin)
3. Qqunidhadha maniyya dhani)

Tappa 28^{ya}



Tanaw dhihassa 25 dhahhen segno hossan

Dhen segno hossan kiyu tanawse tanawssisan hin arrikkamet kiyy kani qaten:

1. Tappa lashat sagnu lalussissan olli kinna .
2. Sagnu sagnu dhahen sagnu hossan .sagnu turriqqata tappa lashat.
3. Llalesse kollissampayit olle lallatas medha lelli .
4. Semittas tappani hellashat lallet kidhen.
 - Makkisegno, makkisegn dhahen makkisegno hossan.
 - Makkisegno lashi nami massimasunishu.
 - Tappa lashi lakkiya.
5. Llashi dhaheni sepp medha lalussiy.
6. Medha dhahen shimiri ellani medha shakanidhu pahissan panollet qappinani kodhan lashi tapa turriqqatat segno kinani hembhinanenne otti segnottes lallaninani kodhi.
7. Llalawa pili ushinani panolet mese qap porise iyyat hinop medha iqqain panolese mese qap makisegno kidhan makisagnu pilas lalaninani kodhi.
8. Semittas medha dhahen hakka sanippatate lallaninani kodhi.

Kassiyadha ishama:

1. Llashadha tappat hekane?
2. Turriqqata lalashi tappa hekan?
3. Tappa lashi muttayita hekkane?

Tappa 30^{ya}



Tanaw dhihassa 26 akkani panayyitisa tanawa:

Torrosee iyya uppan pahissan panayitissa erkaninan kodhi.

1. Setturani torose iyya uppan imashi orrissatan panayittissas iyyani seniy torose illa reehinani qariqqar.
2. Torose pahissanit qale hin idhakkayissamadhi panayyitissan qedhinani qarriqqar.
3. Ppanayyitissa torossetet tanawiyyane torose iyya ishaken pahhissa qalli qappanani kodhi.

Kassiyadha ishama:

1. Torot ashani akkatten ?hossatenem?maniyas?
2. Tanaw se hekkane inat hossaten?

Erkama Kollilat Heka ottan Shoku Tura Kiy

Maathafa laalletat



Inakkatta

Kalt	142
Laallet dhihhaassa 1: Anu man kollilaatep	143
Laalet dhihhaassa 2: Dhakinittadha	143
Laallet dhihhaassa 3: Hapira qoch' qoch'	143
Laallet dhihhaassa 4: Horet tallat laallata foottinan	144
Lallet dhihhaassa 5: Tanawno masimasno	144
Laallet dhihhaassa 6: Sira haw haw kiy	145
Laallet dhihhaassa 7: Harka ch'iqqattot seep kidha	145
Laallet dhihhaassa 8: Inshsharaw Yayiqop allawushaw Yeshe	145
Laallet dhihhaassa 9: Dhahen shokkohuman	146
Laallet dhihhaassa 10 shokku qaras shokku padhawa	147
Lallet dhihhaassa 11: leemmaw hossan	147
Lallet dhihhaassa 12: Tharimusawa ch'ay kidh therebhesa	148
Lallet dhihhaassa 13: Mach fartawo	148
Laallet dhihhaassa 14: Kanaset	149
Laallet dhihhaassa 15: Dhakinishshayinu lushshanna	149
Lallet dhihhaassa 16: Kutkuta Tit.....	150
Laallet dhihhaassa 17: Attuwat kolla hossan	150
Laallet dhihhaassa 18: Pe?alla qoch'	150
Lallet dhihhaassa 19: Uffinata dhiitot hekkaye	151
Lallet dhihhaassa 20: Sayinset sayinset.....	151
Laallet dhihhaassa 21: Hampirtet kodhdhin	152
Lallet dhihhaassa 22 kollampayit qiimm	152
Laallet hokat pahayitet dhihhaassa 23: Hoyya hoyya:	153
Lallet dhihhaassa 24: Neyyineeya	153
Laallet dhihhaassa 25: lallet tappa heka lashshat.....	154
Lallet dhihhaassa 26: Helipa poonate helipa poonate.....	154
Laallet dhihhaassa 27: Pak masimasene	155
Lallet dhihhaassa 28: Kukulu.....	155

Kalt

“Hellipa ottan lalletate achachi sedhi qapani lallet tappa dhassat qiminan. Hirayimas nass lalletat hayisot ishamat inakishay qali qottanenne qari ora dhakashiy. Hiran medha hekkani qatan nass lallese lallusisan kolliye. Sekkana nass heki lalleset dhaheni pana heki lallatat dhakkasa. Chawayeseno kodho imashi orrisatadhu ishakas lallese teppet illa dhakashissan shoke lelan ollen lallussisan kollilanet qimiyen. Lalladhen kana lallese qale leladhan iyya dhakayenne hin iyya kollen qapiset turriqqatas hin iyya kollen kollila hekkan olle qapamay kassatan olli ishamanan kodhi.

Mathaffa seqqale panattadha hekka lalletat haw haw kiyy hedhehadhen. lalawayin hirayima koyyattan osse iyya dhehadheni malla qumi hussadhotep kanissanne lallet haw haw kishu, tanaw pahayit, dhitta, hirrippa, tinnipa, shoniqqa, mehadha lallet haw haw kiyppadhawan ierkawssata fotinan.

Tappa 1^{ya}

Laallet dhihhaassa 1: Anu man kollilaatep



Anu man kollilaatep (2)

Ufinat pidhdhatas (2)

Anu man kollilaatep (2)

ufinat pidhdhatas(2)

Ha Hu kollina,

Dhihhaassa dhihhina,

Pe Pu ufinanina,

Anu man kollilaate (2)

Ufinat pidhdhatase (2)

Laalet dhihhaassa 2: Dhakinittadha

Mashshaw,hashiyyadhaw,

Kilipayinonne quummach'ch'a lukkawot,

Kapanne, sinoyo, indhoyonne lappoyyu,

Hin iyya dhakinittadhoyu.

Mashshaw hashiyaw,

Kilipaloyonne quummach'ch'a lukkawot,

Kapanne sinoyo, indhoyonne lappoyyu,

Hin iyya dhakinittadhoyo. (3)

Laallet dhihhaassa 3: Hapira qoch' qoch'

1, 2, 3 hapira qoch' qoch',

4, 5, 6 hapira qoch' qoch',

7, 8, 9 hapira qoch' qoch'

9 hapira qoch'(3)



Laallet dhihaassa 4: Horet tallat laallata foottinan

x2 { Horet tallat laallat foottinan
Aaho maanna maanna kine?
Aturat laallanish hiripishsh,
Miyaw miyaw hekidh,
Miyaw miyaw hekidh,

x2 { horet tallat laallata foottinan
Aaho maanna maanna kinan
Horet maanna kiy maanna kiy kidh?
Wu-wu-wu kidhe
Laft kifan x2

Tappa 2^{ya}

Lallet dhihassa 5: Tanawno masimasno

Shokh, lake, hallipata, affure,
Arikka dhawino massimasino
Hen, leh, tap, lakkushet,
Thiniqot, hudh (helipa 2)
Dhekanu tekka kellas
1ya, 2ya, 3ya, 4ya, 5ya, 6ya, 7ya, 8ya, 9ya, 1oya



Laallet dhihissa 6: Sira haw haw kiy

Sira ch'ay kidh,
mulmul.
Kawunela maanna panan.
Purtukanet panan,
Sira room ashshan kiy?
Pork apitat panan?
Monito kidhkinno,
Monitap panan,
Sira poor kidhot,
Quum dhillattep kiy

Tappa 4^{ya}

Laallet dhihhaassa 7: Harka ch'iqqattot seep kidha

Harka ch'iqqattot seep seep kidha,
Mint ch'iqqattot seep seep kidha,
Mashsh filatot seep seep kidha.

Tappa 5^{ya}

Laallet dhihhaassa 8: Insharaw Yayiqop allawushaw Yeshe

Insharaw Yayiqop insharaw Yayiqqop,
Hepe?atemo hepe?atemo ,
Tiwilet tawwallame tiwilet tawwallame,
Sohadho sohadho,
Awo hesohadhe awo hesohadhe,
Miintaw ch'iqqanna illoyyu rikkanna,
Uwashaw uwwanna ch'oollat dhamina,
Man kollilaatep anninna,

Ufinat dhikkat pidhdhanna
Alawushaw Yeshe, alawushaw Yeshe
Hepe?atemo hepe?atemo,
Tiwilet tawwallame tiwilet tawwallame,
Sohadho sohadho,
Awo hesohadhe awo hesohadhe,
Mintaw ch'iqqanna illoyyu rikkanna,
Uwashaw uwwanna ch'oollat dhamina,
Man kollilaatep anninna,
Ufinat dhikkat pidhdhanna.

Tappa 6^{ya}

Laallet dhihhaassa 9: Dhahen shokohuman

Laallet huma?at x2 {
Dhahen shokohuman
Tanawina,
Dhahen shokohuman
Tanawina
Kayishat kayishaw,
kayishaw kayishayit,
Laallet huma?at x2 {
Dhahen shokohuman
masimasina,
Dahen shokohuman
Taannawina.

Tappa 8^{ya}

Laallet dhihasa 10 shokku qaras shokku padhawa

Shokku qaras shokku padhawo lakkes kodh shokku padhawe.
 Lakk qaras shokku padhawo halippatt kodh shokku padhawe
 Halippat qaras shoku padhawo affures kodh shokku padhawe
 Affur qaras shokku padhawo henes kodh shokku padhawe
 Hen qaras shokku padhawo lehes kodh shokku padhawe
 Leh qaras shokku padhawo tappas kodh shokku padhawe
 Tappa qaras shokku padhawo lakushet kodh shokku padhawe
 Lakushet qaras shokku padhawo thiniqot kodh shokku padhawe
 Thiniqot qaras shokku padhawo hunidh kodh shokku padhawe (2)

Tappa 9^{ya}

lallet dhihasa 11: leemmaw hossan



Laallet huma?at x2 {
 inikoshawonne apaw hosan
 alawshaw inisharaw hosan
 Anidhot hosut kalan!
 Lemaw anidhanisin
 Lemaw aniuwashn
 Lemaw anikkolashin
 Lema anhosan!

Laallet huma?at x2 {
 inikoshwnne apaw hosan
 alawshaw isharawono hosan
 Anidhotan hosutan kalan!

Lallet dhihassa 12: Tharimusawa ch'ay kidh therebhesa

Tharimusawa hen tharabhesa qarra ,
Shoku suniku pappaqo affur hattine.
Tharimusawa affur tharabhesa qarra ,
Shoku suniko pappaqo hallipat hattine.
Tharimusawa hallipat tharabhesa qarra ,
Shoku suniko pappaqo lak hat.
Tharimuset lak tharabhesa qara ,
Shoku suniko shoku hat,
Tharinuset shak tharabhesa qara,
Shoku suniko serrot hat,

Tappa 11^{ya}

Lallet dhihassa 13: Mach fartawo

Mach mach mach fartawo (2)
Fartaw atat qaras la?iye
Mach mach mach kin ollo ha?amin
mach mach mach fartawo (2)
Fart room qaras la?iy
Mach mach mach kidhan ha ?amin
Mach mach mach fartawo (2)
Fartaw poor qaras la?iye
Mach mach mach kidhan ha ?amin

Tappa 12^{ya}

Laallet dhihhaassa 14: Kanaset



kanaset lakku lakkos
 Erreel erreel fayat
 Haayyot haayyawwo
 Haayyot dheeyyo sese?iy
 Rooppat rooppo
 Rooppat pa?iyoy
 Haattet haattet
 Haattet haap

Laallet dhihhaassa 15: Dhakinishshayinu lushshanna



Laallet huma?at 2x {
 Lashimin etikel sohanikino
 Turqatas man sinidhatep anno
 Minishaynu harikayno
 Samunan ch'iqqano
 illonu ch'iqqano
 ch'olat ch'olawno
 harikaynu ch'iqqano
 man kollilatep ano
 lashimin hin erkano
 helipamit hin erkano
 Asimachet 2x {
 lashimit etikel haikino
 turi qatas man sinidhatep ano

Tappa 13^{ya}

Lallet dhihassa 16: Kutkuta Tit

Kutkuta Tit qasolaya,
Hark ch'iqqama dhiyyen eman,
Hehbhaqqite, heuuqqat, hefirich't,
Hesuukit, hethithirrat.

Laallet dhihhaassa 17: Attuwat kolla hossan



Medhdha, kollinno, qali qappanno,
Attuwat, ufinnattas, kokkatta, qiinna,
“n” akkum karfatep kishsh,
“Q” surra li ka?at.
“M” lukka halipat qaft,
“y” paallap kishsh (2)

Laallet dhihassa 18: Pe?alla qoch'

Tallitese tinna?at henalit
Quunales hayyat kappiyyalle nakayit,
Tallitesin qoch' quuhha dhiitt,
Oyyadh mulmul dhaman talla nakkayit,
Tallitesin qoch' ishsh,
Mi mi kidhan
Mannadhdhep kalit.

Tappa 15^{ya}

Lallet dhihassa 19: Uffinata dhiitot hekkaye



Qe Qu Qi qa ufinata dhiittot hekkaye .
 Qe dhahen ufinadhen.
 Qe qu dhah ishshaakka.
 Qi qi henno ufinadhdu
 Qa qa ufinata dhiittot hekkaye.

Tappa 16^{ya}

Lallet dhihassa 20: Sayinset sayinset

Sayinseta sayinseta qoorichawo,
 Ann kolliyye lushshattawo,
 Miintaw ch'iqqadhe ch'oollat ch'oollawe,
 Harkaw ch'iqqadhe pihha pihhawe,
 Lukkoyu ch'iqqadhe awadh pe?adhe,
 Ommoottan akke sayinset, illissanniyyo
 Sayinseta sayiniseta qoorichawo,
 Ann kolliyye lushshattawo.

Tappa 18^{ya}

Laallet dhihaassa 21: Hampirtet kodhdhin



1 2 3

Hampirtet kodhdhin,

Haayya qara firn,

4 5 6

Puulal qara

Erreel erreel

7 8 9 10

walwalat kodhdhina,

Mootalen firn,

Roobhbhila kodhdhina,

Mootalen firn,

Puulal qaran,

Erreel erreel.

Tappa 19^{ya}

Lallet dhihassa 22 kollampayit qiimm

Kollampayit qiimm ihelisampayt

Paannale anniyo qapaniya

Kamiyot dheeyyisho akkum iakanitos

Dhindh pitot qaras anniyo.

Tappa 26^{ya}

Laallet hokat pahayitet dhihass 23: Hoyya hoyya:

Hoyya hoyya ho!
 Hoyya hoyya ho!
 Hoyya hoyya ho!
 Hoyya hoyya ho!
 Kofitawo ho!
 Soha ann dhaate ho!
 Hoopa qapo ho!
 Akkila qapo ho!
 Pampanu pa?e ho!
 It qappattan ho!
 Inkoshawawolo ho
 Dhakinitit opanisha ho!
 Qum qoriqorotatepa ho!

Lallet dhihassa 24: Neyyineeya

Mullimuliyyan-neyyneey
 Kaffadhawo-neyyneey
 Orrikan ella-neyyneey
 Qorraya qeppiye-neyyneey
 Man haka dhihinos-neyyneey
 Man dhiy malle-neyyneey
 Am ohhit naf he qapam-neyyneey
 Allitas pe?an-neyyneey
 Hissika dhihiyo-neyyneey
 Hakka man dhihinos-neyyneey
 Pullal qunn kodhashettat dhikkiy akkadho

Tappa 27^{ya}

Laallet dhihassa 25: lallet tappa heka lashshat

1,2,3,4,5 kollino taannawano ,
6,7 tappa shakkanidhdhu lashsh tapp.
Saagno,maakissaagno,roop,hamuse,arp, lashshadha 5,
Hedhen man kollilaatep ufinat pidhdhattas.
Qittammenne saanipata talla hayisatas
Taannaw taannaw kino hassottan man kollialat (2)

Tappa 29^{ya}

Lallet dhihassa 26: Helipa poonate helipa poonate

Helipa poonate (2)
Haqqat teekk fadhikkinno
Qaras poonate ollo qalesh mittat kale
Alawushay akk it kallishsho
etikelayitan qeedhas intaw teekkela tallane
Lamm anenne
Arkupan pa?ne
Helpaan iyya tarpa fadhene alawashay nass dhakayite
Roop roope kashana kallene
Heppooyye ilimama masimasutate

Tappa 31^{ya}

Laallet dhihassa 27: Pak masimasene



Pak masimasene kesumanne leemma,
 Pak masimasenne dhahen kollisampaya.
 Dhikkin masimasine dhikkin hayisane,
 Sedh qar pa?assannu foch' innu dhakayisamadhe.
 Helipaan innu tarpine man ottan shokku tura kiyo,
 Heqfin irateta heqafin imashsh orissatta.
 Kap qoshshan kaannite sedhes innu kayisite,
 Serka ikkodhene kollisampayitayinose,
 Kap qoshshan kaannite sedh innu kayisite,
 erka ikkodhdhene kollisampayitayinose.

Lallet dhihassa 28: Kukulu

Kukulu am hepartem
 Kukulu am hepartem
 Kukulu am hepartem
 Kukulu ami hepartem
 Yemedha yemedha dhikkinu taannawuno
 Sekkannesh meumat am mittaattinamo
 Meumawo meumawo tankanne anna (2)

Kollila ottan Shokku Tura Kiyu Mathaafadhan Leh

(Torrot, tanaw ottan allitippatesh, erkama kollinatat, erkama
harikaminat, tanaw ottan talatenne lallet)

ISBN: 978-99944-2-860-1



Tobhiya fedheraletanne Dhimokirasawet
Rippappilikket Timirt Minissiteret



Man Heke Kollilat T/P/P/K/M

Herry: 100.00